



BIBLIOTECA NAZ.

113

E

106

BIBL. NAZ.

BIBL. NAZ.

VITT. EMANUELE III

11.3

E

106

NAPOLI

VIII. N. 20

113

£

106,

115. (22)

FRANCISCI
GRIMALDI
SOCIETATIS JESU
DE
VITA OECONOMICA
LIBRI TRES
Cum Adnotationibus Aristotelicis.



ROMAE
APUD JO. MARIAM SALVIONI
M. DCC. XXXVIII.


Superiorum facultate.

Bibl. Coll. Briz. Soc. Jesu.
1739.



PETRO FRANCISCO
GRIMALDI. GRANATA



 *Actum est peropportune, MAR-*
CHIO EXCELLENTISSI-
ME, ut eo potissimum tempore,
quo nuptiæ plenæ splendoris. ac dignitatis inter te,
ac præstantissimam feminam, ex inclyta Duratio-
rum gente delectam celebrarentur; ego in hujus
§ 2 operis,

operis, quod Oeconomica inscribitur, conficiendi labore versarer. Itaque, hoc tam lato nuncio accepto, statim, pro eo ac debui, gratulatus sum; auctorque fui musis meis, ut opus, quod affectum haberent in manibus, ac nondum perpolitum, quoquo modo perficerent; illudque tibi inscribendum curarent, mea in te benevolentiae pignus certissimum, debitum virtutum tuarum memento, mea denique in te observantiae testem sempiternum. Et quanquam in hoc perdifficili regenda familiae munere, monitores habes domesticos, hinc Parentem tuum, optimum, ac praclarissimum virum, illinc Ansaldum patrum, duo clarissima Genuensis Reipublicae lumina; tamen patere hos inter, non tam me, qui nullus sum, quam praestantissimos totius antiquitatis Philosophos Platonem, Tullium, Aristotelemque in primis, qui de re familiari scripsit, versari; cujus ego praecipue vestigia sequutus, quae illi sparsim pluribus in locis disseminata reliquerunt, unum in volumen redegi, ac poeticis hilaritatibus inspergenda curavi; quae, vel perpetuam praeceptorum gravitatem temperarent, vel legentium, si quod esset, occurrerent fastidio. Verum, de his meis vigiliis, quas fortasse grata Posteritas non omnino improbabat, aliorum esto iudicium; de tuis maximis, eximisque virtutibus vel in hoc juven-

DEDICATORIA.

V

ventutis flore, non tam pubescentibus, quam perfectis, atque maturis, meum erit judicare. Nam, ut illa omittam, quæ a natura magis sunt, quam aut industria, vel arte quasita, præclaram nimirum indolem tuam, commodum, atque uber ingenium, celerem, occurrentemque memoriam, statum corporis erectum, frontem explicatam, naturalem quandam dicendi vim & copiam; quæ qui ab ipso ortu arripuerunt, ii præ cæteris a natura commendati, ac peculiari munere ornati nasci videntur: ut sileatur de præstantissima tuæ familiæ nobilitate, quam & perve-tustæ opes, & excellens Proavorum virtus toto orbe memorandam effecerunt; quorum ob egregiam operam in Granatensi præsertim regno positam, Hispaniensium Magnatum jus vobis collatum est, & nunc etiam Granatæ nomen cognomento vestro adjectum videmus: ut nihil dicam de præclaro talium ornamentorum usu, quæ tu non turpi otio corrumpenda reliquisti, sed in quæ-stum conferens multo honestissimum, solidam tibi Rhetoricarum, Philosophicarum, Mathematicarum rerum cognitionem comparasti; cum esses interim in juris civilis, in historiæ, ac linguarum peritia summa cum laude versatus: ut nec etiam illa attingam, quæ, quanquam non tam animi virtutes sunt, quam corporis, tamen cum in
iis,

iis, qui isto loco, atque atate sunt, qua tu nunc es, videntur, jure laudantur, equitandi, saltandi, hastam vibrandi dexteritatem; quæque, ut tempore pacis optimum civem ornant, sic belli tempore optimum militem possunt instruere: ut hæc, inquam, aliaque prætermittam; unam illam scire nullo modo possum prudentiam tuam, quam, dum hic nobiscum institutionis causa versare, perpetuam tuarum actionum tesseram esse voluisti; quæ, quanto minus ab ea annorum viriditate fructus erat expectandus, (est enim illa plurium annorum opus, multarumque virtutum) tanto magis eos, qui tuam adolescentiam excolerent, cum arbusculam novi generis in tam fertili tui ingenii solo succrescentem viderent, admiratio quadam caperet, summa cum voluptate conjuncta. Nam, quod ab omnibus tui ordinis equalibus amarere; te unum omnes, quem imitarentur, deligerent; te unum omnibus comem, jucundumque præberes; simulque gravitatem quandam tui propriam levioribus his virtutibus admisceres; cum & circumspæctus in verbis esses, & singularem adhiberes in comprimendis animi tui motibus diligentiam; atque hoc esset idem de te provectorum atate Patrum judicium, qui multo ante, qualem Genuens Reipublicæ Senatorem designares, quantum

DEDICATORIA. VII

tuae nobilissimae familiae decus esses allaturus, cognitione praeverterent; an non opus hoc fuit tuae prudentiae praeclarissimum, quae, & praesentem animi tui moderationem significaret, & reliquos vitae fructus, cum maturior aetas accessisset, polliceretur uberrimos. Quare, ut conspecto aliquo signo; aut pictura egregie facta, heremus primo, mox illam per partes probamus, excellentis deinde artificis, qui illam fecerit, laudamus industriam; sic mihi tecum quodammodo contigisse visum est, qui, ut te primum cognovi, statim probavi; deinde, ut frequens usus accessit, ac paullo familiarior communicatio, virtutum tuarum effigiem propius contemplatus, eo te amoris genere colere coepi, qui, & tantis animi tui ornamentis debitus esset; eique praesertim, quem mei amantissimum semper cognossem; meorumque studiorum aestimatorem praecipuum, plusculum fortasse in hoc amoris in me suo, quam veritati indulgentem. Cum itaque divina quaedam sors, mea in te jam virum, ac patriamfamilias observantiae testificanda tam praeclaram occasionem, hujus Oeconomici operis nuncupatione, obtulisset, an non illam statim arripere, ac summo studio complecti deberem?

At ne quis forte suspicetur, dum tibi nunc Oeconomiam offero, sordidum me vitae genus offerre,

ferre, (sunt enim quidam, qui aliorum, ac res est, tum Politicam, tum Oeconomicam facultatem interpretantur; atque ut primam ad fallendum utilem, sic alteram ad sordide, illiberaliterque vivendum factam arbitrantur) sine me, quaeso, oratione a te tantisper advocata, quid Oeconomica sit, paucis complecti; quæ res, quamvis notissima tibi sit, non erit, ut spero, memoratu injucunda; quod, quarum virtutum pergratus nobis usus est, earum commemoratio ipsa delectat. Est hoc fato pecunia, ut hinc potissimum exordiar, ut sæpe in eorum manus incidat, qui, qui sit in pecunia fructus, prorsus ignorant. Quare ut optimus gladius optimo militi, præstantissimus equus ei, qui optime illum regere, ac circumflectere sciret, deberetur; sic, quo quisque melior esset, ac virtute præstantior, eum nummationem esse oporteret, ac fortunæ bonis magis circumfluentem. Sed quia raro fortuna cum virtute consentit; cum pecunia in stultorum hominum manus devenit, quid hoc est aliud, quam gladium furioso, equum indomitum, atque intractatum malo sessori esse commodatum? ex quo utriusque perniciēs sequitur, interitusque certissimus.

Hinc bene Themistocles (2) cum de filia collocanda ageretur, illam non tam pecunioso viro, sed

sed stulto; quam pauperi, verum sapienti collocare voluit, quod diceret, malle se virum, qui pecunia careret, quam pecuniam, quæ viro. Et sane, cum nonnullos videas, in præclara licet re sordide, misereque vivere, non solum genium defraudantes suum; sed naturæ necessitatibus aliquando minus inservientes; an non statim intelligas, ubi hæc eveniant, pecuniam esse sine viro, sine capite, sine consilio, nullas possessori suo vitæ commoditates præbentem, ad quas sit instituta? Id quod de rege Mida fabulati sunt olim Poetæ, quem in maxima licet auri copia, fame periisse constat.

Sed, cum illiberale hoc vivendi genus, multis multorum probris sit expositum; eumque, qui sic faciat, tanquam immanem, ac venenatam belluam, omnia vorantem, ad omnia cupiditatis oculos adjicientem perhorrescant; vertunt se alii in alteram partem; atque honestissimas opes, majorum industria comparatas, non solum non augent honesta aliqua ratione, quod possunt, ac debent, ut acceptus a majoribus familiæ splendor per totam gentem aliqua luminis accessione continenter eluceat; sed temere profundunt universas in belluationibus, in ludis, in theatris, in profusis denique largitionibus; fortasse hac spe illecti, quod quemadmodum avari in odio sunt apud omnes;

sic se dum prodigos præbent, ac profuse liberales, amatum iri confidant, ac studiis hominum honestandos; quæ aliquando consequuntur; nam, ut inquit ille (a), prodigi amantur; sed eo fortasse amoris genere, quo (b) gulosus turdum amat, aut ficedulam; ebriosus amphoram boni vini ex Insula Cbio, aut Coo deventi; quæ quidem amant, sed sibi; amant, sed ut conficiant, comedendo alter, alter bibendo. An non hoc est, pecuniam viro indigere? An non hoc est, ut Danaï regis filia apud inferos perforato cribro hauriunt aquas, quas statim effundant; sic ab illis, rem aliorum labore quæsitam, misere spargi, proflui, ac dissipari?

Itaque optandum esset, atque omni ratione curandum; ut, nec qui vere vir esset, pecunia indigeret, nec virum pecunia desideraret; atque aliqua ejusmodi daretur disciplina, per quam homines perutilem hanc viri cum pecunia conjunctionem edocerentur, ac consequi possent; quod si esset, quot insignia magnificentia opæ, partim ad domesticum splendorem, partim ad publicum pertinentia, quotidie viderentur in Republica!

Atqui hoc docet Oeconomica facultas; cujus munus est proprium, pecuniam, ceteraque instrumenta

(a) Aristot. Ethic. (b) Similitudo ex S. August. desumpta.

DEDICATORIA. XI

imenta alenda familiae necessaria non solum comparare, sed etiam comparatis uti; hominem instituere non omnia parcentem, timideque administrantem; sed genio aliquando indulgentem, hilareque viventem; a profusis juxta sumptibus, ac sordibus abhorrentem; illudque Ennii in primis habentem præ oculis (a); sic vicino de sua face lumen accommodandum; ut ei tamen, qui dedit, lucere possit; ne, cum alteri dederit, ipsi extinguatur; sic, & benefaciendum aliis, & commodandum de suis fortunis esse; sic tamen, ut res familiaris ei superfit, qui sit impertitus. Neque enim alia ratione, aut materia liberalitati subministrari posset, aut magnificentiae, ceterisque virtutibus multo, copiosoque apparatu indigentibus, nisi fundum semper uberem, semper paratum Oeconomia præberet. Itaque, & privatorum hominum illa virtus est, & Principum maximorum. O præclaram igitur disciplinam, quæ nos ista doceat! at hæc docet tantummodo? quin multo utiliora, ac præstantiora proponit. Quid enim magis expetendum in vita est, quam familias in unaquaque civitate florentissimas, ac beatissimas esse, nobilium præsertim virorum, ex quibus Senatus, ex quibus consilii publici participes prodire debent, quod ex illis præcipue status ci-

§ § 2 vitatis

(a) Tullius lib. 1. de Offic.

vitatis componitur ? Atqui, nisi privatorum in domibus pax floreat & concordia ; nisi in matrimoniis copulandis delectus cautus adhibeatur, & diligens ; nisi in prole educanda, optima institutionis ratio servetur ; nisi in illos denique, quibus ad res familiares necessariis utimur ministris, lene simul, ac forte adsit imperium, non magis posset contingere ; quam, si quis nullas, aut malas arbores in agro suo cum sevisset, optimos deinde fructus speraret se posse colligere ; quod vani hominis esset, & a rationis proposito prorsus aberrantis.

Quare, bene ac sapienter, qui de recte ordinanda civitate scripserunt, non ante id fecisse deprehenduntur, quam, quæ ad domesticam disciplinam pertinerent, digressissent omnia ; quod Oeconomica facultas cum Politica connexa sit, & cohæreat ; quod nullum diuturnum imperium, nulla diu florere possit Respublica, nisi privatorum domus recte se habeant, quæ elementa quædam sunt, ac primordia civitatis.

Quod si mihi in re minime dubia exemplis utendum putarem, ab hac Republica vestra, MARCHIO EXCELLENTISSIME, non discederem. Quod enim illa floret, quod viget, quod dominatur ; quod in tanto seculorum ambitu ævum nescit ; quod in minus opportuna licet soli

DEDICATORIA. XIII

*soli natura tot copiis circumfluit ; quod tot afflic-
tis , ac pene everfis in Europa civitatibus par-
tim bello , partim omni bello pejori , immodico
luxu , vos cum paucis floretis , ac beati estis ;
unde id effectum putatis ; nisi quod apud vos ,
cum publica res sapientissimis institutis tempera-
tur , tum vero etiam domestica firmissimis legum
vinculis sit adstricta ? Ubi enim in matrimoniis
expendendis religio major ? unde incontaminata ,
atque ex omni parte perfectam nobilitatem exi-
stere necesse est . Ubi major in liberis instituen-
dis adhibetur cura ? unde semper optimam Rei-
publicæ vestræ nobilissimorum Equitum , sapientis-
simorum Senatorum sementem sufficitis ; quo fit
ut illa semper , etiam dum mutatur , stabilis ,
atque invariata consistat ; idest optima , præstan-
tissima , suique similis .*

*Tuberonem olim (a) Prætura dejectum le-
gimus fuisse , quod in apparando funebri epulo
Scipioni Africano mortuo , triclinium stravisset
hædinis pelliculis , in eoque vasa Samia exposuisset ;
quasi vero Diogenes Cynicus esset mortuus ,
ac non divini hominis Africani mors honestaretur .
Non tulit Populus Romanus , tam perversam
Tuberonis parsimoniam ; quod optime sciret , quæ
uno aut loco , aut tempore facta laudarentur , in
alii,*

(a) Tullius in Orat. pro Lucio Murena.

XIV EPISTOLA

aliis vituperari; distinctas ac diremptas esse rationes officiorum, nunc parsimonia locum esse, nunc largitati; vicissitudinem esse quandam severitatis, & joci; nunc labori indulgendum, nunc voluptati. Vos, qui in populi Romani vestigia feliciter successistis, ut inanes sumptus, ac jactatricem illam opum vanitatem circumciditis; ut non tam insignes corporis ornatu, quod legibus vestris prohibetur, per urbem inceditis, quam animi magnitudine, atque excellenti nobilitate conspici; tamen & lautissime habitatis ipsi, vestraeque domus, licet privatorum illae sint, maximorum Principum aequant aedificia magnitudine, cultu, laxitate, opulentia. Cum vero aliquid apud vos aut privatim, aut publice, magnifice gerendum est, quod persaepe accidit in legationibus, in summorum Principum occurstationibus, in iisque in urbe vestra hospitio excipiendis, qui splendor, quae pompa, quae vestra humanitas est! contabulato saepe novis aulis, novis porticibus mari, ad edenda spectacula, ad ludos, ad festos dies, saltationibus, concentibus, conviviiis celebrandos, accommodatis.

Denique, si qua unquam in alia, in vestra Republica maxime, rara illa, ac perdifficilis cernitur viri cum pecunia consociatio; quae optime parta, optima ratione collocata, non in
vanos

vanos usus consumpta apud vos brevi dilabitur, sed perpetuis accessionibus cumulata crescit in dies magis, ac stabilem, ut in rebus humanis fas est, obtinet perennitatem. Quod nisi vestra similis, olim in majoribus vestris fuisset regendarum familiarum, opumque administrandarum consuetudo, quæ ab illis ad vos feliciter traducta pervenit; non tot illi vobis præclara magnificentia opera relinquere potuissent, tantam portus celebritatem, tot moles objectas fluctibus; montes, licet natura diremptos, perpetuo lapideo ponte Sauliorum magnificentia continuatos, ut ex duobus urbibus unam efficerent; amœnissimam illam maritimam oram, Urbique vestra continentem, tot adificiis, tot viridariis, tot oppidis distinctam atque illuminatam; non duas denique illas toto orbe celeberrimas domos, alteram, ad sustentandam calamitosorum inopiam, magnificentissime structam, atque omnibus rebus ornatam; alteram, tot divitiarum, tot thesaurorum receptricem; unde ingravescente licet annona fertiles annos, unde dubiis, periculosisque temporibus classes, & bella depromitis. Quin & majora istis efficiendi in vobis animus non deesset, nisi, quæ majoribus vestris faverunt tempora, vobis nunc essent impedimento. Verum illa tueri, quæ accepistis, id quod præclare nunc facitis, posse; singu-

singulari vestrae sapientiae tribuendum est, divinaeque virtuti. Sed, quo me ab instituto Epistolae cursu, pene incautum abduxit oratio mea? Quare, finem facio scribendi; atque hanc Oeconomiam, ab imperitorum calumniis perpurgatam iterum tibi offero, MARCHIO EXCELLENTISIME, quae si minus utilis tibi forte fuerit, quod ad rem familiarem administrandam domesticis, ut dixi, excitaris exemplis; & per te vales prudentia plurimum; saltem pro posteris tuis, filiorumque filiis, quos tibi plurimos auguror, tuique similes, qui, & familiae tuae splendori, & Genuensi Reipublicae firmamento esse possint, valituram esse confido. Vale.

Ex Collegio Romano Idibus Majis 1738.

FRANCISCUS RETZ

Præpositus Generalis Societatis JESU.

CUm librum, cui titulus: *De Vita Oeconomica* libri tres cum Adnotationibus Aristotelicis, a P. Francisco Grimaldi Societatis nostræ Sacerdote conscriptum, aliquot ejusdem Societatis Theologi recognoverint, & in lucem edi posse probaverint, facultatem facimus, ut typis mandetur, si iis ad quos pertinet ita videbitur, cujus rei gratia has literas manu nostra subscriptas, & Sigillo nostro munitas dedimus. Romæ Kal. Majis M. DCCXXXVIII.

Franciscus Retz.

XVIII APPROBATIONES.

I M P R I M A T U R.

Si videbitur Reverendissimo Patri Magistro Sacri Palatii Apostolici.

Philippus Spada Episc. Pisauran. Vicesger.

PRæclarissimi Vatis P. Francisci Grimaldi opus: *De Vita Oeconomica*, jussu Reverendissimi P. Sacri Apostolici Palatii Magistri, a me diligenter perlectum, publicæ utilitati, & ob Latinæ Poeseos elegantiam, literarum etiam ornamento evulgandum censeo, cum nihil ab Orthodoxa Fide, & recta morum institutione discrepet. Romæ pridie nonas Octob. M. DCCXXXVII.

Antonius Franciscus Felici.

Ele-

E Legiacos Francisci Grimaldi Societatis Jesu: *De Vita Oeconomica* libros tres jubente Reverendissimo Patre Sac. Apostol. Palatii Magistro attente perlegi, illosque non tantum Christiano, ac Religioso Scriptore, sed & perfecto morum Philosopho, ac summo Poetâ dignos inveni; ideoque ad publicam utilitatem, & ad novam clarissimi Auctoris gloriam vulgandos censeo. Romæ. Ipsis Kal. Ineuntis Anni M. DCCXXXVIII.

Michael Joseph Morei.

I M P R I M A T U R.

Jo. Benedictus Zuanelli Ordinis Prædicatorum Sacri Palatii Apost. Magister.

VITA

112

THE NEW YORK

LIBRARY

ASTOR LENOX

TILDEN

LIBRARY

NEW YORK

LIBRARY

NEW YORK

LIBRARY

NEW YORK

LIBRARY

NEW YORK

THE NEW YORK

LIBRARY

ASTOR LENOX

TILDEN

LIBRARY

NEW YORK

LIBRARY

NEW YORK

V I T A

OE C O N O M I C A

LIBER PRIMUS.



I cui forte (1) domus non ars bene
nota regendæ est,
Me legat, & certa dirigat arte domum.
Non est res facilis , non est res pro-
na, sed artis,

Postulat, ut facilis, pronaque fiat, opem.

Ut (2) rex sceptrâ tenens regni moderatur habenas,

Altaque lex populi est, primaque norma sui,

Sic summo cum jure domum curatque, regitque,

Natura imperium conciliante, pater.

Præsidet hic natis, regni primoribus alter,

Hic famulos, cives legibus ille regit:

Ille sui fines curat producere regni,

Unde domus constet, comparat alter opes:

Muneris in partem regalis sæpe Senatus,

Sicubi res poscit, consilii que venit:

Sicubi res poscit, sic conjux fida maritum

Sæpe suis monitis, consiliisque juvat.

Præmia virtuti, certas pro crimine pœnas

Dispensant æqua Rexque, Paterque manu.

Ampla domus regnum est, multas si fusa per urbes;

Exigui regni sic domus instar habet.

Floret, ubi late firmat commercia regnum,

Floret amicitiiis, conjugiiisque domus,

A

Ut

Ut regnum, sic tētra domos discōrdia turbar,

Pace viget regnum, pace domusque viget.

Indiget ergo sua regnum quò floreat arte,

Indiget, utque domus floreat, arte sua.

Sed tamen (3) ut recte procedat, & ordine regnum,

Præsto adfunt leges regibus, arma, metus.

At pater auxiliis orbatus talibus, ægre

Continet ipse suæ regna minora domus.

Hoc quoque crescit bonus, petulans ubi contigit uxor,

Exlex progenies, servitiumque procax.

Hinc plus, quàm regnum, ne vinclis forte solutis

Corruat in præceps, indiget arte domus.

Hanc ego profiteor; doctisque a fontibus illam

Arceſiam (4), sapiens quilibet unde bibit:

Hic ego (5) conjugii sanctissima jura docebo,

Quaque maritalis lege perennat amor.

Dicam, quo cultu primos formanda per annos

Sit soboles, justī fructus, onusque thori:

Unde parentur opes, quæ partas certa tuendi

Cura sit, in famulos jus & herile canam.

Principio (6) ducenda bonis tibi moribus uxor,

Qui nova conjugii vincla subire paras.

Dum nova res, dum festus hymen celebratur ad aras,

Inque tuas veniet dos numeranda manus,

Non bene sentitur, quem tu commiseris, error,

Inque domum quantum traxeris ipse malum.

Ast ubi nubendi primus deferbuit ardor,

Quanta sit, exiguo tempore culpa patet.

Piscis ubi primum dulcem gustaverit escam,

Exilit, ast illi proximus uncus adest.

Pabula grata avibus venator edacibus offert,

Queis trahat incautas, retia tecta latent.

Et placet, & perimit proles Acheloïa cantu,
Tutius ut perimat, blandior ante placet.
Innumeris ut vita malis humana prematur,
Est sua non paucis parta medela malis.
In defectu aliquis firmi peccavit amici?
Mutat amicitiae fœdera, liber abit.
Hic male conduxit servum? mercede soluta
Abdicat, & pacto comparat ære novum.
Hei mihi! sola, malis quot sunt ex omnibus, uxor
Durat ad extremos semper habenda rogos;
Quodque alibi peccas, damno leviores luendum est;
In caput hic jacta est alea tota tuum.
Finibus ista suis res non concluditur; uxor,
Si bona, grande bonum est, si mala, grande malum.
Quo magis uxoris prima hæc sit cura legendæ;
Hic tibi delectus durus habendus erit.
Optima quærenda est primum; si forte petenti
Uxor non præsto est optima, quære bonam.
Si bona non dabitur, saltem tolerabilis uxor
Sit tua; ne mala sit, qualibet arte cave.
Hoc quoque si dicam cuivis prostrare volenti,
Mentiar, & nostræ proditor artis ero.
Omnibus e nuptis, res est sat aperta, videri
Exemplum potuit conjugis Eva bonæ.
Omnia tunc fuerant multo meliora, recenti
Edita cum partu terra, polusque forent.
Vis & aquis suberat, succusque salubrior herbis,
Major odorati gratia floris erat.
Purior in rosea rutilabat lampade Titan,
Purior in niveis Luna nitebat equis.
Ipse parens hominum, nostræque propaginis auctor,
Argilla fuerat vividior satus.

4 VITA OECONOMICA

Quæritur huic conjux; sed qua de parte veniret,

Cum toto nusquam femina in orbe foret?

Ecce soporati, ne quid conjunctius illa

Huic foret, e costa profilit Eva viri.

Siqua fuit simplex animi candore puella,

Siqua fuit rectis moribus, Eva fuit.

Adde, quod & menti, ne se subducere posset,

Frenatus stabili compede sensus erat.

Quis tamen ignorat pomum exitiale, quis anguem,

Et male gustatas, lege vetante, dapes?

Nesciat ane aliquis summi affectata Tonantis

Sceptra, per infidæ proditiōis opus?

Hinc elementa fidem rupere, hinc pallida venit

Mors, & morborum septa cohorte latus:

Hinc aversa Deo gens nascimur, inde solutis

Sensibus in præceps cæca libido ruit:

Denique posteritas omnis corrupta, paterna

Undique per nostrum labe meante genus.

Sed quid tantorum mala stirps, & causa malorum,

Auctor quique fuit, quæritis? Eva fuit.

Uxor prima fuit primævo nupta marito,

Nuptaque, quod magis est, conciliante Deo.

I nunc, fide tuis prudens delectibus, i nunc,

Et nullo uxorem delige consilio.

Cur tamen in reliquis cum se prudentia rebus

Efferat, hic alto victa sopore jacet?

Non quæcunque tibi longum maris æquor aranti,

Sed firma eligitur, sed bene tuta ratis;

Incidis in morbum? tota scrutaris in urbe

Pergamea doctum protinus arte senem.

Si commissa foro lis est, vox docta disertis

Causfidici magno quæritur ære tibi,

Si-

Siquid emis, mercesque probas, vitioque notato
Rejicis has, illas, quæ placuere, capis:
Hoc & idem vilem præstas empturus asellum,
Conjuge num pluris vilis asellus erit?
Est, (7) qui non visæ suspirat amore puellæ,
Conjugis & supplet picta tabella vices,
Est, qui longinquis uxorem quærit in oris,
Ignotamque alio stultus ab orbe vehit,
Quique, procuranti bona dum videatur amico,
Protinus hanc cæco ductus amore probat.
Adde leves causas nubendi sæpe, Cupido
Quas levis, & captus lumine dicit Amor.
Illa placet, cytharam quod pectine Cyllenæo
Pulsat, & ad plausum musica cantat ebur.
Altera, marmorei quod visa in parte theatri est,
Protinus ad thalami fœdera pacta venit.
Sunt, quibus in sacris mos est sibi quærere templis;
Quam sibi concordî jungere lege velint.
Sunt, quibus invitis, quæ non placet, uxor habenda,
Illam quod durus jussit habere pater.
Felix Isacides Juvenis, cui contigit olim
Pulchra animo conjux, corpore pulchra Rachel,
Illi bis septem servire fideliter annos
Debuit; hac conjux lege paranda fuit.
Conditio potuit sed amanti dura videri:
Dura sed ut fuerit, commoda multa tulit.
Conjugis inde suæ potuit cognoscere mores,
Inde sui mores sponsa notare viri.
Vix radios primo Sol ostentabat Eoo,
Cum pigrâ excutitur nocte soluta Rachel.
Fingendis in mille modos non illa capillis,
Ad speculum tempus desidiosa terit.

Quin Solis conversa novos nascentis ad ortus,
 Numen adorantes tollit ad astra manus.
 Sedula deinde domum curabat, lumina vertis
 Quo tua, femineus spirat ubique uitor.
 Oscula dein patri, dein oscula dulcia matri
 Non affectata simplicitate dabat.
 Mox succincta sinus, ad pascua nota ferebar;
 (Sibilat in manibus rustica virga) greges.
 Qui tibi tunc dulcis spectanti talia sensus,
 Magne vir, in magnum nomen iture, fuit?
 Hæc mihi, dicebas, (quid tempora, Phœbe moraris?)
 Præstatura suo tempore nostra Rachel;
 Sic prolem instituet, sic curatura penates,
 Sic ad nota meas pascua ducet oves.
 Hic ego non miror, si gens numerosa nepotum
 Protulit ex tantâ stirpe superba caput;
 Si Bellatores, divinaque pectora, Vates.
 Et tot prodierint, nomina magna, Duces.
 Ergo (8) feræ cæco jungantur more, libido
 Ad sua quas tantum gaudia sponte trahit,
 Vos majora manent, confors domus, una voluntas,
 Par amor in thalami pignora, parque fides.
 Scilicet hæc præstet quævis tibi femina, cum vix
 Millibus e multis femina lecta dabit.
 Ergo age, quisquis ades, cui nubere certa voluntas,
 Quæque sit, & qualis sponsa futura, vide
 Num fiat, quæ dirimant thalami clam fœdera causæ,
 Quæque minus faciant jura licere thori.
 Garrula præsertim num quid vicina narret,
 Quæ semper causas, unde susurret, habet.
 Integra præterea, nullisque obnoxia morbis
 Num sit, an affecto corpore firma parum;

Num

LIBER PRIMUS.

7

Num celebrent intus juvenes conclavia, noctu
 Quos adeat cœtus : hinc tibi damna time
 Num sciat arguto percurrere pectine telas,
 Numquid Aracnæa pingere norit acu.
 Hæc bene præstarent omnes, nisi tramite recto
 Multos abriperet (9) dotis avarus amor.
 Ut visco capiuntur aves, ut rore cicadæ,
 Piscis ut abstrusis curva sub æra cibus,
 Decipit incautos sic dos sperata maritos:
 Hæc placet, huic omnes nubere sponte volunt,
 Quid tibi jam profunt Vulcania tela, Cupido,
 Quid pharetra ex humero Gnoissia utroque sonat?
 Dote tuas acies melius, quam cote sagittas;
 Illa magis certi vulnus amoris habet.
 Sed, quid divitiæ profunt, si contigit uxor
 Prodigæ, vel mentis non bene nixa bonis?
 Aspice, nec nostra discedas longius urbe,
 Quot dederit pellum femina vana domos.
 Illa domus centum quæ jugera bobus arabat,
 Nunc jacet, atque humili flagitat æra manu.
 Quæque olim argento dives cœnabat, & auro,
 Pauper in argillâ fœtile prandet olus.
 Non (10) tot Erythræo nascuntur gurgite gemmæ,
 Traprobanesque legit barbarâ Doris aquis,
 Ut sibi in ornatum non plures femina poscat;
 Sive decus digitis, sive datura comis.
 Non tot in imbrifera celantur nube colores,
 Solis ubi adversis pingitur arcus equis;
 Non tot ubi cœlum Phryxæo comitur auro,
 Versicoloratas explicat annus opes,
 Femina quot cultus passim capit, altera semper;
 Et sibi dissimilis, stulta sed usque tamen.



VITA OECONOMICA

Nam modo Sequanicis se compta in vestibus effert,
Nunc Batavos cinctus, Angligenosque capit.
Belgica (11) nunc gaudet, nunc vult Hispana videri,
Nunc quoque barbarica cyclade signat humum.
Adde tot Accensos præeuntes ordine longo,
Adde tot Ancillas, Æthyopasque nigios.
Adde tot & currus, Urbis cum sæpe tumultu
Fertur, per celebres conspicienda vias.
Dos ubi nunc illa est, de qua modo stulte placebas
Vir tibi? dos abiit, stulta sed uxor adest.
Quærite Virtutem, dos præstantissima Virtus;
Anteit hæc gemmas, dives Erythra, tuas.
Sunt, qui posthabita virtute, in conjugē (12) formam
Quærunt, & queis præ divite pulchra placet.
Immensas Junonis opes contempsit in Ida,
Quæque sibi obtulerat docta Minerva, Paris;
At non formosam potuit sprevisse Laccenam;
Sic sapiens voluit, dives & esse Paris.
Ergo erit, ut prudens perituræ incendia Trojæ
In parvam ipse velis iponte referre domum?
Si conjux formosa tibi, virtutis at expers
Contigerit, quanto res erit ista malo!
Fervere mille procos circum tua tecta videbis,
Nec tua, Penelope, forsitan uxor erit.
Munera missa tibi, quæ non tibi missa, videbis,
Plura palam missis, missa latenter erunt.
Conveniere domi multis persæpe; ferendæ,
Non tu, sed conjux causa salutis erit.
Custodire quidem, sed non servare pudicam,
Ni conjux animo casta sit ante, potes.
Ne peccet, tacitâ quæ peccat adultera mente,
Non sera, non custos, non canis ipse vetat

Quantus

LIBER PRIMUS.

9

Quantus erit de te, de conjugē rumor in urbe!

Semper formosis fabula, pœna fuit.

Quærite Virtutem; res est pulcherrima Virtus.

Forma bonum fragile est; illa perennis erit:

Sunt, quæ (13) nobilitas præ forma in conjugē, præque

Divitiis primo quæritur ampla loco.

Consilium laudo; modo non in conjugē virtus

Desit, quam stultus, si modo desit, eris!

Objiciet tibi sæpe suos Cornelia Gracchos,

Ingeret Appiædum Clodia vana genus,

Et poteris dominæ fastidia ferre superbæ,

Et tua non æquo subdere colla iugo?

Quærite Virtutem, qui nubitis; omnia Virtus,

Et genus, & formam, divitiisque dabit.

Vere magis præstet, vel tempore nubere brumæ,

Non mihi sollicito quærere cura subest.

Hæc medici curent; his me majora referre

Carminis in præsens auctor Apollo jubet.

Ætas (14) iusta, viri, nubendi, iusta, puellæ,

Sit vobis; nubat tempore quisque suo.

Pupum cum Pupa, sociali fœdere jungi

Cum spectat, patrio ridet ab axe Venus.

Invitæque sacras se fert Hymenæus ad aras,

Quallat & averfas pronuba Juno faces.

Scilicet imberbi nulla est reverentia patri,

Cum patre vix distat filius ipse suo.

Officit hoc stirpi, quod nullus forte superstes,

In bona qui patris jure vocetur, erit.

Hinc thalami steriles, prolesque enecta, nec armis

Utilis, aut patriæ nascitur apta togæ

Hinc quoque præ maribus nascuntur sæpe puellæ,

Olæa gens, mæcie non bene viva suæ.

Træ-

Iræzanæ quondam mors intempesta metebat

Mille puellarum corpora, mille virum;

Aëris hoc primum contingere labe putatum est:

At facies cœli tota salubris erat:

Quæritur hinc vitium ne quod latitaret in herbis;

Tentantur; vitii constat inesse nihil.

Consulitur Smyntheus; adytis cum Phœbus apertis,

Hæc inter tripodas visus hiare sacros.

Quæ vos ante diem nubendi cæca cupido

Abripit? hæc vestri causa caputque mali.

Cur modus ætatis non expectatur? adhæret

Cur immaturo cruda puella viro?

Non hæc firma satis, non hæc moderaminis ætas

Sat patiens, præceps nescit habere modum.

Plura nec effatus; præcisa est causa malorum,

Tempore quod capit nubere quisque suo.

Nil juvenile nimis perfectum est; præcoce foetu

Edita, nativo poma sapore carent.

Vinea pacta recens, nec vitibus uber adultis,

Quæ cito marcescant, languida vina parit.

Ipsa etiam mancos edunt animalia foetus,

Ante suum quoties progenuere diem.

Nec minus est vitii, cum jam frigentibus annis

Nubit, & hinc risum captrat in urbe senex.

Fac gigni natos; ridendos mole pusilla,

Morborum & pronos gignet in omne genus.

Quis prolem instituet, propero cum funere grandis

Mox pater e vivis eripiendus erit?

Ast ubi matura decessit morte, rependi

A natis patri gratia nulla potest.

Si tamen ætatis, quæ sint magis apta, requiris

Tempora, in hac faciam nunc quoque parte satis.

Vir

Vir decima prudens nubat trieteride ; iusto
Iungatur sextâ iusta puella viro .
Sed bona (15) ducta bono jam tandem est omine conjux,
Lectaque prudenter , lectaque rite fuit .
Quid tamen hic cestas , via cum tibi longa supersit ?
Ulterior votis meta petenda tuis .
Quod bona sit conjux , laus est nonnulla parentum ,
Laus est uxoris maxima , nulla viri .
Quod bona fervetur , meliorque evadat in horas ,
Maxima laus hæc est , totaque pene viri .
Et bona Nestoreos ultra servabitur annos ,
Dux ad virtutem si bonus esse velis .
Nam quid vernanti ducta est ætate puella ,
Hanc nisi ut imbueres moribus ante tuis ?
Quid tibi displiceat , primis placeatve diebus ,
(16) Norit ab exemplo femina docta viri .
Ipse domum primo redeas si vespere , conjux
Non tua se totâ devia nocte feret .
Si vir parcus eris , nimium non prodiga perdet ,
Quas bene servari noverit uxor opes .
Non tamen immineas (17) rigidus speculator in illam ;
Velle nimis , votis sæpe volentis obest .
Vidi ego , cum nimium fructus poscente colono ,
Hoc ipso sterilis ferre negaret ager .
Vidi ego cum nimium sessor calcaribus armos
Pungeret , hoc ipso sæpe resistere equum .
Quid , quasi nil pecces , peccata levissima durus
Semper in uxoris cognitor ipse sedes ?
Si speculum imprudens , si murrhea pocula fregit ,
Gemma vel incautis excidit articulis ,
Implens vesano furiosus tecta tumultu ,
Et perjuratos axe vocas superos .

Uxor multa sui toleret toleranda mariti,
 Ipse vir uxoris multa ferenda ferat.
 Nempe jugi mollitur onus, cum compare tauro
 Ipsa suâ plaustrum parte juvenca trahit.
 Cumque vehunt currum junc̃ta cervice jugales,
 Tunc minùs impositum pondus utrumque gravat.
 Cum peccat graviora, monenda in tempore conjux
 Est tamen; in monitis fortis at esto tuis.
 Nunquam sola domi tua conjux, semper ad illam
 Qui veniant, juvenum inmixta, virûmque cohors.
 Litera furtivâ peraratur sæpe tabellâ,
 Munera clam mitti multa, palamque vides.
 Institor ad dominam quoties tunicatus emacem
 Se fert, quod libitum est, illa licenter emit.
 Jam super illa suæ nimium se sortis honorem
 Effert, & quiddam turgida grande sapit.
 Cantibus obscœnis, fœdisque agitata choreis
 Jam plus, quam superûm templa, theatra petit.
 Omnibus illa locis flagrantia lumina jactat,
 Ultra femineus quam sinat ire pudor.
 Nescio quam pulchro felicem a conjuge laudat,
 Jam minus illa sui pendet ab ore viri;
 Hæc tibi marimoreo spectantur? nullaque nasum
 Arrigit, & vitreo bilis in ore sedet?
 Tam magis ornatu si femina gaudet inani,
 Et minio pingit versicolore genas.
 Quæ tot (18) circumfert vultu mendacia, verus
 Illius anne animo candor inesse potest?
 Oblita quæ fuco vultum splendente colorat,
 Non faciet fucum moribus ipsa suis?
 Dixero hic aliquis; tam sævo occurrere morbo,
 Qua tu, ne serpat latius, arte jubes?

Non

Non ego sum genio tristi, nimiumque severo;
Non mihi nativo pectus ab ære riget.
Non ferrum flammæque probò: mordacia cedant
Pharmaca, queis nimium teter amaror inest.
Lenia, quæque levent stomachum medicamina sensim,
Quæque adimant morbo pabula grata, volo
Tu quoque femineo mature alimenta furori
Detrahe; materiem tu quoque velle mali.
Incipe ab ornatu; gemmarum operosa supellex
Sit tibi per certos diminuenda gradus.
Et quasi per causam, quod creditor instet acerbus,
Quidquid habet cari femina, vende prius.
Detrahe Mæonio textam subtegmine pallam,
Hæc si palla sui causa furoris erit.
Si placet a comptis nimium sibi vana capillis,
Ne coma sit nimio pexa decore, jube.
Ejice & ancillam, quam fidam ex omnibus unam
Noveris, & dominæ, quæ magis ulcus alit.
Ejice suspecti barbam Ganymedis, ephæbos
Inter, barbatus si quis Ephæbus erit.
Jussæque (19) sint famulis durissima, tecta superne
Injussu ne quis possit adire tuo.
Quæ minus in fructus fœcunda exuberat arbor.
Si nimias frondes carperis, uber erit.
Lac dabit, albentique fluent multatralia succo,
Si nimium abstuleris forcipe vellus ovi.
Non spatiosa dabis culpæ sed tempora, quin te,
Nomine quem præfers, sentiat esse virum.
Vir (20) regat, & summo moderetur jure penates,
Lexque sit ipse suæ, normaue prima domus.
Vir fora sollicitus cuset, vadimonia curet,
Proque suæ pugnet fortis honore domus,

Vir

Vir quærat studiosus opes, vir prædia lustret,

Atque colonorum sæpe requirat opus.

Nempe quod excellit magis, imperat; imaque summis

Parent, seque sinunt deteriora regi.

Sic aer dominatur aquis, quas impete crebro,

Ne vitium ducant, flaminibusque rotat.

Sic & torpentem nativo frigore terram

Fortior ætherei spiritus ignis agit.

Sic inter pecudes, armentaque muta ferarum,

Imperium, reliquis quæ fera præstat, habet.

Magna (21) est feminei, fateor, reverentia sexus;

Sed ramen est nostro major habendus honos.

Major inest nobis rerum solertia, major

Vis animi, & fortes ad fera bella manus.

Non tamen ingenuas solers natura puellas

Deferuit, domui multa sed apta dedit.

Indidit his timidos animos, studiumque latendi,

Servanda & parcas ad bona parta manus.

Nulla foris possunt tractare negotia; præstant

Multa sed ingenita sedulitate domi.

Si minor usus inest, minor his prudentia, parent,

Inque viri leges sponte iubentis eunt.

Non tamen hoc prohibet, quin nupta, volente marito,

Multa domi curet, quæque gerenda gerat.

Multa (22) viros nescire decet, quæ parva; domique

Non vir adest semper, femina semper adest.

Ergo domi conjux, quæ sunt leviora, ministret,

Præsit & in morem sceptræ tenentis heræ.

Arbitra componat lites, famulisque protervis

Indicat pœnas, servitiumque regat.

Præsit & ancillis, famulasque ad pensa fatiget,

Quodque velit fieri, sedula mandat opus.

Tem-

Tempore sufficiat, ne quid cautescentur inepte,
Et teretes fusos, flamineosque glomos.
Omnibus, ut par est, dimensas lege ministret,
Quois sua restituant corpora fella, dapes.
Largior (23) hospitibus cum mensa parabitur, illi:
Ut bene succedant fercula, præsit hera:
Arte dapes jubeat qua submittantur in orbem;
Quoque irritanda est lenta sapore fames.
Ut bene verrantur famulis conclavia, mandet;
Splendeat atque suo culta nitore domus.
Nec dubitet quædam, charo placitura marito,
Ipsa suâ interdum deproperare manu.
Ipsa levem properet candenti pollice zonam,
Intexatque auris carbasa futilibus.
Si quid hiant vestes, ne labes serpat ad imum
Sarciat ipsa suâ sedula semper acu.
Præcipue studiosa dapes, & fercula curet.
Sicut velle suum noverit ante virum.
Si qua tamen nocitura videt, sint fercula quamvis
Grata viro, blanda sedulitate neget.
His (24) etiam majora gerat, si mascula conjux
Ingenii quiddam forte virilis habet.
Res vetus, & famâ celeberrima, pagina narrat
Quam sacra; femineis laudibus illa favet:
Surge thoro propere; quin te, fortissime David,
Eripis insidiis? sum tua chara Michol,
Evigila, ferus hostis adest; te deside lecto
Corripe; quæ monet hæc, est tibi fida Michol.
Hoc cæcum per iter potes evasisse; quid hæres?
Hac fuge, consiliis cætera crede meis.
Vir paret; vestes male cinctus, janua cæcum
Quâ præbebat iter, nocte favente fugit.

Ilicet

Illicet instantes ut femina luderet hostes,
 Consilium mentis grande sagacis init.
 Inter strata thori statuam interponit acernam,
 More quiescentis nocte silente viri.
 Ligna tum niveis circumdat tempora vittis,
 Pectus & hirsuta pelle, manusque tegit.
 Plurimus interea concussis postibus ædes
 Se fert in superas miles, & arma fremit.
 Ad quos versa Michol, quæ gens tam barbara mores
 Hos habet, ut miseris non pia parcat? ait.
 Vir meus ægrotat; vos perturbare jacentem
 Audetis? puto cor mitius esse feris.
 Cernitis, ut jaceat resupino corpore truncus,
 Venaque frigenti in corpore nulla micet?
 Non homo, qui videat, jacet hîc, ut dicere possit,
 Sed simulacrum hominis dicere possit, hic est.
 Verba fidem facerent; Regis mandata sed urgent,
 Perdere cui David unica cura fuit;
 Strata manu nudant acies, statuamque jacentem
 Inveniunt; lufos ira, dolorque premit.
 Atque aliquis, ridens, ut vir tibi ligneus hic sit,
 Non es tu certe lignea nupta, Michol.
 Risit ad ista Michol; prudentis conjugis astu,
 Sic servata viri vita, domusque fuit.
 Si cui forte domi fuerit vir ligneus, experts
 Consilii, totus venter, inersque bipes,
 Vivida sed contra, studiisque virilibus apta
 Sit conjux, sexus major honore sui,
 Tunc bene mutatis vir serviat, imperet uxor
 Partibus; hoc rectus postulat ordo domus.
 Femina (25) conjugii præsit, dotemque puellis
 Attribuat, generos, quos velit, illa legat.

Femina tunc parvis sustentet sumptibus ædes,
Causidicos acuat, lite premente, domum.
Femina servitium mutet, loculosque marito
Auferat, ingratas ne male perdat opes.
Ligneus interea captus nidore culinæ,
Desideat totos vir sine mente dies.
Ligneus huc, illuc ridendus in urbe puellis
Se ferat, & stupidâ mente theatra petat.
Ligneus aurigetur equis crepitante flagello,
Molliat aut lanæ stamina longa colo.
Sumptibus afflictas nimis, luxuque jacentes
Restituit quories femina parca domos!
Sæpe simulates præcidit femina prudens,
Sæpe odiis posuit, dissidiisque modum.
Quid tibi, dure Nabal, læso Davide, fuisset?
Salva stetit tibi res Abigailis ope.
Dumque studet spicis prima sub mellè legendis,
In quantas venit Ruth Moabitis opes!
Ah! quid femineum per probra lacerare nomen,
Mille modis semper, criminibusque juvat?
Prima mali labes, generisque miserrima nostri
Pernicies, quantis vapulat Eva probris!
At sunt magna tamen quoque nomina, Debora, Jahel,
Judith & Assyrii cæde superba ducis:
Quid formosa Rachel, quid prudens Anna, quid Esther,
Et matronarum nobile Sara decus?
At non femineas mens hic mihi texere laudes:
Susceptrique aliò carminis ordo vocat.
Quis (26) bona conjugii percurrere possit honesti,
Quæque maritalis commoda nexus habet?
Vite carens ulmus sine fructu squalet in arvis,
Serpit humi vitis, cui comes ulmus abest.

B

At

At cum vincēta suæ vitis conjungitur ulmo,
 Induit hæc fructus, tollitur illa solo.
 Sola domi mulier sine conjuge carpitur; orbus
 Hac sine vir certa posteritate caret.
 Applicet illa viro se se; vir nomine patris,
 Femina præstanti matris honore tumet.
 Filius exoritur: certus jam cernitur hæres,
 Quo sine conjugii gaudia nulla forent.
 Acrior hinc animos incessit cura parentum,
 Plenior ad natos gentis ut affis eat.
 Filius his causasque novas inspirat amandi,
 Arcius & nescit copula viva duos.
 Qualiter in punctum radiis coeuntibus unum,
 Flamma percussio fortior orbe redit,
 Sic dum patris amor, charæ & genitricis eundem
 Confluit in natum, gliscit utrinque magis.
 Multa quidem in natos subeunt incommoda, sed post
 Talibus e curis commoda multa metent.
 Nempe quod his curvo jam jam titubantibus ævo
 Filius optatam solvet adultus opem.
 Hic fulcrum, hic columen ruituræ grande senectæ est,
 Hic decus, hic baculus, præsidiumque domus.
 Quid (27) super hæc memorē, quot vitæ comoda præstet,
 Par quibus est animus, parque amor, esse duos.
 Incidit in morbum conjux; mœsta affidet uxor,
 Quamque potest illi sedula præstat opem.
 Affidet uxori quoque vir mœlissimus, ægra
 Dum cubat, & morbi tædia longa levat.
 Alter ad alterius communia gaudia gaudet,
 Altera in alterius mœsta dolore dolet.
 Præmoriatur uter, morientis lumina claudit
 Mœstus, qui superat, vellet & ante mori.

Hæc

Hæc bona conjugii, cum pax alterna maritas
Ventilat, atque pari nutrit amore faces.
At (28) simul orta domi discordia, vertitur ordo;
Omnia tunc tristi perlita felle madent,
Tempore, si sapitis, vestras præcidite lites,
Uno conjuncti femina, virque thoro.
Arbiter ad lites semper sit promptus obortas,
Ne crescant longâ jurgia vestra morâ.
Non deerit matrona gravis, spectatus in urbe
Non deerit, per quem lis dirimatur, eques.
Si focer est prudens, focero coeunda sequestro
Pax erit, aut socru, si bona socrus erit.
Qui præcepta sequi velit hîc mea, viderit ante
Credere num citius præstet ovile lupo.
Sæpe etiam impubes, tales quæsitus in usus
Filius, optatæ pacis origo fuit.
Scilicet alludens gremio cum matris, in aures,
Quæ dicenda pater detulit ante, tulit.
Sæpe viro erubuit quæ coram expromere conjux,
Quæstæ est arcana litera scripta fide.
Sæpe epulas inter, dum cœtus amicus in unum
Venerat, est uxor pacificata viro.
Sæpe novi floris, vel pomi gratia missi
Principium certæ pacis, & arrha fuit.
Proderit ancillam dimittere, flamine lites
Cum clandestino ventilat illa domi.
Proderit & famulum dimittere, sicubi furtim
Litibus is causas, materiemque dabit.
Cum sunt bella domi, tunc sumunt cornua servi,
Ancillæque valent, prælia tolle, jacent.
At nihil utilius, quam si præcidere causas
Disidii in reliquum tempus uterque velit.

Ancillæ (29) si forte loco tractabitur uxor;

Dure vir, imperiis lenior esto tuis.

Litis avarities fuerit si causa subortæ,

Vir sit in uxorem largior inde suam.

Quod si forte viro, sobolem quod negligat, uxor

Displicet; officio fungere, nupta, tuo.

Limen amet, septisque domus vix exeat uxor,

Si vaga quòd nimium, displicet illa viro.

Hactenus est medica reparabile vulnus ab arte:

Quid si Pzonix respuat artis opem?

Ergo maritalis (30) consors fidissima lecti

Vapulet irati fuste, manuque viri?

Sæpe etiam spectent communes verbera nati,

Et matrem imposito sub pede stare patris?

Hæc ubi contigerint, quam lata aperitur, & ingens

Immedicabilibus janua diffidiis!

Atria tunc reboant, tunc illam femina primùm

Qua nupsit, misero devovet ore diem.

Tunc quoque secedens, vestes discincta, comasque,

Se fert ad patris sanguinolenta lares.

Quid faciam? quo vulnus atrox obducere possim,

Quid mihi das, medicæ Phœbe repertor opis?

Ergo age, cumque dolor paullatim constitit, illam

Supplicibus verbis obsequiosus adi.

Nec veniam te velle tui tam criminis, illi,

Quam meritas pœnas, suppliciumque, refer.

Munera congerito; quæque illi jure negasti,

Ut tibi placetur, te dare velle doce.

Ipsa, jube, leges vindictæ scribat acerbæ,

Si facis hoc, veniam forsitan illa dabit.

Sed mihi non tanti est lites præcidere natas,

(Quamquam etiam hoc magnæ ducitur artis opus.)

Quam,

Quam, quibus erumpant mala tanta, ostendere fontes,

Quaque arte impedias dicere, quaque via.

Ordior: audiri res est dignissima; abesto

Hinc procul a sacris, turba profana, meis:

Et quia rem primis mens est deducere causis;

Longior inde mei carminis orsus erit.

Invidiæ quis enim stimulis furialibus actos

Nesciat in nostrum Dæmonas esse genus?

Unde ipsi exciderint, in regna beata vocatos

Cum videant homines, ira, dolorque subit.

Exedit hinc mentes stimulatrix cura superbas,

Quaque queunt nobis parte nocere, nocent.

Vasta elementa simul miscerent, si modo possent;

Et nostrum obruerent per mala cuncta genus.

Parte tamen favire datur; non omnia possunt;

Sed quantum summi Numinis ira finit.

Dividere vices; pars motis aëra nimbis,

Pars pelagi sumpto regna tridente quatit.

Hinc videas solem subita ferrugine cingi,

Qui modo flammifera lampade purus erat:

Hinc videas subitis canescere fluctibus æquor,

Cum placidis dudum molliter iret aquis.

Nautarumque aliquis, quo Dæmone mota repente est

Hæc pelagi, dicit, nec male dicit, hyems?

Prædatura homines sed enim pars maxima terris

Errat, & in vitium, qua licet arte, vocat.

Turmatim incedunt omnes; sed ductor in illis

Plurimus, hos sequitur cætera turba duces.

Qua multum ambitio, inultum mendacia possunt,

Præsidet hic aulis, præsidet ille foro.

Est, qui militibus petulantis jurgia linguæ

Suggerat, & rixas, sanguineasque minas.

Est, qui caussidicis in longum ducere lites,
Dicit, ut emuncto lucra cliente perant.
Quique Sacerdotes voto deludat inani,
Dum nimis affectant Pontificale pedum.
Quique cucullatis, ne justo tempore psallant,
Intempestivâ lumina nocte gravat.
Est quoque, qui pastos dulcedine nectaris Indi
In sua primævo retia mane trahat.
Dixerit hic aliquis; Dæmon, te iudice, nullus
Ergo maritales excubat ante thoros?
Nil minus; in thalamos sævissimus Asmodæus,
(Hoc nam nomen habet bellua tetra,) furit
Igne tument oculi, triplici stant ordine dentes;
Qualiât & infestâ signa cruenta manu.
Huic est uxores committere cura maritis,
Promptus & ad lites semper, & arma ruit.
Ingreditur vix ille domos, pax alma fugatur;
Occupât & miseros ira, dolorque lares.
At non sponte tamen confundere litibus ædes
Huic fas, sed certa conditione datur.
Si mala conjugibus sit mens; si sola libido
Spectetur, nullo prolis amore, thori.
Tempore tunc capto crudelis prædo maritas
Ingreditur, nullo jure vetante, domos.
Omnia tunc vertit, miscet, versatque; virorum
Sæpe etiam fuso sanguine victor ovat.
Testis Sara mihi, Raguelis filia magni,
Quamque suo felix edidit Anna viro.
Compositi mores, mendacia nulla genarum,
Mixtaque nativis candida forma rosas,
In causa fuerant, cur fervida cura procorum
Ellêt, & a multis jure petita viris.

Quod

Quod petiere tamen, nollent petiisse, petatum
Aut certe nollent obtinuisse thorum.
Mors fuit hoc illis ; prima nam nocte jugali,
Quisque suo madidam sanguine fecit humum.
Causam quæsieris ? nulli sapienter amata,
Ex tot conjugibus, sancta puella fuit.
Mens illis averfa Deo ; tum sola voluptas
Turpiter his pecudum more petita fuit.
Hæc ubi cognorat, Dæmon speculator hiantes
Per thalami ingressus, nocte silente, fores,
Noctē virum prima jugulabat quemque ; suoque
Munere defunctus, clam, rediturus, abit.
Quid tibi tunc animi, mæstissima jure ; tot inter
Mortes, totque virum funera, Sara, fuit ?
Septem nupta viris, totidem viduata ; diebus
Septem uxor, totidem noctibus orba jaces.
Te miseram incusas, testaris fidera ; tantæ
Innocuas juras cædis habere manus.
Ante oculos tibi gentis erant opprobria, quæque
Fingit in uxorum garrula fama thoros.
Dein ubi jam tuto vox libera facta dolori est,
Solvisse in tales diceris ora sonos:
O Deus, humani scrutator cordis, opertum
Cui nil, quique procul cuncta futura vides ;
Scilicet hoc tantum de me vox publica crimen
Deferet ; & cœli lentus in arce sedes ?
Dedecus æternum cur Sara parentibus ultra
Vivis ? curve gravas sarcina vilis humum ?
Heu ! quid agam infelix ; tuear quo nomine causam
Ipsa meam ? vel quo judice freta levor ?
Esse negem sponfos nocturna cæde peremptos ?
Mentiar, & populo teste refellar ego.

Ergo quis ingressus tam densa nocte penates,
Te coram stricto sustulit ense viros?
Ne sensisse quidem? non est quod credere possis;
Senseris? auctorem protinus ede necis.
Et noctem, & somnum pro te causabere? rebus
Scilicet hæc superest anchora fida tuis:
Ferreæ sed fuerit nox hæc, & somnus, oportet,
Qua bene dormieris sanguine sparsa viri;
Obscuros adhibes infelix femina testes,
Quorum alter fallax, altera nata dolis.
Non rea sum certe; sed si me iudice causa
Hæc dirimenda foret; vincerer esse rea.
Tu, Deus, affer opem miseræ; tu cognitor hujus
Tu iudex causæ, testis & esse velis.
Hæc ubi dicta, caput sordenti pulvere fœdat,
Induit & viduos, uxor ut orba, sinus.
Tres jejuna dies, charæ procul ore parentis,
Flens vacat in longas nocte, dieque preces.
Sat lacrymis jam, Sara, datum est, consurge, Tonanti,
Non, ut rere, tuum nomen, honorque levis.
Auguror: en veniet longinquis Sponsus ab oris,
Sed lentum est, veniet, dicere; venit, adest.
Sed quid nota loquor? Tobix jungitur uxor
Sara; maritales extulit ara faces.
Ilicet accumbunt mensis, vicina mensas
Venit in has omnis, lætitiaque fremunt.
Virgineas suffusa genas stat Sara; maritus
Poculâ cui mixta pronuba libat aqua.
Anna novi generi vix lumina tollit ab ore,
Et Raguel cupidis jungit utrumque oculis.
Ne tamen incurfu quaterentur Dæmonis ædes,
Sparsaque nocturna cæde ruberet humus;

Talibus

Talibus uxorem Tobias instruit, & quæ
Sint thalami leges, sanctaque jura, monet.
Non decet, ut pecudes ineunt sua gaudia, jungi
Nos quoque, qui summo ducimus axe genus;
Digna Deo spectare decet; venerabile germen
Abrami, atque Isac, Isacidæque sumus.
Hinc thalami nobis non tam quærenda voluptas,
Quam genus, & nostræ gentis, & urbis honos.
Quin non ante thoro jungemur, vota precesque
Quam triplici liceat solvere nocte Deo.
Mane erat, & rosei portas reserarat Olympi.
Roscidus Eois Lucifer ortus aquis.
Ilicet exurgit nocturni sospes ab astu
Dæmonis, & solito pulchrior ille fuit.
Factum admirantur, quæ res narratur, amici;
Vix oculis Raguel credit, & Anna suis.
Denique concordis vixerunt fœdere lecti,
Vir Saræ charus, charaque Sara viro.
Audistis, quicumque viri, quæcunque puellæ,
Quæis pax nulla domi, nulla thorique quies?
Audistis, nequam qua vobis arte fugandus,
Qui vestros Dæmon excubat ante thoros?
Mente Deum pura primum colitote datorem
Pacis, & in sanctas rite vacate preces,
Deinde thori moveat non tam vos bruta voluptas,
Quam genus, & vestræ posteritatis amor.
Hæc, si mens fuerit, Dæmon malus exit ab illa,
Nil sibi ubi juris comperit esse, domo.
Succedent numerosa fides, pax alma, jocique,
Cinctaque Palladiâ gratia fronde comam.
Sin minus, in lites tota exercebitur ætas;
Noctis erit tristis, lucis amara quies.

Discite

Discite (31) sed tandem, vestros miseratus amores,
Quid docet hac magnus Phœbus in arte Deus.
Non est unus amor, simplex nec munus amoris;
Est duplex; dispar munus utrique tamen.
Alter habet geminas, quibus impiger avolet alas,
Et propria semper mobilitate viget.
Alter constanti sua fert vestigia passu,
Non volat huc, illuc; sed quod amavit, amat,
Ferrea tela gerit, pecudes queis rusticus alter,
Atque homines feriat; pensi habet ille nihil.
Alter brutarum dedignans corda ferarum,
In nos tantum homines aurea tela gerit.
Alter, quod faciat sine sensu vivere amantes,
Hæc puer, & pueri more, modoque sapit.
Alter, quod faciat prudenter amare, virilis
Est olli species, plena decore tamen.
Illum impura Venus genuit; tum lacte ferino
Pavit; & immitis cor dat habere feræ:
Hunc Venus æthereis cælestis in orbibus olim
Edidit, & dulci nutriit ambrosia.
Illum perpetuo lacrymæ comitantur euntem,
Hunc pax, hunc sequitur pacis alumna quies.
Hujus vester amor similis si forte, puellæ,
Sique, viri, fuerit; gaudia quanta feret!
Quare, agite, alterni date cultus signa frequenter,
Jugibus officiis vester alatur amor.
Plena (32) verecundi sint semper vestra pudoris
Verba, verecundus qualia dicat amor.
Nomine semper heri compellet nupta maritum;
Hanc vir & appellet nomine semper heræ.
Si soror (33) huic fuerit; colat hanc vir more sororis,
Si frater; fratris more colendus erit.

Vir prior assurgat veniente uxore, vicissim
Uxor & assurgat mox veniente viro.
Ni tamen officiis certus modus adsit in istis,
Sæpe odium in nimia sedulitate subest.
Ardua res, laribus conjunctos vivere iisdem,
Nec mala contemptus signa subinde pati.
Quid non vilescit nimia assuetudine? primis
Scilicet in rebus gratia major inest.
Dum nova, dumque recens deducta est Sponsa marito,
Ut debet, primis culta diebus erit.
At post paulatim fit consuetudine vilis;
Ut nova sit semper, magnæ erit artis opus.
Quid mihi scissâ comas, rus secedente marito,
Te desiderium ferre, puella, negas?
Rus abeat, gratasque moras exerceat illic,
Absit, ut hinc redeat gravior ille tibi.
Quod si longinquas sit discessurus ad oras
Officii causa, consule, nupta, boni.
Cum veniet, novus ille tibi, novaque ipsa vicissim
Illi eris; & languens sponte redibit amor.
Sæpe (34) senescentes absentia suscitât ignes;
Si nimis at fuerit longa, peribit amor.
Nec satis officiosus amor: prudenter amandum
Est quoque, sit prudens, sitque virilis amor.
Si pueri in speciem, nimiumque maritus amabis,
Quamvis conjugii lege, thorique, tuam,
Illam depereas, illa defixus in una,
Ante tuos oculos semper adesse velis,
Sentiet, atque suis captum te legibus uret
Femina, servitium tuque perenne feres:
Imperiosa aderit, partem & versabit in omnem;
Tuque vir ex illo tempore nullus eris;

Illā volēs, quodcūque volēs, tu cyclade comptus

Feminea, gladio cinget at illa latus.

At vir ero, dices, & munere fungar herili,

Non ero marmoreus, non ero pectus iners.

Crede mihi, (35) lacryma frangeris victus ab una,

Nec poteris vultum ferre minantis heræ.

Detrahet argentum conjux, fundosque colonis

Addicet te clam, si volēs illa, novis.

In privata domus perget tabularia; tollet

Consignata fori publica scripta fide.

Si volēs, & centum commilum clavibus aurum

Eripiet, mox te reddet & Arpocratem.

Quin secreta animi eripiat, quæ sustulit aurum,

Non dubito, si sit femina vafra satis.

Unde tibi tantum tam forti pectore robur?

Dixit amatori Dalila sæpe suo.

Non est causa quidem mortalis; numine Divum

Contigit, an magica, quod reor, arte magis?

Testes sunt nostris aggesta cadavera campis,

Quæque Philistæo sanguine manat humus.

Testes sunt Gazæ portæ, quas vertice gestans

Supposito in summi culmina montis abis.

Sæpe mihi causam, dicebas, Dalila, nosces,

Nunquam causa tamen, perfide, dicta mihi est.

At celare parum est, quid quod deludis amantem,

Atque tuo mendax semper in ore sonus.

Cingite, dicebas, me septem funibus; humor

His & adhærescat lentus, inermis ero.

Nec mora, te septem præcinxi funibus; at tu

Funibus abruptis fortior inde redis.

Licia, dicebas, si clavo fixa trabali

Ter mihi circumdant tempora, victus ero.

Siccine

Siccine mentiris? fortissima licia sumpsi,
Ter tibi devinxi tempora, victor abis.
Hæc tua certa fides? hæc nostri mutua cura est?
Hæcne tuus miseræ dona rependit amor?
His precibus victus, secretum grande comarum,
Qua posset, Sampson dixit, & arte capi.
Vix ea dicta, comas abrafas vertice sensit.
Sic bene femineo constat in ore fides.
Discite (36) multa, viri, vestras celare puellas,
Si sapitis; prudens multa tacebit amor.
Sed prius Icario taceant sub fidere ranæ,
Ante dabit nullos muta cicada sonos,
Garrula quam taceat mulier; secretaque in imo
Tempus ad exiguum pectore tecta velit.
Facta, infecta canit, dicenda, tacenda revelat,
Rara est, quæ soleat parca, pudensque loqui.
Quid, quoque quod sancti garrit secreta Senatus,
Proh pudor! & paces librat, & arma sedens.
Tollite barbaricum morem; cur femina sexus
Ultra se profert septa, modumque sui?
Nata latere domi, nec rerum discere causas,
Cur ultra fusi tela columna sapit?
Atque aliqua ex illis trutina suspendit Homerum,
Apponitque tibi, magne Petrarca, notam.
Dum Latiosque patres patribus committit Achæis,
Expendit digitis secula prisca tribus.
Tunc (37) bene laudanda est mulier, cum nota marito,
Atque ignota aliis vivit in æde sua.
Cujus virtutes, non claustra domestica præter,
Nec vitia exportat publica fama foras.
Quod si, multa viris quæ non sunt jure negata,
Femineis etiam moribus illa licent,

Cur

Cur non ingreditur mulier trabeata Senatum?

Cur non indicit publica jura foro?

Non facit hæc, majora tamen facit; imperat illis,

Talia qui faciunt, femina sæpe viris.

Denique (38) vestra, viri, sit constans, vestra, puellæ,

Sit spectata thori tempus in omne fides.

Ille amor est verus, quem nulla pericula frangunt,

Sin minus, est larva tectus amoris amor.

Dum tranquilla domus, rebusque erit aucta secundis,

Nesciet utrumque pari mutua lege fides.

Non ita, cum duris exercita rebus, ad inum

Concidat, adversa sorte premente, domus,

Sæpe vir (39) in morbos diuturnos incidit, exul

Sæpe vir e patria cogitur elle diu.

Sæpe e divitiis vir deturbatur avitis,

Hæres sæpe domus certus utrique deest.

Hoc tua rara fides, uxor, spectanda theatro est;

Se tuus hoc tali tempore promat amor.

Dum bene Idumæis Jobi florebat in oris

Dives & armentis, dives & ære domus,

Tunc pax alta domi, tunc jurgia nulla, suoque

Sponsa diu vixit comis, & æqua viro.

Concidit ex tanto vix rerum culmine Jobus,

Prodidit ingenium pessima nupta suum.

Et bene nunc commissa luis, dicebat, inops jam,

Quæ tua dextra prius severat, ecce metis.

O ubi nunc pingues agni, nitidique juvenci,

Quos tu pauperibus prodigus ante dabas?

Dicebas, memini, quidquid largimur egenis,

Fœnore multiplici pensitat illa Deus.

Quam bene pensavit! fœdo marcentia tabo

Membra geris, totus vulnus, ubique miser.

Dic

LIBER PRIMUS.

31

Dic mihi, qua pascunt pingues in valle juvenci,
Quos tibi siderea misit ab arce Deus?
Non Deus est mendax, absit; sed pectore falso
Ficta tibi pietas, relligioque fuit.
Si tu rite Deum coluisses, undique felix,
Et vallata bonis nostra futura domus:
Nunc pro criminibus recipis dignissima tantis
Præmia, nunc fructum quemque mereris, habes.
Me miseram! cui nupta viro, cui credita sponso,
Degam perpetuos semper amara dies!
Non hoc promeruit pietas mea; vive sce'este,
Vive, sed in pœnas fertilis usque tuas.
Ergo, verecundus queis Dæmon parceret, ausa est
Uxor, sed peior dæmone, probra loqui.
Æquius, uxores, non insultare maritis,
(Ad vos nunc redeo) sed bona verba loqui.
Quin, quæcunque virum fortuna sequatur, eandem
Vos hilari semper mente subire decet.
Casta fides thalami vobis servanda, vel Indos
Inter vir vitam non rediturus agat.
Caste educendi, thalami solatia, nati,
Puriter, & (40) sancte tota regenda domus.
Pauperiem tolerare malam vos pectore forti,
Absentisque decet semper amare viros.
Sic spectata fides, nullisque infracta periclis,
Sic erit ex omni parte probatus amor.
Exemplum (41) vobis, in quod spectetis, Ulysses
Sit quoque, queis thalami cura pudica, viri.
Jam decimo in cineres subsederat Ilios anno;
Prædaque per Danaas ibat opima manus.
Turba puellarum ducibus divisa superbis,
Per vim barbaricos scandere iussa thoros.

At

At non Penelopes temeravit femina lectum ,
Nullaque Dulichio rapta puella Duci .
Dum redit in patriam , thalamosque thorosque Dearum
Sprevit , Penelopes vinctus amore suæ .
Talibus has inter convivam affata Calypso
Dicitur Atlantis filia pulchra sonis :
Vir divine , tuos jam dudum fama labores
Pertulit huc etiam , nec novus hospes ades .
Quanta viri virtus , quanta experientis Ulyssis
Dexteritas , novit Solis utrumque latus .
Et tamen acta tibi Trojæ sub pellibus ætas
Incipit albenti spargere nube comam .
Quid quod tempus erat festum requiescere ; belli
Mitte truces iras , otia pacis ama .
Quid tua Penelope , quam credis vivere ? vivat ;
Sed tua ne vivat , suspicor , ipsa tamen .
Pertulit ah quoties mendax te fama peremptum !
Forfitan & viduos induit illa sinus .
Cumque alii in patriam decimo jam vere redissent ,
Cum te non videat , vivere stulta putet ?
Absit , ut illa tuum violarit conscia nomen ,
Jura maritalis pollueritque thori ,
Sed tamen imprudens , cum te jam credat ademptum ,
Alterius potuit nupta subire domum .
Femina Penelope magna est ; sed femina ; sexus
Non tamen hinc exors creditur illa sui .
Ut mea , quod dicunt , cædam vineta securi ,
Et generis carpam tot bona rara mei ,
Femina mobilior ventis , in amore quiescit
Vix unquam ; certam nescit habere fidem .
Donec eris presens , presentia nutrit amores ;
Quam procul abfueris , tam procul ibit amor .

Quod

Quod si non renuis dotalia regna parentis ;
Aureaque Hesperidum culta vireta manu .
Possum ego Penelopes , quam fors tibi casus ademit ,
Conjugis , & famulæ jussa subire loco .
Hic potes astrorum mecum cognoscere cursus ,
Solis & oblique semper euntis iter .
Sic nutrita fui ; non lanea pensa Minervæ ,
Non colus est nostras nata tenere manus .
Me pater egregiis instruxit & artibus olim ,
Multaque noile dedit , raraque doctus Atlas :
Quin etiam herbarum docuit cognoscere succos ,
Unde petenda salus , quæ nocitura foret .
Eloquar , an fileam ? secretum prodere patris ,
Aut nunquam , aut tali tempore grande licet .
Quin neque prodidero , si non celetur Ulysses ,
A me qui magno distat amore nihil .
Est flos secreta latitans in parte vireti ,
Imo caule niger , cætera purpureus :
Hunc mihi cum genitor monstraret , Filia , dixit ,
Flos hic est horti gloria prima mei .
Non mihi sunt tanti vel maxima regna , vel auro
Perfecta ex solido poma quot arbor habet ,
Quanquam hæc sunt regni vel maxima gloria nostri ,
Pro quibus excubias lubricus anguis agit ,
Quam flos iste , satus pridem cælestibus hortis ,
Mercurius furtim quem dat habere mihi .
Scilicet ex illo comedit quicumque , beatis
Huic par cælitibus vita perennis erit .
Scilicet eternus vivet , Lachesiumque minantem
Spernet , & ignavi publica damna rogi .
Immortalis eris , si me non spernis , Ulyse ,
Hæc tibi conjugii dos erit ampla mei .

Nam quid regna juvant, totum diffusa per orbem,
Et gemino Phœbus quidquid ab axe videt,
Regna relicturus si vivas; auferat inde
Mors & commissas ad breve tempus opes?
Plura loquebatur; mentem obfirmatus Ulysses,
Proposito ex nulla parte labante, tacet.
Quin magis absentis secum suspirat amores
Conjugis, & toto in pectore Penelope est.
Te quibus hic ornem, vir maxime, laudibus;
Præmia cui verum tanta fuere decus?
Quanquam jam misero, si crimen tale patrassēs,
Vita tibi in pœnam semper habenda foret.
Hic constans amor est, hic vere uxorius; hujus
Quisquis habet similem, non eget arte mea.
Tunc non ulla duos injuria turbat amantes,
Tunc est ex omni cognita parte fides.
Quid (42) si larva tamen circumvolet atra maritos,
Qua non sub Stygio tetrior amne, thoros?
Mille oculos in fronte gerit, quis pallida pœnas
Ipsa suas spectet, suppliciumque sibi est.
Utque magis noceat, contraria miscet in unum,
Cumque gelu semper torpeat, igne calet.
Illam non superant tortique Ixionis angues,
Quæque Promethæo sanguine manat humus.
Cur aliquis tortorque sui, tortorque puellæ,
Casta thori quamvis fœdera servet, erit?
Semper in hanc spectet, cui rideat, anxius, uxor,
Cui se, cui vestes compta placere velit.
Illius ante oculos semper rivalis oberret,
Horreat atque umbras æmulus ipse suas.
Hæc ubi contingant, semiviva lampade torpet,
Et pene extinctis luget amor facibus.

Hic

Hic tibi quo possis, mulier, sanare furorem
Conjugis ipsa tui, dogmata pauca dabo
Numen adi precibus, Superumque altaria supplex;
Hinc quærenda tui certa medela mali est.
Utque olim in faciem Nabucum vertit honestam
De bove sylvivago rursus, & ora viri,
Sic Deus ingenium truculenti immane mariti
Flectat, & humano vivere corde velit.
Nec te mundities operosa in vestibus, isto
Tempore, nec solita cultus ab arte juvet.
Quin ubi munda tuos ancilla ornare capillos,
Et variare volet tempora chrysolitis,
Porriget aut vestes, speculumque adversa tenebit.
Ostrina ut niteas pulchrior in tunica,
Tolle age, chara soror, vani instrumenta decoris,
Non hæc sunt, dices, usibus apta meis.
Hæc habeant aliæ, queis fors felicior; & quas
Ipse viris arcto fœdere nescit amor.
Si meus ille oculis me nunc non respicit æquis,
Cui placeam infelix, culta vel esse velim?
Talia dicta, viri cum sedula portet ad aures
Ornatrici, tibi fors mollior esse volet.
Hei mihi! (43) quot, nuptæ, fors vestra obnoxia damnis
Quot patet, & quantis vita marita malis!
Culpa quidem uxorum nonnunquam est; sæpe virorum
Culpa; sed his major semper inesse solet.
Fortius hi peccant, quia sexus fortior illis,
Exemploque magis deteriore valent.
Quid tibi tunc animi, conjux, cum sponsus in ædes
Nocte intempesta sæpe redire solet?
Ebrius, & multo titubans vestigia Bacco,
In te mille minas, scommata mille jactat;

Servandum in natos cum gentis prodigit assem,
Atque domum multo debitor ære gravat:
Omnia sed damnis pessum majoribus ibunt,
Si par sit faruo femina stulta viro.
Cum nihil arte valet, potatrix, garrula, mordax,
Ulla nec in toto est vertice mica salis.
Perdere Penthapolim sceleratam turbidus ira
Decrerat miſſo nubibus igne Deus.
Aligeros mittit, qui Loth in tempore doctum
Ista super facerent, consuleretque sibi.
A Sodomis fugeret cum conjuge; ne sua vertant
Terga retro; vertant si modo, morte luant.
Vix dederant sua terga fugæ; caligine septus
Cum densa, abruptit Phœbus in axe diem.
Tum fatæ apparent graveolenti sulphure nubes,
Quocunque aspiceres, terror, & horror erant.
Mox ubi materies jam tota coivit in unum,
Aligerum injecta est parva favilla manu.
Ilicet erumpunt elisis nubibus ignes,
Mæssaque tartareæ liquitur atra picis.
Nec mora, qua possunt, fugiunt incendia cives,
Sed frustra; miseris flamma negabat iter.
Flamma fugam prohibet; pereunt hominesque, feræque,
Omnis & exusto gramine tabet ager.
Jamque satis tuto, ne posset flamma nocere,
Confliterant tandem femina, virque loco:
Femina cum retro vertit sua lumina furtim;
Vix facit, admittum pœna secuta nefas.
Nam sua mole gravi sensit vestigia figi,
Et salis in statuam versa repente lletit.
Cur salis in statuam sit femina versa, requiris?
Non mihi causa liquet, causa sed alta subest.

Quid-

Quidquid id est, statim hanc in parvula frustra minutam,

Quam toto vellem spargere in orbe libens!

Cum tamen his impar ego sim conatibus, hoc vos

Pro me, Pierides, munus obire decet.

Ite, agite, alatum conscendite Pegason, & sal

Hoc clausum in parvis tollite pyxidibus.

Dein hoc uxores, dein hoc donate maritos

Munere, visque hujus quanta docete salis.

Hoc sal quisquis habet, dicetis, tempore nubit,

Servat & illæsi fœdera casta thori.

Uxorem prudenter amat; non anxius illi

Imminet, assiduo conficiturque metu.

Non tamen huic laxas collo permittit habenas,

Ut præceps rapidæ more feratur equæ.

Non jubet ut famulæ; sed nec famulatur eidem,

Femineo pendens totus ab arbitrio.

Hoc sale, dicetis, quæ non caret uxor, amabit,

Ut decet, extremum tempus ad usque virum.

Servabit taciturna lares, non garrula lites

Conferet, eloquiî parca, simulque meri.

Ancillis leges, famulisque indicet; obibit

Proque sua curam sedula parte domus.

Vana nec inductis sua collinet ora venenis,

Uni si placeat, sat bene compta, viro.

Denique postremum monitis hoc addite nostris;

Quo bene contentus sine libellus eat.

Vir sapiant, uxorque; minus tamen ista marito;

Si secus, haud possunt, ut decet, esse pares.

V I T A

OE C O N O M I C A

L I B E R S E C U N D U S .



At mihi (1) jam primo digessit Musa
libello

Sancta maritalis jura, fidemque thori.
Nunc sobolem qua lege parens infor-
met uterque,

Exequar; incepto femina, virque fave.
Tu modo, Lojolide, nam non ego Phocydis undas.
Nec moror Aonias, numina vana, Deas;
Tu modo, Lojolide, teneat quo littora sospes,
Dirige nutantem per maris alta ratem.
Multa quidem terris, & munera magna dedisti,
Complexus meritis Solis utrumque latus;
Per te immane freimens, abjectisque Hæresis armis,
Ad Styga turbatos pallida flexit equos.
Vana superstitio, quamvis Oriente remoto,
Sensit victrici spicula torta manu.
Tu senium emendas morum, & frigentia mundi
Secula, tuo fervens igne calere jubes.
Cum tamen hæc ageres, multò & majora, colendæ
Prima juventutis pectore cara fuit.
Sensit magnanimum votum; concussa que ab imo
Ter, quater inferni mugit aula Jovis.
Ego age, sancte meis Pater o, conatibus adsis,
Dum tua, qua possum, fervida vota sequor.

Non

Non ea vis animi, prima ad cunabula Solis,
Strenuus ut miles sacra Latina feram;
Nec mihi, quo vitiis marcentia pectora carпам,
Tantus in exiguo spiritus ore sonat.
Meque Stagyraeis fixum impallescere chartis,
Mentis iners acies, ægraque membra vetant.
Quod licet, Ascræa vates operosus in umbra,
Carmina formandis moribus apra cano.
Institutoque domum; quæ si bene floreat una,
Urbs mihi culta faris, cultus & orbis erit.
Audior: ecce sacræ nutant in vertice laurus,
Flammaque ter nostras lambere visa comas.
Ergo, quod instat, agam; sed, quo res ordine constet,
Principium, (2) mater, carminis esto mei.
Quis dubitet, quin prima bonæ sit cura parentis,
Lactis ut infanti sedula præstet opem?
Lac (3) cibus est hominum primus, lac esca ferarum;
Lacte vigent homines, lacte vigentque feræ.
Scilicet ejusdem est, primæ qui munera vitæ
Tradidit, ut vitæ pabula prima ferat.
Terra sit exemplo; quidquid parit, ordine certo
Educat immenso, mater opima, sinu.
Par est in catulos rabidarum cura ferarum,
Ubra dum tendunt turgida lacte, suos.
Ovaque deciduo turgescere semine cernis,
Ducat ut hinc foetus lactis alentis opem.
Ergo feris, scopulisque parens immanior ipsis,
Lac dare quæ renuat, si modo possit, erit?
Si minus hæc moveant, thalami dispendia saltem,
Tristiaque indignæ respice damna domus.
Filius hic moritur, morbus gravis incubat illi,
Luridus alterius pallor in ore sedet;

Ipsa mali tanti, nutricis ad ubera mater
Pignora dum thalami misit alenda, fuit.
Hinc minor in matrem (4) reverentia; cujus amorem,
Lacteolo sensim combibit ore puer.
Infandas si passa vices, infaultaque quondam
Marte sub adverso prœlia Roma tulit,
Tunc fuit, immensis cum Coriolanus in armis
Inferret patriis impia signa focis.
Sæva fames isthinc, illinc lunata premebant
Agmina, spesque urbis nulla labantis erat.
Patritia de gente viri legantur ad hostem,
Non tamen armati flebitur ira ducis.
Sternitur huic supplex squalenti in veste Senatus,
Mœstus inorata pace Senatus abit.
Ipsa ducis conjux, nuruum comitante cœterva,
Mittitur, infectis rebus & illa redit.
Castra petit tandem nati Veturia mater,
Hæc super extremis anchora rebus erat.
Et simul ostendens, quæ præbuit ubera quondam,
Hæc, hæc, quàm Romam, nate, ait, ante feri:
Ut tibi sum mater, sic Roma est mater utrique,
Si non vis uni parcere, perde duas.
Filius huic contra: Romam, Veturia, vici:
At tua dum monstras ubera, vincor ego.
Casside tum positâ repetita dat oscula matri,
Et longa muros obsidione levat.
Non ita sanguinei mater scelerata Neronis;
Quæ nati perit calcibus icta sui.
Quid facis o mater; cur, non hic ubera nato
Objicis? hæc retegas si modo, sospes eris.
Lactis opem infanti quæ nunquam præstitit olim,
Ubera non illi cur sua monstret, habet.

Sæpe

Sæpe quis in natis corrumpi germen avorum,
Et gentile decus degenerare dolet;
Quid mirum? viles nutrit cum lacte bibendos
Si mores puero, vilis & ipsa, dedit.
Sæpe pater mitis, sæpe est placidissima mater;
Indole sed dispar natus utrique tamen;
Consule nutricis, quæ præbuit ubera, mores;
Hei mihi! quam duris moribus illa fuit!
Quam bene consultum, Pharii dum gurgite Nili,
Per vitreas (5) Moysem cymbula ferret aquas;
Certus Idumæam Pharaon jam perdere gentem,
Consilium sævæ callidus artis init.
Matribus Ifaciis, lactenti ætate vocarent
Ad sua ne natos ubera, lege vetat.
Talibus auditis, Moyseis mæstissima mater
Concidit, atque diu muta dolore fuit.
Ne Moysem lactet, prohibet lex sæva Tyranni,
Fortior at quavis lege jubebat amor.
Surgit, & hoc saltem, Pharaon, non, dixit, habebis,
Ut meus hic diro concidat ense puer.
Ilicet Infantem noctis complexa per umbras,
Evolat, & Nili littora nota petit.
Ora palustris erat, limosis obsita cannis,
Quam circum frutices, raraque fagus adest.
Lintrem fagineo de cortice format, & apte
Construit artifici juncea texta manu.
Velum defuerat, capitis sibi lintea collo
Demit, & exigua vela dat apta rati.
Littore dein Nili consistens, ultima mater
Oscula dat nato, fervidiora tamen.
Mox ait, i placidas Nili portande per undas,
Digne minus misera candide matre puer.

I, tibi

I, tibi fortunam meliorem quære ; quid hæres ?

Nescio quid vultum, nate, timentis habes ?

His tibi, ne dubita, Pharaon fugiendus in undis,

Hac una poteris sospes abire via.

Legitimum, regalè fuit qui maximus amnis,

Mitis in infantem, iustus & ellè volet.

Non ita qui Pharia nunc regnat in urbe Tyrannus ;

Ille magis sævum tygride pectus habet.

Et vos, ruris aves, & monstra natantia, quæque

Incolitis vitreos, squammea turba, lacus,

Vertite prædam aliò ; qui nullum læsit, ab ullo

Non est quod lædi debeat, æqua peto.

Ominibus jam perge bonis ; lintremque paratum,

Heu ! dolor æternus, nate, future subi.

Teque tui similes circumvectentur amores,

Matris & in primis vela gubernet amor.

Dixerat, impulsuque levi promovit in undas

Lintrem, inhians animo, luminibusque sequens.

Longior obtutum sed postquam sustulit aër,

Linquitur atque animo deficiente cadit.

Nile pater, quæ bella sinu, quæ funera portas,

Dum puerum hunc patrio nescius amne vehis !

Quantus hic Ægypto terrorque, metusque futurus,

Quanta Palestinæ gloria gentis erit !

Forte puellares, ripæ ulterioris ad undas,

Ducebat regis filia pulcra choros ;

Spumeus hue puerum cum fluminis appulit æstus,

Inter femineos deposuitque pedes.

Ut sit, vimineo detractum cortice in ulnas

Sustulit infantem quæque puella suas :

Quarum aliqua, o quantum miserandæ matris in illo est !

Matre humili natum forma vel ipsa negat.

Altera,

Altera, nil dejecta tuens mox lumina, vultum
Nescio quid nobis triste minantis habes.
Sed tamen ut fati fieret via certa futuris,
Et caderent sævi innox Pharaonis opes,
Cedite jam focix, tum regis filia dixit,
Mater ego pueri matre carentis ero.
Quæritur huic nutrix; lac recto nomine matris
Contigit infanti mater ut ipsa daret.
Quare, agite, o matres, defungi munere vestro
Ne grave sit: matris ferte libenter onus.
Si nequeat mater, quærenda (6) vicaria lactis
Nutrix, quæ matris possit obire vices.
Docta sit infantum partim prævertere morbos,
Partim Pæonia pharmaca ferre manu.
Norit tæniolis corpus constringere; zona
Ne sit laxa nimis, ne nimis arcta premat.
Parca meri quoque sit, ne fors non sobria, mixtum
Instillet puero lacque merumque simul.
Sunt, qui cessantem nolint pigrescere, lactis
Ut magis excocti profluus humor eat.
Sunt, qui præcipiant, ne tristibus anxia curis,
Ad sua lactentes ubera forte vocet.
Occultos animi referunt namque ubera mores,
Et lac turbari, mente pavente, putant.
Non ego (7) vix uatos gelido mersare sub anthe,
Aut jubeo dura ponere corpus humo:
Hoc armis assueta magis, quam cominoda paci
Fecerit in cives Sparta severa suos.
Mater ad Eurotam partu resoluta recenti
Cum puerum gelidis torva lavaret aquis,
Aut digito Cererem pendentein ex arbore monstrans,
Diceret, hanc jaculo, si sapit, ante petas.

Aut

Aut clypeum lævæ insertans, hunc, nate, parenti

Aut refer, aut super hoc mox referare mihi.

Barbaries quondam hæc fuerit, vitæque ferinæ

Cultus, nunc aliis moribus esse juvat.

Quanquam, o quid feritas, vel quid truculentia morum

Inter bella potest, inter & arma magis?

Quam mite ingenium, mollitaque pectora sanctis

Legibus, ad mores cultaque vita togæ.

At Lacedæmonii cum stabant scita Lyncurgi,

Jura simul terræ Sparta, deditque mari.

Scilicet imbelles non multum vincere Persas,

Fractaque deliciis pectora, laudis erat.

Vicit Sparta quidem, sed dum fera bella moveret

In populos quondam Martis ad arma rudes,

At simul ad pacis, queis Græcia præstitit, artes,

Militiæ adjunxit munera; Sparta, jaces.

Sic est, civiles, pacisque ad munia facti,

Et gens naturæ sponte togata sumus.

Arma manu inviti capimus, cum legibus uti

Non licet, Astræ Marte gerente vices.

Otia sed sumptis, pacem & spectamus in armis,

Hæc acuit gladios, inflat & ipsa tubas.

Hinc (8) puer extemplo, procul horrida bella facessant,

In studia, & mores pacis alendus erit.

Non tamen hinc nimio solvenda infantia luxu,

Nec via sternenda est mollis, inersque viro.

Quis furor Oebalio reptare in murice semper,

Semper & in verna corpus habere rosa?

Proh pudor! enervi quam surgunt languida cultu

Corpora; quot fatis auximus arte vias!

Vix puer exoritur, cunis affusa voluptas

Sternitur, hunc juris clamat & esse sui.

Flore coronantur cunæ; concentibus ær
Perstrepit, ad sonitum vagit & ille lyræ,
Corruptasque prius Cilicum suffitibus auras,
Quam sinceri haustus ætheris ore bibit.
Lac imbellè trahit, quod muneris inscia tanti
E tumidis nutrix exprimit uberibus.
Dein avidæ tuceta gulæ præbemus, & offas,
Vinaque confuso lacte bibenda damus.
Quid loquor armillas, quid tot redimicula collo,
Aptaque stringendis vincula brachiolis?
Hinc fugit in præceps, puerumque averfa tuetur
Virtus, nacta mali corporis hospitium.
Ergo mihi tenerum corrumpere, mater alumnū
Deliciis caveat sæva, nocensque suis.
Quin, qua parte potest, lætentia membra labori
Firmet, & ad vitæ munia dura paret.
Sæpe pitisanti neget ubera grata puello,
Sæpe neget cupidæ mellea crusta gulæ.
Quid de (9) veste loquar? non hæc sit perlita fucō;
Simplicis a pueri pectore fucus abest.
Non onerosa sua corpus sub mole fatiget,
Laxa sit, ad talos longa nec usque fluat.
Dum calor exuperat, patiens dum frigoris ætas,
Tegmina sint capitis nulla, jovemque ferat.
Sic bene duratus ventos ridebit & imbres,
Olim vir factus, factus & inde senex.
Tollite femineos, muliebria syrmata, comptus.
Quis furor est sexum dissimulare suum?
Turpe maris cultu teneram prodire puellam,
Turpe est feminea veste latere marem.
Scyria si vestis fortem labefecit Achillem,
Fregit & Herculeas Lydia palla manus,

Quid

Quid fiet nobis ? queis robur deficit Achillis,
Nec labor est nostræ fertilis hydra manus.
Iste, vir, atque senex, patriaque senator in urbe
Molle quid in gestu, femineumque sapit:
Si graditur, tenero sua fert vestigia gressu,
Si loquitur, blæso frangit in ore sonos.
Desine mirari; primis qui vixit ab annis
Femina, nondum animos induit ille mares.
Nec mihi displiceat, si vitæ signa futuræ
Sint vestes; tacitum vestibus omen inest.
Hunc toga parva tegat, vel tunc puerilibus annis,
Præmia qui patriæ crescit ad ampla togæ.
Civica signa ferat, qui munera civis obibit,
Munera quique fori, congrua signa foro.
Da galeam capiti, si prælia poscit, & arma,
Ornet & exiguum parva machæra latus.
Deme comas capiti, si sit formandus ad aras,
Circinet & tenerum parva corona caput.
Gusmani magni doctam vel gestet abollam,
Si sit Gusmano, matre vovente, facer.
Pauperis aut Umbri si numine fretus in auras
Venerit, intorta cannabe cinctus eat.
Hæc de veste satis: quid si dum gestit, ovatque,
Obvia quæque domi sternat, agatque puer?
Sæpe (10) periscelides mater sibi plorat ademptas,
Sæpe illisa solo murrhina vasa dolet.
Clamat, & ancillis nil tale merentibus instat,
Et peragit furti, voce minante, reas.
Quid quereris miseranda parens? tuus ille protervus,
Dum sine lege ruit, crimen alumnus habet.
Si vis ergo tuum compescere, mater, ephœbum,
Da puero semper, quo teneatur, opus.

Et

Et nunc Architz, plectrum puerile, tabellam,
Nunc tenerâ tractet tinnula fistra manu.
Pendeat ex humeris argentea lamina, cujus
Lætus ab excussæ gaudeat ille sono.
Nec desint curvo ramosa corallia flexu,
Bullaque, quæ teneros pendeat ante sinus.
Absit (11) ab ancillis, ne, dum servilia spectat,
Servili discat vivere more puer.
Absit & a famulis, quorum mala lingua, procaxque,
Doctaque per turpes fallere sæpe dolos.
Nec minus (12) impuris varientur tecta figuris,
Nil nisi ut ingenuum spectet in æde, cave.
Huccine deventum est, ut crimina picta per artem
Depravent mores, arte juvante, bonos?
Cumque forent exempla patrum pingenda, rediret
Unde iterum oblito in pectore laudis amor,
Nunc tener in tabulis Veneri dilectus Adonis
Pingitur, aut Phrygius raptus in astra puer,
Aut flores discincta legens Proserpina, vel quam
Juppiter in speciem lusit adulter avis.
Turpia dum viles peragunt spectacula mimi,
Quis dubitet, puerum quin & abesse velim?
Apta tamen (13) ludis cum jam puerilibus ætas
Venerit, in ludos, matre iubente, vacet.
Quis teneat flammam, cum proximus ignis aristis
Serpit, & huic vires turbidus Eurys alit?
Præcipites quis frænct aquas, dum monte volutus
Spumeus effusis spargitur amnis aquis?
Quis teneat puerum primæva ætate calentem?
Mobilis hic undis, mobilis igne magis.
Lusibus ergo vacet, sua diligit otia virtus:
Et quiddam in ludis grande subesse solet.

Lusit

Lufit Amiclæus parvo cum Castore Pollux,
 Ledaque spectatrix inter utrumque fuit.
 Lufit & Æmonio torvi Chironis in antro,
 Cujus jam manibus debitus Hector erat.
 Nestoraque Argolici mentemque, decusque Senatus,
 Credibile est nucibus continuasse nuces.
 Ipse etiam austeri Zeno præceptor Honesti
 Vectus arundineo, dum puer, ibat equo.
 Quod fecere viri, celeberrima nomina, tanti,
 Non faciat nostra cultus ab arte puer?
 Nolo (14) novis ludis studeat puer; ordior isthinc,
 Hac patet ad monitus area prima meos.
 Hei mihi! quot turbas puer hic novitatis amator,
 In patria factus grandior urbe seret!
 Lufibus in mediis nova dum Catilina studeret,
 Prodidit ingenii semina prava sui.
 Quod rixator erat, ludo præfente, Cethegus,
 Hinc celer ad rixas, pronus & arma fuit.
 Lude puer parcè; commendat gratia ludum,
 Si modus in ludo, quem decet esse, subest.
 Æs ubi concrepuit, quamvis sint florea rura,
 In sua testæ celer parca recedit apis;
 Non satis at rauco, fœdissima corpora, fucos,
 Quo minus insultent floribus, ære voces.
 Ora i munda luto, pulsataque tempora pugnis
 Absint, & scitllæ, lite furente, comæ.
 Odi, cum resonant puerilibus atria bombis,
 Ictaque vicinæ perstrepat aura viæ.
 Turpe, micare manu, turpe est agitare fritillum;
 Ludere par, impar mosque, pudorque vetant.
 Ah! cave damnosam digitis tractare papyrus,
 Quæ gerit in picto signa dolosa sinu.

Non

Non probo serviles luctæ sub imagine ludos,
Ne labor immodicus crescere membra veter;
Non probo, qui speciem turpant ludentis, & ora,
Moribus aut aliquid vile subesse notant.
Ingenuos, facilesque probo, (15) præcurrere virtus
Quos sibi, quos studiis vellet Apollo suis.
Curia sit, parvumque forum, parvusque Senatus,
(Si tener his natus lusibus aptus erit.)
Hic modo caussidicum se præbeat, & modo torvi
Damnet sollicitos judicis ore reos.
Sive paludatus demisso syrmate, tractet
Principis in morem ludicra sceptrâ manu.
Nunc ducis in speciem socios hortetur, ut arcem
Invadant, compar ducat & agmen eques.
Si leviora placent; leviores suffice lusus;
Hic puer ingenio est acrior, ille minus.
Anseris est ludus; facit hic flaventibus annis
Ludus; ab hoc tempus fallere discat iners.
Est matronarum bicolor quoque tessera, tractet
Hanc quoque, matre rudes præveniente manus.
Trusitet & follem, quem discolor ala coronat,
Si spectes, fertur more volantis avis.
Impellatque pilas, qua janua surgit, eburnas,
Parte latina sui, græcaque parte sui.
Dulcibus interdum fabellis commodet aures,
In quibus occulti semina moris erunt.
Et modo Cœlicolis altaria flore coronet,
Nunc struat infanti parva sacella Deo.
Hætenus (16) ad septem puerum perduximus annos,
Et pars est libri prima peracta mei.
Nunc totidem septem donec pubescat ad annos,
Quæ pater hunc formet sedulus arte, canam.

Gaudeat, & doleat (prima hæc sit regula morum).

Ut decet, & virtus præcipit ipsa, puer.

Ut cythiso lætantur apes, ut credulus esca

Piscis, ut arbutea fronde trahuntur oves,

Melle sub infido sic dum tegit arma voluptas,

Illa viros laqueis captat, & illa senes.

Sed magis ante fores, primævaque limina vitæ

Excubat, & pueris clam nocitura sedet;

Virtutique prius quam sit bene structa, latenter

Immigrat in vacuam corporis illa domum,

Jura dat, & sensus ad sese hic allicit omnes,

Sceptraque regali ferre recusat heræ.

Ergo voluptatem sitientibus abstrahe labris,

Neve puer pleno combibat ore, vide.

Ordior a somno: res jucundissima, somnus;

Grata viris, pueris grata sed illa magis.

Nocturno ceu rore vigor languentibus herbis

Advenit, æstivo cum cane fervet humus,

Sic juvenes turgent somno, si parcus, & horas

Non ultra septem continuatus erit.

Cætera das morbis; pigro stupet inde veterno

Mens, & perpetuus pallor in ore sedet.

Nec taceam, teneros deceat qui victus ephæbos;

Hæc quoque res monitis non aliena meis.

Non placet in dapibus luxus puerilibus; esca

Sit brevis, atque frequens, non onerosa tamen

Adjicit in flammam flammæ, serpentibus addit

Virus, qui puero vina bibenda finit.

Quod si forte dapes studio festinus anhelò

Appetit, amota subtrahe lance dapes.

Pocula plena mero vult exhaustire? jubeto;

Temperet infusâ pocula parcus aquâ

Dulcia

Dulcia quin puero quæ dat potanda voluptas,
Ne bibat, asperso pocula felle line.
Si clam forte penu furunculus auferat escas,
Matris & e gremio crustula surripiat,
Si gerris avidas præbet scurrilibus aures,
Negligit aut rigidi iussu parentis iners,
Si fratrem pugnis cædat, charæque sororis
Turpiter infixis unguibus ora notet,
Pœna sit erranti; sed commoda pœna legatur,
Quæque sit ad pueri crimina facta magis.
Cernuus in parvo tunc mensæ pransit et orbe,
Parca sed huic solas mensa ministrat aquas.
Vere novo cerasos, Autumno poma negabis,
Et quæ grata magis noveris esse gulæ.
Quin dolor (17) emendet potius, quæcunque voluptas
Peccat, & ad scuticæ lora timenda vocet.
Vilibus & pœnis surgentem in cornua fastum
Comprime, si pueri in vertice surgit apex.
Nunc aures stolidi gestet pudibundus aselli,
Nunc sedeat curto fuisse dolandus equo.
Hæc mihi præsertim placeant, si nulla Minervæ
Cura sit, & doctas oderit ille Deas.
Si mala verba tamen vix primo e gutture tantum
Exciderint, dispar pœna legenda tibi est.
Vel fictis illum colubris terreto, vel atri
Æthiopis speciem ficta per ora cape.
Cancer & occurrat chelis extantibus asper,
Janua qua duplices pandit hiulca fores;
Mater & o, clamet, specie deterritus illa,
Devoror, o celerem fer, bona mater, opem.
Non erit ut posthac, fuerit qui talia passus,
Impuro turpes promat ab ore fonos.

Forsitan hic nostra subtristis in arte magister;
 Et videar pueris commodus esse parum.
 Dummodo sed prosum mea per præcepta; severus
 Non ego detrecto, tristis & esse nimis.
 Quam bene cui nocuit Veneris damnosa libido,
 Sustinet admotas in sua membra faces:
 Quam bene vix gelidâ guttur perfundit anhelum,
 Cui nocuit largi copia sumpta meri.
 Peccandi causas si præbet, & arma voluptas,
 Corrigat hanc medicâ poena, dolorque manu.
 At ne servili (18) declinet more parentem,
 Dum sibi carnificem semper adesse putat,
 Tristia tunc puero quæ dat, subamaraque virtus,
 Ut bibat, asperso pocula melle line.
 Si bene conficiet puerilis pensa Minervæ,
 Si monitis facilis sit, docilisque domi,
 Si bene Davidicum persolvat carmen ad aras,
 Publica dum mystes sacra verendus obit,
 Si magnæ titulos, & nomina mille Parenti,
 Creber & ingeminet more precantis, Ave.
 Crustula tunc, globulosque dato, Ligurumque placentas,
 Quas de seposito melle laborat apis.
 Nec pigeat picta nati donare laborem
 Icone, sed punctim picta sit illa, vide.
 Cereus aut agnus monumentum detur amoris,
 Quem Phrygiâ pupugit sedula mater acu.
 Non ego sum, qui dura velim, qui tristia semper,
 Sit procul a nostris moribus iste rigor.
 Me juvat in puero nunc signa videre dolentis,
 Et nunc lætitiæ signa videre juvat.
 Gestiât interdum, sedeat modo, cernuus oret
 Nunc mihi, nunc studeat, nunc quoque perstet iners.
 Nunc

Nunc mihi nugetur totus, nunc seria totus
Mente agitet tacita, torvus amabiliter.
Aspicias ut laxas modo det, modo ducat habenas,
Qui premit indocilis colla magister equi?
Carbasa nunc vento pandit, nunc subtrahit idem,
Qui sibi commissam dirigit arte ratem.
Sic bene qui didicit tractare Machaonis artes,
Multa dat ægroto, multa simulque negat.
Tu puero nec cuncta tuo concede, negave,
Et modo mollis in hunc, & modo durus eris.
Disciderit vestes? (19) mater studiosa lacernam
Sarciat; armillas fregerit? adde novas.
Cum tamen in mores plusquam pueriliter audax
Peccat, tunc rigidi jura tuere patris.
Dum templis constabit honor, memorabitur Heli,
Cumque Heli Phinees notus, & Ophnis erunt.
Felix ille quidem, si vel sine prole fuisset,
Vel si peccantem corripuisset, erat.
Grande Sacerdotis senio tardatus, & annis,
Pro se dat natis munus obire pater:
Thure vaporatas jam victima multa per aras
Stridet, suppositis rite cremanda focis:
Optima fuscinulis, quæ visa tridentibus illi
Exta sibi tollunt, deteriora litant.
Num poterant juvenes peccare licentius? addunt;
Per nova criminibus crimina facta via est.
Ecce Palæstinis stuprum intentare puellis,
Infandum! ante aras audet uterque sacras,
Crimine quo viso, densâ caligine septa
Fluxit sanguineis Numinis arca notis:
Ipse fugit populus scelus averfatus, & aris
Debita qui ferret munera, nullus erat.

O bene! quod natos tandem jam corripit Heli,
Sumit & irati, quæ decet, ora patris.
Qualiter in paleis errat sine viribus ignis,
Et leviter Zephiro mota tremiscit aqua,
Divini vindex sic Heli lentus honoris,
Segnis & in natos sic fuit ira patris.
At non fera fuit tanto pro crimine pœna,
Admovitque manus ultor ad arma Deus.
Ecce vir aspectu se se venerabilis offert,
Cui mentum barbæ densus obumbrat honos.
Hispidâ pellis obit, præcinctaque cannabe corpus,
Zona coercēbat tortilis ære latus.
Mox ait (absistunt dicentis ab ore favillæ,
Fallor? an irato fulgur ab ore jacit?)
Sic pater instituis natos? hæc credita templi
Cura? Sacerdotis sic grave munus obis?
Numinis irati mollis non nuncius adsum,
Quæque tibi impendent, proxima fata cano.
Bella Philistæis quæ surgunt horrida terris!
Quot video fortes signa movere duces!
Quæ fuga! qui nostro spumabunt sanguine campi!
Flumina quot video cæde rubere novâ!
Arca Dei indignans fœdâ se gente teneri,
Ibit in hostiles præda pudenda manus.
Clade pari affectus Phinees morietur, & Ophnis,
Impastisque dabunt corpora cæsa lupis.
Tuque dolens serò fracta cervice jacebis;
I nunc, & natos corripe, lente pater.
Dixit, & in tenues ceu fulgur vanuit auras,
Fudit & excusso bella, metumque sinu.
Dum favet ingenium, puerique recentior atas,
Increpet hunc fortis voce, minusque pater.

Oscula

Oscula dum ferret nimium fraterna sorori
Ammon, tunc melius corripiendus erat.
Matrem nacta magis fuerat si Dina severam,
Cum probro haud ultra limen itura fuit.
Nec vos (20) decipiat, primo sub limine vitæ;
Crimina quod peccat non nisi parva puer.
Dum novus est unguis, Lybiæque adolescit in antro,
Tractantum patitur parva læna manus;
Fac rigidi crescant ungues, fac vellus in armos
Descendat; veniet quanta ruina gregi!
In mare septeno qui fert se gurgite Nilus,
Portat & ingenti bellica rostra sinu,
Rivus aquæ tenuis primis in fontibus ante,
Quem saltu pastor transfiliisset, erat.
Hic qui nunc subitam ferus excandescit ad iram,
Torvus & obliquo lumine sæpe sedet,
Parva quidem peccat, quia parvus peccat, & iræ
Materies parvæ non nisi parva subest.
Ira tamen crescet puero crescente; feracem
Suggere materiem, quantus hic ignis erit!
Hic puer est nimium genialis: lumina vertit
Huc, illuc, fronti nec pudor ullus inest.
Lascivis nollem devinctus amoribus olim,
Heu! trahat in præceps seque, suamque domum.
Nonne vides vestes discinctus ut ambulat alter,
Nullius & curam fronte decoris habet?
Quid, si forte domus cum vir tractabit habenas,
Gentiles patrii dissipet assis opes?
Indole (21) quin etiam qua sit quoque noscite, vester;
Quoque sit ingenio præditus, ante puer.
O quantum natura facit, felicia mentis
Semina si quondam mater amica dedit!

His breve monstrat iter virtutis; & obvia quæque
Innuat, & faciles ad bona summa vias.
Longum iter est aliis per dura, per aspera semper;
Laus & inaccessio figitur alta loco.
Hi semper fera bella gerunt; pax nulla; domique
Plurima quæ superent monstra, forisque manent:
Pax aliis immota datur; sine sanguine laurus
Parta triumphali tempora fronde tegit.
Aureus hic totus puer est; huic aurea quondam
Credibile est triplices pensa dedisse Deas.
Factus ad ingenium virtutis, amabile quiddam,
Dum loquitur, spirat; quidquid agitque, decet.
Talis erat Samuel, quem candida veltis obibat,
Dum templi sacras cursitat ante fores.
Talis Abel fuerat, dum poma novella Tonanti
Ferret, & intactam de grege pastor ovem.
Alter at est ferro totus compactus, & ære,
Hei mihi! quam Clotho ferrea pensa dedit!
Horridus aspectu, truculentus; ridet, inepte
Ridet; quidquid agit, semper ineptus agit.
Talis erat duris gaudens venatibus Esau,
Cum peteret sævas, sævior ipse, feras.
Talis erat primis asper Lamechus in annis,
Uxor cui primo non satis una fuit.
Quidquid erit, dura vel sit puer indole natus,
Vel facili, solers fingat utrumque pater.
Nemo adeo ferus (22) est, qui non mitescat ab arte;
Quod natura negat, suppleat artis opus.
Arte vides Cereri duros mansuescere montes,
Densa ubi jejuni glarea ruris erat.
Quique prius pressis ferus insultabat habenis,
Edomitò sonipes accipit ore lupos.

Fusile sed caveas tentes opus ; arripe scalprum ;
Et lento natum cæde labore , pater .
Dum licet , & facile est , votis puerilibus obsta ;
Quæ concessa nocent , sæpe negata juvant .
Ludere forte cupit : ne ludat ; visere pompam :
Abstineat ; mimis poscit adesse : nega :
Quin magis optatis contraria præcipe quædam ,
Et sua conantem frangere frena , rege .
Templa petat , si rure cupit fortasse morari ,
Forte theatra cupit , rura negata petat .
Hic , qui nunc curvus (23) se prodit ramus in auras ,
Flexus in adversum sit modo , rectus erit .
Durior oris equus consistit sæpe ; suburge ;
Pugnantemque retro flecte , vel Euris erit .
Otia præsertim primis fac vitet ab annis ,
Otia sunt omnis semen , & esca mali .
Quem labor exercet , liquidis argenteus undis ,
Ruris amor rivus , Naiadumque fluit .
Est odium pastori , ruricolisque Napæis ,
Qui lentæ torpet more paludis iners .
Otia dum peragit vitreas Narcisus ad undas ,
Occidit infano tortus amore sui .
Lentus amor florum , carpendi & poma cupido ,
Thyodamantæum gurgite merfit Hylam .
Nempe quid est , quod crebra puer suspiria ducit ;
Inficit & teneras , igne micante , genas ?
Cur faciem fingit , cur crines nectit in orbem ?
Nullus & a fixa crinis aberrat acu ?
Ingenuæ non ulla super jam cura Minervæ est ,
Odit & Aoniæ murmura grata lyra .
Templa minus magno celebrat devota Tonanti ,
Negligit & Cereris liba verenda sacra .

Obsidet

Obsidet alta pios, turpisque senecta libellos;
Quæis sua virgineus temperat arma pudor.
Scyria nunc illum Phillis, vel mollis Amyntas
Detinet; hæc sitiens docta venena bibit.
Quidquid & excerpit fidi pastoris ab ore,
Protinus infixo sedulus ungue notat.
Sæpe pater secum, miratus talia, dixit,
Cur meus hic non est, qui fuit ante, puer?
Occidit ille vetus, sic est, puer; alter ab illo
Successit, dispar sed tamen ipse sibi.
Nescio quid nocuit (24) vicinia: vidit, & hæsit,
Captus ab insidiis, vafra puella, tuis.
Otia fecerunt, ut amaret; inutile tempus
Dum fuit, hoc pharetram tempore solvit Amor;
Dirigit & sævas, Vulcania tela, sagittas,
Ulla nec in vacuum tela rotata volant.
Dum pastor, dum fida canum custodia cessat,
Incustoditum perdit ovile lupus.
Dum nox, dum vigiles somnoque, meroque sepulti,
Arcem qui subito diruat, hostis adest.
Dum pigra mens nullo se se custode tuetur,
Nullus & excubitor, consiliumque domi est;
Tum tacitus surrepit Amor; vexillaque victor
Explicat, & capta mentis in arce sedet.
Da puero quod agat semper; vel inertibus horis
Ne sit iners, satagat provida cura patris.
Materiem si forte domus nil præstat agendi,
Auctor eris, quid agat, quærat ut ille foris.
Rura petat potius, mandataque certa colono
Pro te, dum podagra tortus es ipse, ferat.
Mitte salutatum cognatos, visat amicos,
Expediat quædam, teque jubente, foro.

Claustra, sacrosque adeat primo de mane penates,
Quos colit Umbriadum Numine plena choors.
Nec Lojolea rigidus de gente Sacerdos
Desit, virtutis quo duce signet iter.
Si nihil ista juvant, venatu membra fatiget,
Fallat & incautas gausape tectus aves.
Sæpe inconcessam pellit concessa voluptas;
Vanescitque vetus cura, repulsa novâ.
Strymona dum tranat nemorum vastator Achilles,
Torvus & Æmonia cuspide figit apros,
Matris Acidaliæ fertur risillè pharetram,
Defensus studiis, casta Diana, tuis.
Ast ubi cessavit molli Lycomedis in aula,
Inter femineos, femina & ipse, choros,
Risit Amor, pharetramque movens, nunc accipe vulnus,
Dixit, & imposito ter pede pressit humi.
Me duce, femineis, puer, a congressibus absis,
Si tibi mansuri cura pudoris inest.
Nocturni cantus, debacchataque choreæ,
Cymbala femineâ pulsa, repulsa manu,
Vinaque, Mexiacusque latex, & crusta Sabauda,
Vinetaque Hyperboreo cinnama odora gelu,
Enervant animos: quid femina culta per artem
Dum jacet ardentes, Cypridis arma, faces?
Mœsta Syonæi relegis qui carmina vatis,
Carmina flebilibus deproperata notis,
Quod prædata suos fallax sit femina sensus,
Hanc tantis summam questibus esse vides.
Non puer a tantis timeat sibi casibus? ætas
Mollis, & in vitium cerea sponte sua?
Ut vult, expectet sibi commoda tempora virtus,
Ut se digna gerat, diqumeretque dies.

Prævenit ætatem vitium, nec longa moratur
Tempora; dum discis, jamque docere potes.
Difficilis cultura manet, violasque, rosasque,
Virgineaque legi lilia digna manu.
Proveniant sed sponte sua mala gramina passim;
Surgit in invisos campus ubique rubos.
Quid, si dum veri speciem mentitur amici,
Has male qui flammæ ventilet, alter erit?
Tunc pudor exuitur, virtusque eliditur omnis:
Ferreæ sternaci tunc juga demis equo.
Cæruleus nautis color est, quia semper oberrant
Illorum ante oculos cærulea regna maris.
Vultus & Æthiopum niger est, quia Solis ab æstu
Paullatim fuscus ducitur ore color.
Sic malus est, quicumque malo sociatur, & hujus
Aspectu capitur, colloquiisque frequens.
Nec quia sit facili puer indole præditus, illi
Attenti desit sedula cura patris.
Quid juvat ignavum silvescens terra colonum,
Quæ segetes largo ferret opima sinu?
Vinea quid facili prodest in colle recumbens,
Si pigro torpet sentibus hirta situ?
Filius hic bona multa patri, patriæque daturus,
Si par ingenio cultus adesset, erat;
Defuit ingenio par cultus; ferre parenti
Commoda, cum posset plurima, nulla tulit.
Occupet hunc bona (25) cura patris; moresque docendo
Formet, ut assuescat frena, modumque pati.
Luserit æquales inter; tu testis adesto,
Si potes, aut pro te qui magis aptus erit.
Opprimat hic socios nimio ne jure, cavebis,
Autumat justo plusve, minusve sibi.

Premia ne victor, pœnasque reposcat acerbe,
Pignora neve neget, si modo victus erit.
Justa quidem primò primis assuescet in annis
Velle, sed & juste mox quoque justa volet.
Proderit hoc etiam; quidquid facturus honeste es;
In partem veniat muneris ille tui.
Largiturus eris si quid miseratus egenos,
Pro te pauperibus porrigat ille stipem.
Si quid solvendum, numeret puer æra, jube to
Ne mox præcipiti dissipet æra manu.
Adde simul, vitæ quantus sit fructus honestæ,
Pax animi unde fluit, mentis & alta quies.
Mens mala præterea quanto collisa tumultu,
Pœna sit ipsa sibi, suppliciumque, refer.
Hinc via paullatim fit moribus; hi quoque posthac
In similes actus ponderis instar eunt.
Dein ubi jam virtus firmis radicibus hæsit,
Dulcia cultori poma datura suo est.
Si tamen (26) exempli monitis vis desit in istis,
Pondere callâ suo verba monentis erunt.
Sic bene quæ frictu non incaluere frequenti,
Nequicquam stipulas succina lenta trahunt.
Sic bene qui magnes non ante paratus ab arte est;
Segnis ad Arctoi vertitur astra poli.
Viva domi censura pater sit, oportet; idemque
Quod docet, exemplis imbuat ante suis.
Scilicet egregius (27) doctor virtutis, honestum,
Quod tu non teneas, rite docebis iter?
Ebrius & calices inter, ructante falernum
Ore, puer jubeas pocula parca bibat?
Versantem talos si te noctuque, diuque
Viderit, ut talos oderit, auctor eris?

Allicit

Allicit exemplum, positum est ubicunque: sed uno

In patre vim legis præcipientis habet.

Hactenus unde boni mores: nunc persequar artes,

Quois tenera puerum mente vacare decet.

Grande sit exemplar (28) vobis natura, colendæ

Debita quos prolis cura, laborque tenet.

Cantat, ovat, saltat, gaudet natura moveri

In pueris, uno nescia stare loco.

Quod facit arcanis naturæ motibus actus

Duriter, hoc faciat cultus ab arte magis.

Dum digiti faciles, dum vox magis apta canendo est;

Et canat, & tenero pollice pulset ebur.

Sic est: occulta trahimur dulcedine cantus,

Et gens ad numeros nata, modosque sumus.

In muri coiere fidem testudine blanda,

Dum vocat Amphion saxa, Aracinte, tua.

Mulcentemque feras, volucresque ad plestra citantem,

Orphea suspensis audiit Hebrus aquis.

Scilicet ad mores cantus facit; otia virtus

Hinc sua perpetuo fessâ labore trahit.

Pectora purgantur vitiis quoque, frangitur ira,

Spes & depulso læta timore redit.

Cantus & æthereis mentem concentibus addit,

Attonitosque super lucida claustra rapit.

Non tamen intortis, nimiaque ex arte rotatis

Musica vox numeris munera tanta dabit.

Semivir his capiat plebejas cantibus aures,

Distorquens animos mille cupidinibus.

Fingendis puer apta canat mihi moribus, unde

Et curis animum, tristitiaque levet.

Nec mihi sic cytharâ carmen meditetur eburnâ,

Ut plus, quam deceat, doctus ab arte canat.

Era,

Æra, tubæque procul, violentaque tibia cedant,
Non hæc ingenuas nata tenere manus.
Squamiger hæc inflet Triton sub gurgite, phocas
Dum vocat immanes, squamigerumque pecus.
Eligat illa puer, facili quæ pollice pulset,
Quæque egeant minimum gesticulante manu.
Quin matura viri cum jam successerit ætas,
Plectra minus jubeo tangat eburna frequens.
Publica tunc hominem, majoraque munia poscunt;
Si bene de tota judicet arte, sat est.
Det quoque (29) compositos librato corpore saltus,
Dum puer occulto vividus igne calet.
Turbinis in morem nunc hastam vibret in auras,
Stringat & inmoto, dum redit illa, gradu.
Bellica nunc varios sinuet vexilla per orbes,
Nunc latus innocuo comparis ense petat.
Lignea stat moles, cervicem imitatur equinam,
Se se etiam hic vario pensilis orbe rotet.
Corporis hinc motus paullatim adhaesceat ad omnes;
Unde animis constat, corporibusque vigor.
Hinc ubi bella vocant, commissaque prælia fervent,
Aptus ad invicti munera Martis erit.
Turpe, (30) figurandi non artem nosse; figuras
Circinet, & calamo rubra fluente notet.
Partibus apta suis deprendere corpora, quantum est!
O quantum est oculos non habuisse rudes!
Hinc simul empturus, quidquid constabit ab arte,
Non ita de facili decipiendus erit;
Artificumque manus noscet, variosque labores,
Et quo res pretio, quæque notanda venit.
Ecce vocat (31) teneros formatrix Pallas alumnos;
Hæc quoque vult annos fingere Diva rudes.
Omnia

Omnia prima puer discat bene: scriptitet apte,
Atque emendato puriter ore legat.
Sic est, prima magis delectant, fortius hærent
Prima, minus multò posteriora movent.
Forſitan hic quæres, (32) privata, an publica Gymnas
Præſtet? vix monitis res eget iſta meis.
Publica privatis præſtant: ſit publica Pallas,
Publicus & doctòr; publica norma placet.
Aſpicias Elæo fervent qua pulvere currus,
Ut palmæ cupidos nobilis ardor agat!
Carcer ubi patuit, volat hic, ſuper ingruit alter,
Non expectato tertius axe ſubit.
Sic ubi denſa ſedet doctò ſub Rhetore pubes,
Fortius extimulat pectora laudis amor.
Nec mihi diſpliceat, pugnæ ſub imagine certet
Si puerùm geminos turba ſecuta duces.
Pœnorumque rotet puer hic vexilla, Quirino
Æmula, Romuleas ventilet alter aves.
Præmia tum ponat victoribus apta magiſter;
Et juſtam victis, quam meruere, notam.
Adde, quod hic certo doctri-næ limite Pallas
Conſtat, quem legum publica jura probant.
Finge, vagum & nulla devinctum compede legum,
Quemlibet, ingenii quo ſerat aura, ſequi,
Hæreſis, & fidens occultis fraudibus error,
Serperet in regni præpete membra gradu.
Ergo ubi ſana magis Pallas ſit publica, primos
Doctri-næ latices hauriat ore puer.
Hic linguam (33) formare prius, mox ſimplice vero,
Et mentem, & pectus perpoliſſe decet.
Felix! de rebus qui cum bene ſentiat, idem,
Quæ ſentit, poſſit verba per apta loqui.

Ille

Ille Tyrannorum fortunam jure superbam
Despicit, & fluxas, munera fortis, opes.
Tu, pater, interea puerilem ad grandia nisum,
Muneribus, puero quæ magis apta, juva.
Auspiciis aperit Janus felicibus annum,
Strena sit, & parvò munere lætus eat.
Ut recreet fessas operosa gymnade vires,
Rus petat ad paucos, vere tepente, dies.
Sepositisque cibis privata in lance ferendis,
Muneret hunc tremulo vertice canus avus.
Ipsa neat puero mater studiosa lacernam,
Qua contra brumæ frigora tectus eat.
At non cæsaries ferro candente vibretur,
Nec sit Orontæo mollis odore manus.
Vix forinæ succedit amor, cum Pallade Phœbus
Cedit, & Aoniæ, turba novena, Deæ.
Ne tamen hæc facias, si te vel Curia magno
Districtum rerum pondere forte vetet:
Aut proceres inter domina versaris in aula,
Publicus aut patriæ frena Senator agis,
Elige convictus; (34) sic uno tempore prolis
Moribus, & studiis consuluisse potes.
Qua vetus Agrippæ templum est, sublimis ad auras
Tollitur, ex omni parte dirempta domus.
Obvia porticibus se se explicat area vastis,
Apta rudimentis, cruda Minerva, tuis.
Hic choreas nectunt, hic ludicra prælia miscent,
Nobile frænatis lucet & agmen equis.
Atria sed nimium lentum ne prima morentur,
Nunc aliò cum te nobilis Aula vocet.
Aspice dispositas sublimi in fornice ceras
Quisquis es, & magnam devenere domum.

E

Aspice

66 *VITA OECONOMICA*

Aspice Romulei tot lumina clara Senatus,
Quos Tyrii rarus muricis ambit honor.
Vis regnatrices cœli, terræque tiaras
Cernere? quas cernas, Aula superba dabit.
Patrum sacra comas queis protegit infula, turbam
Ire per immensam lumina fœssa negant.
Cum tamen innumeris pacis decorata trophæis
Sit domus hæc, studiis frigida Martis erit?
Non tot ad Iliacæ venerunt præmia palmæ,
Signa sub Atridæ, lumina prima, duces,
Non tot Achæmenios fraterna ad bella profectos
Ductores hausit Martis utrinque furor,
Quot domus ista duces præclaros protulit armis,
Seu terris gererent prælia, sive mari.
Hac dum sæpe puer tacitus spatatur in Aula,
Hæc illi quantum ad grandia calcar erit!
Sic onerata videns generosis atria ceris
Scipio, & Æmilix clara trophæa domus,
Evertendæ animos olim Carthaginis altæ,
Bellaque præcepit mente futura puer.
Parte alia pandit vasta se mole theatrum;
Hæc quoque non unis usibus aula patet:
Namque ubi sat lusum per ludicra tempora Bacchi,
Tempora quæ foccus, quæque cothurnus amat,
Palladis hæc iterum transcribi gaudet ad usus,
Totaque Palladiis perstrepat ista sonis.
Seu juvat Aonio deducere vertice musas,
Sævaque Mœoniis bella tonare modis,
Seu Peripatheticæ rimari dogmata chartæ,
Altaque divini noscere scita Thomæ,
In medium discunt: tum circumstante corona,
Præmia quisque sui certa laboris habet.

Quanta

LIBER SECUNDUS. 67

Quanta domus probitas! quam tuti a iudice mores!

Qui pudor, & veri quantus honoris amor!

Sensim Roma suos ad grandia format alumnos,

Et magnis rerum pascit imaginibus.

Non clypeum Mavors, non arcum semper Apollo,

Pallas & anguiferæ Gorgonis arma gerit.

Juppiter Ætnæo nonnunquam a fulmine cessat,

Et ducit nectar, qua tulit arma, manu;

Ergo per autumnum, cum Romæ plumbeus Auster

Imminet, & procures proxima rura petunt,

Tibur secedunt, ubi vertice villa superbo

Surgit, grande tux, Spinula, mentis opus,

Palladis hic studiis non longum ad tempus omisiss,

Omnibus ingenuâ est cura quiete frui.

Detinet hos Anio, dum per juga spumea montis,

In medium abrupto scinditur amne cadens.

Pars genium mirata loci, se simplice pascit

Æthere, prospectu liberiore fruens:

Rûdera pars relegit, veterem spirantia fastum,

Ruraque magnificis condita Cæsaribus.

Villa sinu reduces mox excipit ampla beato,

Ingenuaque parat conditione dapes.

Mille dat hæc ludos, mille oblectamina pandit;

Hic canit, hic dulces temperat arte fides.

Ille pilam versat, quatit alter follibus auras,

Brachiaque obnubit denticulatus acer.

Rustica sæpe etiam nullo Comœdia comptu,

Effundit subitos facta sine arte sales.

Dant plausum montes; reduces gratatur ab antro,

Annosum quatiens cana Sybilla caput.

At vos o lecti juvenes, spes maxima Romæ,

Sanguis ab Ausoniis integer haustus avis,

Qua vos durus honos, qua somni nescia virtus

Invitat, celeri protinus ite gradu.

Floriferum per iter, qua mollia prata voluptas

Explicat, ignavus quilibet ire potest.

Ardua virtutis via vobis, arctaque laudis

Semita, quam monstrat gloria, digna premi est.

Imbelli latuit donec Lycomedis in aula

Pelides, vixit degener ipse sibi.

Mox crepitante tuba Trojana vocatus ad arma;

Grande juventutis lumen, honorque fuit.

Quis fuit Alcide major, dnm vindice clava

Toto impacatas perderet orbe feras?

Ast ubi Mceoniae servilia pensa puellæ

Duxit, progenies non Jove digna fuit.

Cernite quo virtus adolescat vestra teatro:

Institui quantum est principe in Urbe decus!

Roma faces vobis juvenili in pectore subdat,

Virtutis sedes Roma, decoris apex.

At tu, parve Liber, quid in altum mitteris æquor,

Cum desint cymbæ grandia vela tuæ?

Desine jam tandem: deceat quæ norma juventam,

O te quam melius præcipit ista domus!

V I T A
OE C O N O M I C A
LIBER TERTIUS.



Unc age , divitiæ (1) qua sint tibi
lege parandæ ,
Exequar, in famulos jus & herile canā,
O felix gens prisca virūm , meliori-
bus annis

Edita , cum rectum vita teneret iter .

Tunc bene vivebant (2) parvo ; tunc copia dives ,

Cum lare parvus ager , bos & arator erat .

Nondum cæca maris visura pericula puppis

Solverat , alterius ferret ut orbis opes .

Nondum rupta sacri spiracula Ditis , ut aurum ,

Montibus effossis , erueretur humo .

Ast ubi (3) dira fames & amor successit habendi ;

Excidit ex tantis publica vita bonis .

Scilicet ut gemma possis potare , vel auro ,

Quæ dat vina Chios , quæque Falernus ager ;

Ut tua Tænariis stent atria fulta columnis ,

Vestiat & Lybicas bractea fulva trabes .

Sola mali tanti scelerata pecunia causa es :

Non poteras Stygio merfa latere lacu ?

Tu facis averfos Superis , cœloque rebelles ,

Ad scelus , & fraudes tu via certa pates ,

Auro pulsa fides cessit , vetus exulat auro

Relligio templis , & Themis alma foro ;

E 3

Aurum

Aurum armat fratres, auro solvuntur amici,

Ipse nec est nati tutus ab ense pater.

Desine sed tandem tua per convicia, tanti

Criminis immunes carpere, Livor, opes.

Nos, nos peccamus, non res; vitiisque nocentes

Pabula, queis crescant, materiemque damus.

Num faber in culpa est, in te si verteris ense,

Quem prius in sævas condidit ille feras?

Terra parit vicina rosis aconita; quid ipse

Præteritâ carpis sæva venena rosâ?

uc itur hic recte, male ducitur alter ab ira,

Hic vitii titulum, laudis at alter habet.

Res bona (4) divitiæ: nihil ipsa pecunia peccat;

At malus immeritas polluit usus opes.

Auro templa Deum decorantur; divite cultu

Vult sua Relligio templa verenda coli.

Auro freta magis, quam ferro regia constat

Majestas; aurum tolle, jacebit iners.

Saturni illuvies nostros mansura sub annos,

Auri nî pridem pulsa nitore, foret.

Dumque vagum terris huc, illuc navigat aurum,

Jam domus ex cunctis gentibus una sumus.

Hæc bona sunt auri: nunc tempusolvere puppim:

Pauca sed in primo limine disce prius.

Non ego divitias (5) auctor sine fine parandi

Sunî tibi; lex artis prima sit ista meæ.

Exedit hinc animos semper timor auxius; effert

Hoc & avarities sordida fonte caput.

Hoc, atque illud emam; pergam mercator ad Indos,

Stat maris extremos findere puppe sinus.

Illinc, dives habet seu quas Panchaia merces,

Seu Tyros, in patriam, dona beata, feram.

Interea

Interea mensâ tristis tibi victus acernâ
Ponitur, & raro lucet ab igne focus.
Filia dote caret jam plenis nubilis annis,
Uxor & in vili cyclade signat humum.
Quid juvat aggesto recubantem duriter auro,
Non placida somni posse quiete frui?
Cernis, ut æsculeam recubet securus ad umbram
Pastor, quem circum dulce queruntur aves.
Rupe licet dura pelagi piscator ad undam
Sternitur; ante pedes hamus, & esca jacent.
Somno dives eget, cui sordidus ardor habendi
Vulturis in morem corque, jecurque premit.
Ah pereat, cuicumque facer sis nummus in arca
Conditur, ut domino commoda nulla ferat.
Effuge divitias, (6) sapiunt quæ scœnus, avaras;
Quæque tibi iusti causa pudoris erunt.
Scilicet ut quoties tua prædia viserit hospes,
Ingerat in domini scommata mille caput,
Atque aliquis spectans operosa palatia, dicat,
Sordidus hæc multo scœnore struxit eques.
Casta, bonisque volo tibi sit quæsitæ supellex
Artibus, & nulla parte pigenda sui.
Hæc manet hæredes; quin fluminis instar eundo
Crescit, & in longa posteritate viget.
Contra quæ turpes fuerit collecta per artes,
Disfluit, atque suo rara superstes hero est.
His ita propositis, primaque in fronte locatis;
Accipe, qua fieri dives ab arte potes.
Fructibus (7) e patriæ primum ditescere terræ
Cura sit; hæc ad opes janua prima patet.
Scilicet hæ certo redeuntibus orbe per annum,
Sunt minus instabili munera fixa loco.

Adde, quod ingenuis ortæ quoque fontibus; & nil

Unde rubor domino concilietur, habent.

Non hæ sanguinei sunt tristia munera Martis,

Quas ferus invito victor ab hoste rapit.

Aula dabit census, sed partos fraude, dolisque,

Lucra dabit mendax sæpe pudenda forum.

Quas tellus dat opes, natis dat mater alendis,

Munera deque suo promit honesta sinu.

Aspicias, ut scindi se se patiatur aratro,

Perferat & duri triste ligonis onus?

Quoque magis vexata, magis respondet amice,

Cessas? ingrata de pietate dolet.

Quam male dux, sævi cui non præcepta Gradiui

Nota prius, fortes ducet ad arma manus!

Quam male, ventorum cui non vis nota, magister

Vela procellosis per mare pandit aquis!

Tu quoque, qui quæstu ditescere quæris honesto,

Quæ dat opes facilis tutaque, disce, via.

Fallitur Æeas si quis descendit ad artes,

Comparet ut magicâ sordida lucra manu.

Ter centum tonat ore Deos; Erebiq;e profundi

Pallida disrupto devocat ora solo.

Alter avellanæ fretus curvamine virgæ,

Quo trahat hanc auri lamina fulva, notat.

Est quoque, qui propius scrutatur viscera terræ,

Ditis & admoto lumine terret equos;

Scilicet ut longis pulsata ligonibus, illi

Testa repentinas fracta refundat opes;

Rudera vel potius signis inscripta vetustis

Eruat, aut priscâ facta sigilla manu.

Quid tibi cum vanis demens est artibus? aurum

Terra dat, at fuerit si bene culta prius.

Ergo

Ergo age, (8) quid cessas? qua prædia lege colenda,

Discito; quidve petat, quidve recuset humus.

Quas tibi præ reliquis præstent emporia merces,

Quæque suis regio dives habenda bonis,

Nobilior qua surgat equus de gente, torosos

Signaque quæ monstrent, invalidosque boves.

Quove loco pluris prostent venalia, quove

Vilius, & pretium ponere doctus emas.

Præcipue studiosus agri, non maxima tanti

Rura tibi ad quæstum, quam bene culta, putes.

Finibus (9) Aufoniis Levinus nomine quondam

Vir fuit, antiqua simplicitate bonus:

Non illi centum versabant rura juvenci,

Innumeræ nec oves vellera secta dabant;

Census erat pietas bene magnus; dives abunde,

Quod sibi pauperies munda, decensque foret.

Sæpe Deos parvi custodes ruris adibat;

Hic mos, cum ludos pagus agebat, erat.

Et Cereri intortam spica lactente coronam,

Et Baccho ex hedera ferta virente dabat.

Surgere mane novo primus, sumptoque ligone,

Et gravibus rastris putre movere solum.

Quod vir, idem conjux, quod conjux, filia præstat

Nubilis, affiduo Sole perusta genas.

Primus abundabat frumento, primus olivo,

Primus vina cadis condere, mella favis.

Hinc piger in vultum Livor conversus anilem,

Ringitur his visis, tristitiemque capit.

Mox paganorum cum turba frequentior esset,

In medium, jacto se prius angue, tulit.

Atque ait, hujus ager quid sit, quod semper abundet

Præ reliquis, liquido cognita causa mihi est:

Vidi

Vidi ego cum segetes nostris transferret ab agris,
Et sua nocturno conderet ora lupo.
Vidi ego cum magico turbaret sidera rhombo;
Lunaque cantatis pallida staret equis.
Ergo impune feret? coram prætorè trahatur
Perfidus; hic maneat debita pœna reum.
Dicta dies aderat; prima sub luce colonus
Judicis intrepida mente tribunal adit.
Rustica, quotquot erant, secum instrumenta, laboris
Attulit huc testes, certaue signa sui.
Cernere erat longos usu splendere ligones,
Grandiaque attritâ rastra peresa manu.
Non deerant tortæ modico curvamine falces,
Quæque sibi Bacchus poscit, & arma Ceres.
•Sedit ubi prætor; baculo subnixus acerno
Rusticus, hos certo protulit ore sonos.
Hunc bona sponte sua faciebat causa disertum,
Quæ plus arte, caret quo magis arte, valet.
Scilicet huc hominum devenit inertia, iniquo,
Ut bona quæ spectat, carpere dente velit?
In quibus accusor magicæ reus artis, ademptas
Quodque aliis segetes, in mea rura vocem.
Quas segetes primum? quas non severe? fatasque
Quas pigro macies occupat atra situ?
Gratia Cœlitibus! nam nil, sine numine divûm
Gens hominum in vita, quod bene vertat, agit:
Post, manibusque meis, charæque uxoris, & isti,
Unica quæ thalamo filia nata meo est.
Scilicet his operum semper consortibus utor,
Pervigil ante diem, Luciferique rotam.
Nec desunt testes, si testes forte requirit
Causa, venificii deprecet unde notam.

Dixit,

Dixit, & in medium terræ instrumenta colendæ

Proiicit attoniti iudicis ante pedes.

Tum graviore sono: testes si quæritis, adsunt,

Ista beneficii cernitis arma mei.

Talibus auditis mirari prætor: & istis

Pro factis, laudem jure mereris, ait.

Nec genus hoc magicæ damnandum est artis, honesti

Unde sibi victus commoda quisque petat.

Plauditur: at Stygiam se merfit Livor in undam,

In sua laudatus rura colonus abit.

Et terram (10) vestire decet quoque; confita tellus

Si bene sit, multis fructibus uber erit.

Est tibi rure bono genicrosæ fertilis uvæ

Vinea, ad ingenium nata, Lyæ, tuum,

At non culta satis; raro stant ordine vites,

Palmes humi serpit, vinea sepe caret;

Pone novas vites, sit vitibus addita sepes,

Ne serpant per humum, fulcra columna regant.

Rure domus vetus est, sarcito; grandia saxa

Congere, si tumidis rivus abundat aquis.

Nec tu differ opus; cessantes terra ministros

Odit, & ignavas devovet illa manus.

Pascite, qui pasci cupitis: bene pascite rursus;

Vita per has hominum constat alenda dapes.

Divitiæ hæ (11) quorundam regumque, ducumq; fuerunt,

Tunc, cum fraus aberat, rectus & orbis erat.

Mille boves Abram specula spectabat ab alta,

Mille & tondentes fertile gramen oves.

His quoque divitiis stabat Labanus, & ingens

Jobus, Idumæi gloria prima soli.

Sint tibi, qui fortes invertant rura, juvenci,

Quosque loces aliis ad iuga panda boves.

Adde

Adde & equos, onagrosque, & aduncis cornibus uros,
Suffice & his sobolis germina lecta novæ.
Pars ad trituram, ductandis altera plaustris
Utilis, urbanis pars erit apta rotis.
Quid juvat impressio tellurem vertere aratro
Semper, & assidua sollicitare manu?
Da requiem terræ; pecori sic gramen alendo
Sufficit, intacto dum vacat illa sinu.
Artibus his addas, quæ pars est maxima census,
Lanigeras pecudes, fetigerosque sues.
At profunt in morte sues, dum sanguine cultros
Imbuit, & grata se dape pascit hyems:
Non ita lanigeræ (12) pecudes, quæ commoda vivæ,
Commoda quæ casæ plurima ferre solent.
Vellera sufficiunt, raro quæ pectine textor
Digerit, & lanas non finit esse rudes.
His tegimur nudi; primique immane parentis
Sorte pari crimen femina, virque luunt.
Atque aliqua in Tyrio dum se circumspicit ostro,
Nescio cujus ovis vellere compta tumet.
Lacte juvant etiam, primo quod mane per urbem
Titirus in calatho versicolore vehit.
Vel cum conficitur, mensis accepta secundis,
Expresso lactis candida meta sero.
Hinc bene cum silvis dispersum erraret in altis,
Humanum, nulla lege premente, genus,
Maxima pars ductabat oves, quod viva supellex,
Ad victumque forent semper aperta penus.
Auræa tunc vere Saturno rege fuerunt
Secula, perpetuum ver & agebat humus;
Tunc residens in valle cava, vel culmine montis,
Mulcebat saturas carmine pastor oves.

Nulla

Nulla erat ambitio, puduit non tempore tali
Cum nostra immixtos vivere gente Deos.
Tunc Themis errabat silvis, incompta capillos,
Cui latus innocuus pone tegebat Amor;
Nympharumque chorus cum cornigeris Satyris,
Et calamo Panes carmen hiantē dabant.
Quam bene cum certis fundaret legibus orbem,
Providus immensæ conditor ille domus,
Diversis diversa locis bona sparsit; in uno
Nec simul agcessit munera cuncta loco.
Fertilis hæc oleis, sed non ita commoda Baccho,
Frugibus hæc tellus utilis, illa minus.
Qui proprii regionis (13) erunt, circumspice, fructus,
Dives & ex propriis fructibus esse velis.
Plurimus in patriis si bombyx provenit oris,
Multa tuos, cura, morus inumbret agros.
Quod si fossilium venis, & foeta metallis
Terra sit, e latebris erue utrumque suis.
Felix ante alios, cui silva in montibus altis
Tonsilis impexâ surgit ad astra coma.
Nam licet hanc nec aret, nulloque ligone fatiget,
Nec saturet pingui proxima tesqua timo,
Quin magis adversis impulsæ aquilonibus, imbres
Sentiat, & sævi tela trifulca Jovis,
Dum domibus fert illa trabes, malosque carinis,
Lucra quiescenti multa ministrat hero.
Nec tu glandiferos saltus mihi despice; frangunt
Unde sibi læti pabula grata sues.
Nec piceæ desint, nec castaneæ hirsutæ,
Pinus & Arcadio semper amata Deo.
Usibus humanis qua non est aptior ulla,
Usibus apta tuis Palladis arbor erit.

Artibus his, aliisque tibi quæsitæ supellex

Cum jam non unis creverit ampla locis,

Præfice quos (14) fidos probitas spectata ministros

Fecerit, & quorum rumor in urbe bonus.

Hoc opus, hic labor est: qui non sua commoda spectet,

Vix tibi de multis millibus unus erit.

Sæpe procurator nimium sibi multa procurat,

Pluraque quam domino prospicit ipse sibi.

Quid piger hic hæres? tuâ si bona negligis ultro,

Pro te qui curet non sua, rarus erit.

Hi tibi continuo patrio sunt rure movendi;

Quos sua præ domini quærere lucra vides;

Opprime & interdum; tum, quo non tempore credunt,

In tua venturum rura, subinde veni.

Et furtim submitte alios, qui singula narrent;

Sic minus agricolis decipiendus eris.

Sed magis ex usu fuerit, si prædia coram,

Aut rheda, aut celeri vectus adibis equo.

Creber adi campos, pecuaria vise frequenter,

Commoda suscepti multa laboris erunt.

Sic creber (15) quem spectat herus, præsepia visens,

Præ reliquis pingui tergoe turget equus.

Ipsa etiam domini dum passibus arva teruntur,

Nescio quo fiunt fertiliora modo.

Hactenus in terra confedimus; æquore aperto

Nunc juvat audacis pandere vela ratis.

Lucra petituræ (16) portu discedite puppes,

Jam liquidum nautis aura secundat iter.

Omibus properate bonis; tumida æquora placet

Æolus, & vinclis noxia flabra premat.

Nereidumque chorus, Tritonumque hispida pubes,

Æquoream sternant, prævia turba, viam.

Quem

Quem sua terra juvat, cui sunt in amore penates

Ante suum sedeat, tutus ab imbre, focum.

At non Traprobanes speret ditescere gemmis,

Quas niger in viridi colligit Indus aqua.

Aspicias, ut primos remorum concita pulsus,

Sensit ab Argoo remige scissâ Thetis?

Si Minyis patriæ placuissent otia, nullus

Aurea Phryxæ terga tulisset ovis.

Mercibus at puppes sæpe obruit æquor onustas,

Quasque dedit, repetit pontus avarus opes.

Fallit & ipsa fidem tellus; sed aratra colonus

Ducit in infido rursus, ut ante, solo.

At mercaturis (17) rem quærere, vita putatur

Decolor, ingenuo non satis apta viro.

Audio, si tenuis, si viles indiga merces

Trahet, & indecori lucra minuta manu.

Ne tamen infido credas simul omnia ponto,

Aspice, quot laceras monstret arena rates.

Quin, collecta mari quæ lucra paraveris ante,

Accipiat stabili terra paterna sinu.

Utque tibi caveas, (18) diversa negotia solers

Instrue, diversis dives & esto locis.

Quid cunctaris aduc? nautarum in littore pubes

Læta fremit; pelago solve, age, vincla ratis.

Exportare foras nunc, nunc juvat ordine merces,

Queis tua præ reliquis dives abundat humus.

Mox tibi fac redeant peregrina merce refertæ,

Queis tua præ reliquis indiga terra, rates.

Si vendis quod vile domi, recipisque vicissim

Quod carum, parvo tempore dives eris.

Quam bene de nostris hinc copia rebus, & illinc

Pauperies merita est! sed, reor, ista magis.

Paupere-

Pauperies teneris commisit semina fulcis,
Primaque ruricolæ duxit in arva boves.
Pauperies toto commercia distulit orbe,
Ausæ per intactas æquoris ire vias.
Aurum pauperies (19) invexit; primaque nummum
Fecit, ut Ammericâ discere teste potes.
Terra ferax auri, rerum tamen indiga, vitæ
Quas sibi communis postulat usus, erat.
Non ibi maturis flavescens campus aristis,
Nulla Thyonæ munera vitis erant.
Consultitur Tellus; numen Telluris ubique
Sanctum est; hæc adytis talia verba refert.
In mea continuo convertite viscera dextras,
Ossaque subjectis urite nostra focis.
Omnibus in terris mox hæc dispergite, vita
Sic dabitur vobis commodiore frui.
Jussa Deæ primum non mitia visa; parentis
Nempe quis effodiat, spargat & ossa suæ?
Cum sacer his vates nutantia pectora firmat,
Et stulta populos Relligione levat.
Et dubitatis adhuc magnæ parere parenti,
Tunc quoque cum nostris usibus apta monet?
Viscera sunt terræ, quæ montibus antra teguntur,
Ossa reor, solidi quod magis intus inest.
Scilicet ut montes terebremus, quidquid & intus
Durius est, passim spargere Diva jubet.
Talibus impulsæ dictis, vallosque, fudesque,
Armaque rumpendis montibus apta parant.
Vix sacræ patuere specus; lux prodidit aurum
Prima, sed hæc multâ nubila labe fuit.
Tum magis, atque magis novus increbrescere splendor,
Sensit ubi admotos lucida massa focos.

Tunc

Tunc majore animum percussus numine vates,
Tales fatidico protulit ore sonos.
Gratulor, Ammerice, non tu deserta jacebis,
Omnibus & vitæ pauper, ut ante, bonis.
Quot video ferri nostra hæc ad littora gentes,
Quam varios cultus, quæ procul ora lego!
Classibus Oceanus vix sufficit; Anglia merces,
Itala & huc mittet, gens & Ibera suas.
Publica causa viæ populis erit omnibus, aurum;
Hac tu quam multos dote superba trahes!
Tuque metallorum princeps, & grande Deorum
Munus, regali jam cape sceptrâ manu.
Ex te quam melius constanda pecunia posthac
In toto dominum proferet orbe caput!
Per te tuta fides, per te commercia stabunt,
Tu commutandis regula rebus eris.
Est tibi materies, quæ nullos temporis ictus
Sentiat, est pretio conciliatus honor.
Rarum eris in terris, neque enim nasceris ubique,
Tu minima loculos mole gravare potes.
Dumque tuo Princeps mox scintillabit in orbe,
Mensuram, & pretium, Principe dante, feres.
Mox, ut Diva monet, quæ lucida protulit ossa,
Non interposita spargite ubique mora.
Nulla quies auro; gentes mittatur in omnes,
Naviget, & fluvii more perennis eat.
Omnes humanæ vitæ vertatur in usus,
Pacta liget, pactis adstipuletur, emat.
Pondus iners contra, nullisque erit usibus aptum;
Arca quod inclusum servat avara domi:
Inque suum dominum tacite pugnabit, & illi
In caput intentus semper ut ensis erit.

Plura nec effatus, documentum grãde reliquit,
Quæ vis auro insit, qui modus, unde genus.
Falleris, inclusum centum qui clavibus aurum,
Arcâ, ne fugiat, corde micante premis.
Exeat e loculis quæsitâ pecunia, rursus
Pluribus ut redeat quæstibus aucta domum.
Non ego nunc (20) omnes auri tibi persequar usus,
Paucos e multis, præcipuosque legam.
Indiget hic numinis; justo cum fœnore nummos,
Ut sortis caveas damna futura, dato.
Sunt loca, ubi crescit collecta pecunia montis
Instar, & hinc montes Itala lingua vocat;
Si tua vis crescant, furesque evadere possint,
Huc celeri confer sedulus æra manu.
Versuræ genus est, per quam mutatur, & errat
Solvendus certa numinus ubique fide;
Non mihi, divitias censu de paupere ad amplas
Hac qui venerunt arte, referre vacat.
Quod si bella tumert circum, titubetque forensis,
Omnia Bellonâ diripiente, fides,
Tolle moras omnes; primo subducito mensam
Tempore, ne tristes mensa det ista dapes.
Sunt (21) quoq; tuta minus, nonnulla; sed æris acervos,
Si modo successu non caruere, ferunt.
Publica cum quisquam positam licitatur ad hastam,
Et jus, quo solus vendere possit, habet.
Hæc odiosa tamen, dirisque obnoxia vulgi.
Si sapias, alio retia pande mari.
Sunt fora, sunt portus, sunt apti quæstibus amnes,
Et quæ squammigero pisce natantur aquæ.
At male sit vobis, quos nil, nisi grandia lucra,
Damna per alterius sæpe petenda, juvant.

Parva

Parva licet fuerint, si sint modo plurima, sensim
Quæstibus e parvis grandis acervus erit.
Dum thyma lumina legit, nec flore moratur in uno,
Multos melle favos sedula complet apis.
Horrea distendit granis formica minutis,
Pondere dum gracili sæpe gravata redit.
Disce etiam coëat, redeuntibus ordine ludis.
Qua mercatorum cætus in urbe frequens:
Hic tua vende prius (22) semper, mox ære redacto,
Quæ placeant, facili conditione para.
Et facies, lucro si dum satiarus avarus
Institor, extremo tempore serus emas.
Scribe frequens, stipulare frequens; nunc accipe numos,
Nunc dato, & in tabulas cautus utrumque refer.
Crebro appellandi, (23) qui debent ærâ, sodales,
Nomina ne fiant deteriora morâ.
Discite & ingenuas, (24) lucrum qui quæritis, artes,
Æra dabit vobis Pallas, & æra Themis.
At cave quæsieris, tibi si ditescere mens est,
Inter Apollineos nomen habere choros,
Ut circumfusâ multum laudare coronâ,
Invenies vacuas pauper, ut ante, manus.
Juverit ad Coæ divertere dogmata chartæ,
Hæc pariter Clario subdita cura Deo est.
Commoda dum vitæ nova profert, sordida quamvis
Pulvere, quod numeret, docta mathesis habet.
Utilis est multis torrentis copia linguæ;
Hanc cole; divitias lingua diserta dabit.
Effuge sed viles artes, quibus una voluptas
Quæritur, & nullum mentis acumen inest.
Dat quoque quæstas naturæ arcana latentis
Cognitio, & studium nobile mentis; opes.

Astra, polumque Thales complexus mente, videri
Vix sanus poterat, compos & esse sui:
Quid facis? inclamant, & te male perdis? amici,
Qui modus? o vitæ parce, vir ample, tuæ.
Quid tibi cum signis cursum moderantibus anni?
Quid cœlo affixus nocte, dieque sedes?
Pauper es, & tecum conjux pauperrima vivit,
Pauperies natos summa, domumque premit.
At non Gnosfiacæ signum cœleste Coronæ,
Quo sustentaris tuque, domusque, dabit.
Impendere oleis steriles sine fructibus annos,
Ex vitio cœli viderat ante Thales,
Viliter hinc oleum captato tempore prudens,
Copia cum liquidæ Palladis esset, emit,
Mox iusto vendens, cum summa urgeret egestas,
Terraque Palladiis fructibus orba foret,
Ad magnas pervenit opes; mirantur amici,
Cur subito factus dives, & unde, rogant;
Ille docet causam; simul hinc quoque discite, dixit,
Quam nihil infidæ munera sortis amem:
Hæc bona fluxa; suis Sapientia præstat alumnis.
Quæ bona, non ullâ sunt peritura die.
Nec quia sunt plures, (25) thalami tibi pignora, nati,
Pauperiem rebus fac vereare tuis.
Prædia tot mihi crede, thori quot pignora, natos,
Hi modo si certa lege colantur, habes.
Munia fac tantum vitæ diversa sequantur,
Nil tamen invitis præcipe, dure pater.
Qui prudens, qui dexter erit, legandus ad aulam,
Sæpe est cultori fertilis aula suo.
Verborum parcus, durique laboris amator,
Aptus, qui ruri prædia curet, erit.

Semper

Semper in his unus tibi sit qui litiget, & qui
Verbosi tractet garrulus arma fori.
Hæc dixisse fatis; (26) nummis qui plura parandis
Nosse cupit, Jani consulat ille forum.
Sed tamen erravi; mea dicta retexere cogor,
Restat adhuc monitis clausula summa meis.
En ego qui fœnus (27) damnavi, fœnoris auctor
Sum tibi; diversam cogor inire viam.
Fœnore, si sapitis, Superos obstringite vestro;
Fœnoris hoc damnat non Deus ipse genus.
Pauper erit, qui voce stipem te supplice poscet,
Porridge, quam poscet supplice voce, stipem.
In cursu ratis est, percat ne forte, timebis;
Ne pereat, dives supplicet arca Deo.
Cætera sunt fortis, casuque rotantur iniquo,
Nil stabile est, fixum nil solet esse diu.
Sæpe Ceres avidi mentitur vota coloni,
Sæpe tibi fallit vinea, sæpe pecus.
Non malus (28) ex fundo veniet tibi nuncius isto,
Hic domini nunquam vota fefellit ager.
Cedant Gangaridum felicia messibus arva,
Cedat & auriferi dives arena Tagi.
Non his divitiis ceteret Pactolus, & Hermus,
Quæque in Erythræa concha superbit aqua.
Palmiferam qua parte rigat Jordanis Idumem,
Nomen Elisæi nobile vatis erat.
Si jubet, arva Ceres immensis frugibus implet,
Uvaeque purpureo turget opima mero.
Si jubet, atra fames squalentibus incubat arvis,
Nec seges in campo, nec viret uva jugo.
Flumina vult scindi? vestigia sicca per undas,
Jordanæ in partes dissiliente, premit,

Salsa lacunosis exudat fontibus unda,

Cedit ab immundis pulsus amaror aquis.

Cum tantus tamen ille foret, se scilicet unum

Spernit, & in cultu paupere vivit inops.

Hispida palla tegit; tortoque cucurbita collo

Fluminis in potum prona ministrat aquam.

Sæpe famem cruciat colochyutide paltus amara,

Sæpe thorum festo cespes, & herba dabat.

Una tamen terrâ dives Sunamitis in illa,

In sua quæ vatem tecta vocaret, erat.

Sella, brevisque thorus, tum fagina mensa, supellex

Pauperis hospitii parva, sed apta fuit,

Ampla tamen meritis merces est reddita; vatis

Protinus optatam femina sensit opem.

Filius occiderat florentibus unicus annis,

Cum natum mater rursus adepta suum est.

Altera munificum sensit quoque femina vatem,

Commoda quod vati, comis & ante fuit.

Protinus officii pretium decurrere iussit,

Quod caperent oleum vascula nulla satis.

O stipis exiguæ vis præsentissima! felix

Cui dives magnum fœnerat arca Deum!

Hactenus (29) unde pares, dixi, nunc accipe, partas

Unde tibi serves, candide Lector, opes.

Utile consilium, lucro desistere tandem,

Nec cupidas quæstus semper habere manus.

Quis furor est dubiæ semper confidere sorti,

Quæ stabilem nulli servat amica fidem?

Transvolat huc, illuc, dedignaturque teneri;

Hei mihi! quam volucris nititur illa rotâ!

sic, quia, qui vicit, vult semper vincere lusor,

It quas vicit opes perdit, itemque suas.

Sic,

Sic, quia se infido non vult subducere ponto,
Perditur in mediis plurima navis aquis.
Utere jam (30) parto; certusque sit usus in illo;
Præteritus labor est, nunc juvat una quies.
Rusticus ante focum paganæ fercula mensæ
Explicat, exhausto grata labore magis.
Et venator apro, quem caput montibus altis,
Vescitur, & fido porrigit exta cani.
Quid juvat immensum proteudere vota per ævum,
Nestoreos animo præcipiente dies?
Quid, si dum nova mente struis, majoraque, jam mors
In te fatiferum sæva terendit ebur?
Non tamen hinc jubeo momento perdere, longâ
Quæ tibi sollicito parata fuere die.
Guttatim quærentur opes, mox fluminis instar
Præcipiti lapsu, vix patet arca, fluunt.
Ut semel abscessere, voces, revocesque licebit,
Non domini repetant rursus, ut ante, manus.
In primis, ut parvus (31) opes, frugique ministres,
Natorum ante oculos dulcis oberret amor.
Ut bene sit, fato postquam concesseris, illis,
Hæreat hæc animo provida cura tuo.
Hinc aliquis manesque (32) patris, cineremque sepulti
Devovet, & frendens talia dicta jactat:
Hic ager, illa domus, faciliq; in colle recumbens
Vinea, dum licuit, census avitus, erant.
Scilicet hæc olim, legum contemptor, & æqui,
De solido dempsit prodigus aile pater.
Adde quod ad varios servanda pecunia casus,
Quos nec opinanti vitæque, forsque parant.
Et jam sæva lues pecudes interficit, & jam
Sirijs undantes messibus urit agros.

Nunc tibi quæ dives peregrinâ merce redibat,

Mergitur in mediis fracta carina vadis.

Nunc tibi... sed stultus, qui per mala singula vitæ,

Quæ patet innumeris casibus, ire velim.

Quam minus adversæ ferient te spicula sortis,

Si tua congesto fulta sit ære domus!

Litibus abstineas: (33) cito qui vult pauper abire,

Litiget; hæc brevior, si cupis ire, via est.

Quot sibi scriba loquax, quot vindicat æra patronus,

Et procurator Mutius Auricula!

Frange voluntates; (34) quidquid super effluit, arce;

Auribus, atque oculis multa neganda tuis.

Quid tibi semivirum Cybeleïa turba per ædes

Cursitat? & minis semper adesse cupis?

O quam dulcè suis resonat tinnitibus aurum,

Quam liquidum fundit plena crumena melos!

Non huic Diræi certent modulamina vatis,

Plectra nec Orphæâ sollicitata manu.

Quas dare pauperibus, quas natis parcere præstat,

Scilicet has vilis cantor habebit opes?

Luditis o, prisca quos docta toreumata cæli,

Parrhasique juvant, Protogenisque manus.

Scilicet ut tabulam pretio quo vinea duci

Possit, dum sumptus stringere quæris, emas?

Qui pro te spondet, qui mutua tempore solvit,

Hic tibi Protogenes, hic tibi Mentor erit.

Quid, si præcipiam, ne, quæ patrimonia perdit.

Detineat cupidus alea vafra manus?

Ut rem non perdas, certe pretiosius auro

Prodigis in nugas tempus inane leves.

Præceptis instructa meis de paupere censu

Facta satis fuerat dives, & ampla domus.

Luxus

Luxus ut invasit, simul huc invasit egestas,
Ille præit, tacitis passibus ista subit.
Servorum numerosa manus, convivia, currus,
Purpura, & argenti splendor ubique nitens,
Quæ non evertunt patrimonia, quamlibet illa
Divitias æquent, Cræse beate, tuas?
Quid tibi (35) cū platanis, quid cū Daphnitide sylva,
Secta quid in longas buxus opaca vias?
Pompam alii sterilem, frondesque sequantur inanes;
Grandia tu plenâ collige poma manu.
Malo suburbanas, quibus aditus hortulus, ædes,
Et bene præculi jugera pauca soli.
Huc bis secedens autumnus, & vere per annum,
Sumptibus urbanis abstinuisti potes.
O valeant volucres, quas dives Jonia pascit,
Tuque peregrinis capta lagois aquis,
Vinaque tentatura pedes, diffusaque prælis,
Sive Falerne tuis, sive Calene tuis.
Cœnula divitiis insterni ruris inemptis
Hic poterit, rivum propter euntis aquæ.
Villicus abducet vicina e turre palumbes,
Sufficiet pingues Villica chortis aves.
Ipsa tibi ramis curvata virentibus arbor,
Offeret ancipiti poma legenda manu.
Mellaque non deerunt, mensis servata secundis,
Atque virens semper suggeret hortus olus.
Hæ sapiunt cœnæ, stomachus quas ferre libenter
Possit, nec crudus damnet in ore color.
Hic quædam genio, quædam quoque tempora rebus
Ipse tuis, strepera liber ab urbe dato.
Commentare (36) frequens, num quid distendere censû
Possit, & impensis unde levanda domus.

Consule,

Consule, pro rebus num præstet tradere nummos,
An res pro nummis tradere forte juret.
Annua num reditus vincant dispendia: vincunt?
Efficere plus redeat, quam tibi cedat opum.
Adiut. & pauci, non magna mole, libelli,
Qui certi tibi sint ad nova lucra duces.
Sedulus hic veterum proverbialia disce Sophorum,
Salsaque parcorum collige dicta senum.
Multa suburbanum (37) rus affert commoda; felix,
Cui rus non patria distat ab urbe procul!
Tadia te subeunt urbis, secedis apricum
Rus, odium ruris cum subit, ecce redis.
Non tamen hoc liceat, patrio si rure morandum,
Quod minor urbanis sumptibus arca domi est.
Hic ventosus eques, postquam profudit in urbe,
Quas sibi præstiterat census avitus opes,
Jam loquitur sylvas, fastidia fingit & urbis,
Saturni & laudat secula prisca senis.
Ille, quod abrumpunt somnos, currusque, rotæque,
Clamoresque urbis compita, rura petit.
Tollite vana procul mendacia, luxus ab urbe
Vos abigit, luxus jussit abire procul.
Tunc quoque decedens cum rure, redibis in urbem,
Accipe, consilium quod sit in urbe meum.
Splendida nolo frequens in eas convivia, quamvis,
Qui tibi condicant, unus, & alter erit.
Quid, si lauta foris sumis dum fercula, frugi
Posthac desipiat mensa parata domi?
Nec loca transieris peregrinâ merce referta,
Vendit ubi nugas ars operosa suas.
Te licet invito, novitatis imagine captam
In loculos furtim senseris ire manum.

Non

Non hæc magna quidem dispendia; parva fatemur,

Parva tamen, numero progrediente, nocent.

Denique (38) te recto, cave, tramite transvehat usus;

Accessit nostris hæc quoque summa malis.

Nempe peregrinis nimium dum moribus hæres,

Immemor antiqui nominis Italia,

Ecce catenato gestas servilia collo

Vincula, proh! famulæ more resecta comam.

Nam quot Hyperboreis vestes mittuntur ab oris,

Quam varios cultus Parrhæsis urbs docet!

Avolat interea nostris a finibus aurum,

Res proavum & longo parta labore perit.

Summa mali minor ista tamen: gens æmula partas

In caput heu! nostrum vertit, & armat opes.

Hinc & centena diverberat arbore fluctus,

Et quatit armatis classibus Oceanum.

Nunc pacem, nunc arma probat, velut unica rerum

Arbitra: nos Itali nominis umbra sumus.

Sed me quo tandem sacer abstulit impetus! Ohe,

In gyrum redeas, devia Musa, tuum.

Non ego, si patriam multa intulit usus in urbem,

Unum te contra brachia ferre volo.

Nec minus, ut veterum vestes indutus avorum,

Fabula sis pueris, virginibusque jocus.

Sed, qua parte potes, deserte pudenter ab usu;

Corrige peccantem, qua quoque parte potes.

Stantibus incedunt alii si vestibus auro,

Sat fuerit, si te vestis honesta tegat.

His domus ornatur regali splendida luxu,

Non luxu dives sit tibi, culta tamen.

Sed quid. (39) parta foris dominum juvat ampla supellex,

Si minus hanc servet sedula cura domi.

Tum,

Tum, cum lauta domus, cum vir quoq; dives in illa est,
 Prodiga quam multas dissipat uxor opes!
 Nutibus hanc moderare tuis; tum plura volenti,
 Sæpe neges etiam, si qua daturus eras.
 Nec tam lucra illi, toto quæ feceris anno,
 Quam quot pertuleris, quantaque damna, refer.
 Vineæ cum latis jam jam pubesceret uvis,
 Icta procellosæ grandinis imbre fuit.
 Illa domus cecidit, male fulta est altera: nequam,
 Qui mihi debebat multa, colonus abit.
 Quosque aliis debes, semper profitebere nummos,
 At quorum fueris creditor ipse, tace.
 Nec grave sit natos, primæ post fercula mensæ,
 Interdum dictis admonuisse tuos.
 Non mihi, quæ vobis sternuntur prandia, struxit,
 Cum meus exiguo viveret ære pater.
 Atra Ceres olim, lapidosaque fursure denso,
 Quæ nunc selecto est polline tota, fuit.
 Vina bibi quoties vili deprompta dyota;
 Vos bibitis, misit lene quod Alba merum.
 Tempore tum capto, quæ longus suggerit usus,
 Præcipe, remque tuam dissimulanter age.
 Sæpe tamen vitio (40) natorum parta supellex,
 Parcus & aggressit quod pater ante, perit.
 Divitias non ferre licet post funera tecum,
 Esto; sed has moriens rite locare potes.
 Scribere sæpe voles; sed territus omine mortis
 Desistes; captum dextera rumpet opus.
 Cras melius fiet; nondum mea tempora canis
 Splendent; nunc valido in corpore robur inest.
 Hæc alii dixere prius; mors risit, & auris
 Credula vota nimis dilaceranda dedit.

Intesta-

Intestatus abis; quot post tua funera lites
Insurgent, avido pabula grata foro!
Annorumque labor, cumulataque tempore longo
Diffluet in dominos res abitura novos.
Omnia diripient famuli; qui funus, amicus
Nullus in atrata veste sequatur, erit.
Uxor & indignans, cur nullum pignus amoris,
Dure vir, uxori linquis, amate diu?
Ergo age, scribe celer; ne mens hic fluctuet anceps;
Accipe, quo tibi res sit peragenda modo.
Pars sua Cœlicolis detur, sua detur egenis,
Detur & inferiis, funeribusque sua.
Mox, ut charus erit, vel sanguinis ordine junctus,
Per certos tabulis inferere quemque gradus.
Immemor uxoris, cave sis; tum pignore certo
Fac desiderium leniat illa viri.
Sunt quoque, quæ leges munuscula gratus amicis,
Ut memores habeas tempus in omne tui.
Extrema famuli tabularum in parte residant,
Qui dominum officiis demerere diu.
Hæredisque loco quem primum scribere debes;
Ne patrias grandi fœnore perdat opes,
Corrige dum tempus, monitisque salubribus urge:
Proficies monitis si nihil, adde metum.
Denique si peritet, cum, quæ lex præcipit, illi
Tradideris, partis te patre pelle bonis.
Hæc quoque si trades, vinclis onerabis, & illis
Ni stet, in alterius scribe caduca caput.
Principis, & legum numen testare verendum;
Hei mihi! sic etiam non bene tutus eris.
Nunc mihi vobiscum (41) res est, gens subdola, servi,
Vos eritis curæ meta suprema mex.

Pessima

Pessima gens, dominis male fida, domesticus hostis,

Ad facinus, famuli, quodlibet apta manus.

Quot tibi perjuros offert comœdia servos!

Cum mores hominum scena magistra refert.

Expugnare velit si duri filius arcam

Patris, in hoc servum, qui sibi præsist, habet.

Si turbis miscenda domus, sese ingerit audax

Servulus, & turbas doctus in arte serit.

Quid loquor ancillas, quarum est petulantia princeps

Dos, & inexpleta garrulitate valent?

Ah! male tunc, commissa viro cum litigat uxor,

Telaque ab ancilla clam jacienda petit,

Pervolat illa domum; portat, recipitque tabellas;

Mordet &, uxoris freta favore, virum.

Sunt tamen & frugi, fidissima pectora, servi,

Suntque malos inter, commoda turba, boni.

Utêre delectu; (42) mores spectabis, & annos,

Muneribusque manus sit quibus apta magis.

Nolo, senex nimium tremula tibi fronte ministret,

Nolo, nimis compto serviat ore puer.

Effuge, vinosos; post ebriâ vina licenter

Haustra, suum famulus vix bene nescit herum.

Nec tibi, qui vasto confidunt corpore, malis,

Aut quorum attrito nullus in ore pudor.

Elige, quos matura viros jam fecerit ætas,

Et quibus ad vires corporis usus adest.

Elige moratos, proba sit quibus uxor, honeste

Totaque gens vivat, si quibus uxor adest.

Elige veraces; tamen hoc cui contrigit unquam?

Elige mendaces, quam potes, ergo minus.

Non ego dissidiis jubeo committere servos;

Dispereant, si quos jurgia rauca juvant.

Vidi

Vidi ego, nec vidit; loculos scrutatus heriles,
Nescio quid tacito condidit ille sinu.
Vidi ego, nec vidit; domini malus abstulit ensen
Alter, in arcano deposuitque loco.
Dædalus ingenio (43) celeberrimus, extudit olim
Arma, vel ad nutus obsequiosa suos:
Diceret hic scalpro, marmor mihi cædito; scalpri,
Sicut erat iustus, munus obibat apex.
Diceret hic ferræ, mihi fagina mensa secetur;
Serraque præscriptum conficiebat opus.
Quid juvat instructis nos uti mente ministris,
Ad sua si torpet munia lenta manus?
Dixeris huic, speculum, puer o, mihi protinus affer,
Pro speculo, matulam porriget ille tibi.
Dixeris huic, Bacchi, puer o, mihi protinus affer
Pocula, pro Bacchi, pocula præbet aquæ.
Quos tamen haud segnes ex agmine legeris omni,
In sua pro (44) merito munera quemque voca.
Hic erit a cyathis, præsit conclavibus alter,
Ille sui fidus nuncia portet heri.
Alter emat quodcunque suos domus optat ad usus,
Huic jus in cryptas esto, brevemque penum.
Non tot huini vites, cum decidit horrida grando,
Aut Borea frondes decutiente cadunt,
Quot cyathos, lances, mappas, cochlearia perdit,
Cum fatuo famulus servit ineptus hero!
Hæc si damna cupis prævertere, pervigil insta,
Quisque ministerii servet ut arma sui.
Frugerit? abstineat vino; dimensaque iniquâ
Fercula plus solito conditione ferat.
Hoc melius, loris quam cedere terga cruentis,
Jacturam aut parvo cogere ut ære luant.


Si nil

Si nil proficies, famulum dimittere præstat:
Non facis ad nostram vir sine mente domum.
Si sit magna (45) domus, custos quoque janitor adsit,
Ne rerum lateat quidquid agatur, herum.
Utile in hoc vitium, si sit pinguedine tardus,
Ne foribus possit longius ire suis.
Hic tibi fac referat, num quid clam mittat amicæ
Filius, & sero ventitet unde domum:
Num peregrina ferens uxori ancilla tabellas,
Occulat in tacito munera certa sinu:
Nocte quid exportent famuli, dum penula totos
Impedit, & manibus tecta canistra gerunt.
Felix, pro foribus cui fidus janitor adstat!
Hic domino magnas servat, & auget opes.
Nunc mihi (46) quæ placeat, dicatur & utilis ædes,
Ne nostra quidquam desit in arte, canam.
Non bona continuo domus est, quæ pulchra, cohærent
Ista minus; contra, quæ bona, pulchra domus,
Non sit laxa minus, quam postulet usus, in illa
Carcere detentus ne videatur herus.
Non sit laxa magis, quam postulat usus, in illa
Ne nusquam, vel vix inveniatur herus.
Secta bipartito se se conclavia pandant,
Pluribus apta viris, pluribus apta thoris.
In loca secedant maribus distincta puellæ,
Pars sua detur hero, pars sua detur heræ.
Libera civiles conclavia semper in usus,
In promptu tibi sint, hospitibusque vacent.
Ne sit ad ancillas famulis accessus, in ima
Hos loca detrusos, quam potes, abde procul.
Sit quoque sana (47) domus, pateatq; salubribus auris,
Clausa sit ut medicis tristibus illa magis.

Illa

Illa placet, gelidam quæ partim vergit ad Arcton,
 Ut minus æstivi sentiat astra canis;
 Et partim hyberno cum torpet frigore tellus,
 Solis ab adversis tota caleseat equis.
 Nolo sit ulla penus, nisi si domus ampla requirit,
 Pluribus instructam rebus habere penum.
 Si sit parva domus, gula ne præsentibus escis
 Instet edax semper, nolo sit ulla penus.
 Exterior ne forte domus tibi janua fures
 Admittat, geminis clavibus obde fores.
 Serus eas cubitum, tum, cum jam tota quiescit;
 Tranquillâ somni capta quiete domus.
 Mox prior evigilans te mollibus eripe stratis;
 Surgat ut exemplo cætera turba tuo.
 Hæc si præstiteris, fies de paupere dives,
 Et bene res olim parta, perennis erit.
 Dicta domus satis est; Urbique adjecimus Aulam;
 Musa triplex tandem nostra peregit opus.

F I N I S.



ADNOTATIONES

IN TRES SUPERIORES LIBROS
VITÆ OECONOMICÆ.



IN LIBRUM PRIMUM.

1 **D**omus quid sit, ex Aristotele, quem maxime ducem sequor in toto hoc opere, facile conjicitur. Est, inquam, illa, plurium societas, non tam lege, quam naturā instituta, convictus quotidiani causa. Cum enim procreatis liberis, ut eos alerent, atque instituerent, naturali quadam charitate homines adigerentur (id quod incommodius haberi potuisset, si nullius certi loci ambitu continerentur) domicilia sunt inventa, in quibus quotidie administrarentur ea, quæ opus essent ad vitam; quæ quidem primum natura inchoavit, ars deinde perfecit. Recte proinde, qui ejusdem domus essent, ad eundem focum degentes, Charondas; ex eadem vero pecunia victitantes, Cretensis Epimenides esse dixerunt. Polit. 1. c. 1.

Huic Aristotelis doctrinæ subnecti potest Tullius 1. de Offic. nam cum sit hoc natura commune omnium animantium, ut habeant libidinem procreandi, prima societas est in ipso conjugio; proxima in liberis; deinde una domus, cui sunt omnia communia: id autem est principium urbis, & seminarium civitatis.

Vide Aristotelis Interpretes, quos hic sum sequutus; sic tamen, ut eorum sententias, non etiam verba excerpserim; in Ethicis, Bernardum Felicianum; in Politicis,

- 1 *Leonardum Aretinum; in Oeconomicis, partim hunc, partim Bernardinum Donatum Veronensem; sed precipue primum. Hac in ipso operis vestibulo praefari volui, Lector humanissimae, nè tibi tenebrae essent inter legendum.*
- 2 *Patris imperium in filios regum magis est, quam alterius generis. In aliis enim Reipublicae formis, alternatim parent, & imperant; functi enim imperio magistratus insignia deponunt: at vero in familia Pater & solus, & semper imperat, quod regale magis est, quam politicum: praeterea, quae regiae sunt notae, tam Pater, quam Rex aliorum bono imperant, non suo, hic civium, alter filiorum. Rex dignitate praestat, ceterisque regiis virtutibus; iis, qui sibi subduntur in regno; Pater aetate, prudentia, ipsoque affectionis jure filiis antecellit. Uxor vero non tam regie gubernatur a viro suo, quam civiliter. Pol. 1. c. 8.*
- 3 *Regimen familiae difficilius aliquando, quam regni; & cur? Certe, ut alios omittam, Octavianus Augustus, non tam bello, quam pace praestantior, orbe terrarum pacato, non satis pacata in familia vixit.*
- 4 *Placuit in hoc imitari Dantem Aligherium, qui Aristotelem appellat, maestro di color, che fanno.*
- 5 *Triplici tum rerum, tum personarum conjugatione tota constat familia. Prima est Maris & Feminae. Secunda Patris & filiorum. Tertia Domini & possessionis: in qua servi numerantur: caput enim rerum utilium olim servus habebatur. (Oecon. 1. c. 5.) De quarum prima conjugatione agitur in primo libro, ubi de Conjugio: de secunda in 2. ubi de filiorum institutione: de tertia in 3. ubi de parandis, conservandisque divitiis; deque herili, non tam in servos, qui apud nos nusquam ferè sunt, quam eos, qui loco servorum famulantur imperio, quaedam praecipiuntur. Pol. 1. c. 3.*

- 6 Uxor eligi debet, quantum fieri potest, optima: (Oecon. 2. c. 2.) Qui delectus quam sit difficilis, primævi hominīs cum primæva uxore conjunctio docet; ex qua tot mala in in hominum genus profluxerunt.
- 7 Conturbatur hic delectus ex multis causis; sed in primis, quod temere fiat, & inconsulto; quod certe non potuit accidere sanctissimo illi Jacob, Isaach Patriarchæ filio, qui post quatuordecim annorum servitutem Racheli nupsit, sibi pridem perspectæ, & cognitæ.
- 8 Quod autem necessarium sit, nedum utile, ut futuro viro desponsæ sibi uxoris mores perspecti sint, vel patet ex eo, (Oecon. 1. c. 3.) quod in conjugio non sola queritur filiorum procreatio, cujus impetu, appetituque etiam feræ ducuntur; sed præterea mutua vitæ auxilia requiruntur bene multa, tum ad domesticam consuetudinem rite, castæque servandam, tum ad prolem sanctissimis legibus educandam. Cujus quidem rei adumbrata quædam similitudo est in animantibus quibusdam, in quibus, quò perfectiora sunt, hujus mutue dilectionis, & consuetudinis quædam vestigia existunt; ac præsertim in cicuribus, ac domesticis, ut sunt columbæ.
- 9 Alter malorum fons est, quod in ducenda uxore, non tam uxor spectari soleat, quam quæ sunt uxoris; dos nimirum, pulchritudo, nobilitas. Pauci ad virtutem, ac vera animi bona respiciunt.
- 10 Sumptu etiam minori, quam leges permittunt, uxor ornetur. (Oecon. 2. c. 1.) Quam igitur ineptiunt illæ, quæ dotem suam secum circumferunt, scenico ubique apparatu prodeuntes! Trapopane, nostris Travancorre, piscatu gemmarum insignis.
- 11 Turpe olim etiam apud Romanos habebatur, colorem nationum proprium mentiri. Id exprobrat sua puella Propertius, cum dicit:

Tur-

Turpis Romano Belgicus ore color.

- 12 *Pulchritudo ubi virtute destituta sit, miras de se fabulas præbet,*

Semper formosis fabula pœna fuit. Prop.

Non tam igitur formæ, quam animi ornatu, studeat uxor viro suo placere. Ille fluxus est, atque evanidus; hic firmior, & ad senectutem usque perdurans. Oecon. 2. c. 1.

- 13 *Incommoda etiam est viro præsertim ignobili, atque obscuro, excellens uxoris nobilitas. Mart.*

Si vis nubere, nube pari;

cui respondet ex altera parte Juvenalis satyra 6.

Malo Venusinam; quam te Cornelia mater

Gracchorum; si cum magnis virtutibus affers

Grande supercilium; & numeras in dote triumphos.

Modesta igitur uxori, & virtute prædita nubendum est.

- 14 *Qua ætate nubendum sit. Si placet in hac etiam re Aristoteli subscribere; vir trigésimum septimum ætatis annum agens, puellæ nubat decimum octavum annum circiter agenti. Hac enim ratione consultum erit, tum filiorum procreationi, qui ex robustis ac firmis parentibus, robusti ac valentes nascentur; cum infirmi plerumque sint, & imbecilles tam seniles, quam juveniles partus; matresque ipsæ non crebrius puellas, quam mares pariturae essent; nec tam sæpe in ipso puerperio moriturae; quod oraculo proditura Træzeniis fuit; si quidem hanc labem studerent avertere, nuptiarum tempestivitate uterentur; tum etiam filiorum institutioni hac eadem ratione provisum erit; qui parentibus orti adolescentioribus, minus illis reverentiæ exhibituri essent, utpote quasi aequalibus. Accedit huc etiam, quod, cum hæreditatem serius se adituros, quam vellent, viderent, minus se in officio contineri paterentur; eaque etiam ætate procreati ipsi a parentibus suis essent,*

ut nec commode ab illis ali possent, nec iis natu grandioribus vicem reddere. (Poi. 7. c. 16.) Quod si respectus habendus sit, tum ad vitæ tempus, quod fortasse nunc brevius est, quam olim fuerit Aristotelis temporibus; tum multo etiam magis ad nostrorum hominum mores, magnam partem fractos, atque effæminatos; dici videtur posse; si nunc matrimonia, ut plurimum inirentur, viro trigessimæ ætatis annum agente, puella decimum octavum, nullam iacturam sequi eorum commodorum, quæ ex seriis aliquanto nuptiis percipi soleant.

- 15 Non satis esse uxorem probam, ac bene moratam fuisse delectam, nisi servetur bona, ac melior in dies efficiatur. Huc spectat illud Hesiodi, puellam virginem, nec alienis moribus imbutam esse ducendam; ut eam quasi novellam ceram, vir suis moribus possit expingere. Morum enim dissimilitudo non valde ad conciliandos animos facit. Oecon. 1. c. 4.
- 16 Statuat uxor non tam suis, quam viri sui moribus sibi esse vivendum; quod non ita absolute intelligendum est, ut etiam turpia imperanti obsequatur. Oecon. 2. c. 1.
- 17 In levioribus uxoris noxis esse connivendum. Non ita; ubi graviora quadam peccantur, & cum insignem familiæ notam, tum domesticæ quieti labem, nisi mature occurratur, allatura. Metus tamen, qui servorum est proprius, absit, ne ab alienato animo sint. Oecon. 2. c. 2.
- 18 Nihil fictum tam in moribus, quam in ornatu corpori: uxor habere debet. Fucus in facie, argumento est, suum ab moribus fucum non abesse. (Oecon. 1. c. 4.) Vide Bernardinum Donatum Veronensem.
- 19 Ne quæquam injussu viri in superiores ædes sinat accedere, ne ansa detur vicinorum rumusculis, qui de mulierum corruptela circumferri solent. Oecon. 2. c. 1.

20 *Masculus natura præstantior, quam femina. Ordo rerum petit, ut excellentioribus naturis, inferiores subiectæ sint, & pareant; & quidquid deterius est, gratia melioris sit. Pol. 1. c. 3.*

21 *Vir foris strenuus, ineptus domi: mulier domi melior, quam foris; alter ad res parandas utilis, segnis ad conferendas. Altera, non tam quærendis rebus apta, quam modice, timideque administrandis. Viro fortitudinem; mulieri imbecillitatem attributam videmus; quo fit, ut alter vagari; altera domi latere sponte possit. Sic, diversis viis, ad domesticam societatem ineundam aptum utrumque fecit natura. Oecon. 1. c. 3.*

22 *Cura domesticarum rerum viro indecora. Domesticis proinde rebus præsit uxor; in cæteris pareat viro suo. Oecon. 2. c. 1.*

23 *Domina sit impensarum ad festos dies exercendos. (ibid.)*

24 *Si vir tamen ita hebeti ingenio sit, ut infra femineam conditionem amandetur; femine contra tanta ingenii vis sit, & præstantia, ut suo sexu longe major esse videatur; tunc, si superior jacta doctrina vera sit, familiæ regimen penes uxorem magis esse debet, quam virum ipsum, ne rei familiaris a stulto viro administrata jactura subeatur.*

Per hanc occasionem, prudentissimarum quarundam feminarum, de quibus perhonorifica mentio fit in sacris Literis, nomina, virtutesque recensentur; ut Judith, Rebecca, Jaelis: nec prætermittenda est hoc loco Michol, cujus astu David ex Saulis insidiis incolumis evasit. Reg. 1. c. 19.

25 *Quædam hic proponuntur, quæ ex Aristotelis præscripto, nefas sit mulierem attingere: ut filias, cui velit, nuptui tradere; nurus quas velit, in domum introducere; & quædam gravioris momenti expedire negotia; quæ quidem in parte, ad deliberandum uxor, non ad imperandum admissa,*

missa, sententia viri ne anteponat suam. Ad summam, contenta sit rerum domesticarum imperio; eorum autem, quæ foris peragenda sunt, non admodum curiosam se præbeat. Quare, quæ a me hoc loci mulieri permittuntur, velim, cum hac exceptione intelligas; si nimirum tanta fatuitas in viro sit, ut res familiaris ab illo commode administrari non possit. Oecon. 2. c. 1.

- 26 Multa esse conjugii commoda, si pax adsit, & concordia. In his primo loco enumeratur certus hæres familia; qui nexus, & copula quædam viva est, quæ ad se amandum arctius devinciri solent parentes; qui, si desit, aut omnino desperetur, minus inter se amant, quasi disrupto amoris vinculo. (Eth. 8. c. 12.) Huc enim tendunt illorum vota, huc aspirant, ut eam perennitatem, quam intendit natura in reliquis rebus per hunc quasi orbem, vicissitudinemque nascendi, illi habeant in sua familia. Oecon. 2. c. 2.

- 27 Nihil non effici posse a duobus, qui se mutuo ament, & Plato, & Aristoteles senserunt. Hinc illud Homeri 10. Iliados, ibant duo simul. In conjugali vero amicitia hoc amplius est, quod usus, & consuetudo, quæ maxime re illa firmatur, ita crebra, ac diuturna est, ut major esse non possit. Accedit præterea, quod, ut placet Aristoteli, (Eth. 8. c. 12.) homo, conjugale magis animal est, quam civile; quod prior, magisque necessaria familia sit, quam civitas; multoque antiquior illi sit appetitus propagandæ domus per liberos, quam usus, & communicatio cum civibus. Quare, nusquam in alio vitæ genere, majora expectanda sunt, præsertim in morbis, & agrotationibus, tum obsequia, tum præsidia. (Oecon. 2. c. 1.) Hæc non eo diximus, quasi nescii simus, virginitatē multis partibus matrimonio præstare; sed quia nunc de hoc agimus, non de illa.

28 *Hac autem bona interire universa, si, quæ presentissimum familiarum venenum sunt, locus pateat querelis, & discordiis; quæ bene præcidi videntur posse, si, quod ex sacris literis monentur, recta mente in Deum vita, mortisque auctorem utrique conjuges sint; in filiisque procreandis non intemperantius belluarum more abutantur; eosque non alio consilio, quam familiam supplendi, Rempublicam augendi, novosque sectatores adjungendi ad Orthodoxam Fidem amplificandam suscipiant; cujus rei contrarium, Asmodæi impurissimi Damonis, Raguelis domum hac, illac versantis, septemque prima nuptiarum nocte Sara viros interficientis, furtive mulctatum legimus fuisse; cujus non ante furia, impetusque resederunt, quam juniori Tobie illuc divinitus appulso puella Sara, sanctissimis prius legibus inter se initis, nuptui tradita est, ac justo matrimonii jure copulata. Tob. c. 7. & 8.*

29 *Abstinentum ab injuriis, cogitandumque sepe, non servam de lapide emptam, in domum esse introductam, sed liberam, thorique sociam futuram, ex qua communes liberi suscipiendi sunt, invalida senectutis pastores, patris, matrisque custodes, totius denique domus servatores. Oecon. 2. c. 2.*

30 *Multo etiam magis abstinentum a verberationibus, fustigationibusque, quæ servorum olim erant propria; quibus cibus, opus, castigatio debebatur. Apud barbaros uxor habebatur pro serva; sed quia vir ipse ob ingenii stoliditatem, nihil differebat a servo, servi erat cum serva conjunctio. (Pol. 1. c. 1.) Mirum est quantum pupugerit illam Theodecti Helenam. (Pol. 1. c. 4.) quod serva sit appellata; cum apud eundem Auctorem sic quæstia sit -- Ex Diis ab utraque stirpe progeneratam quisquam appellabaturam? Nostra certe femelle, nihil habent, per quod*

cum hac tanta Helenæ nobilitate contendant ; quæ si minus a Diis , ex illustri certe genere ortum ducebat . Sed tamen , cum sacri Fontis lavacro sint expiata , eandemque cælestem hereditatem aditura , quam nobiles feminae ; etiamsi e vulgo illa sint , in honore tamen habende sunt apud viros suos , humaniterque tractanda . Recte igitur Aristoteles , huiusmodi , inquit , subitæ animi commotiones , quibus correpti quidam in suas puellas , violentas manus iniiciunt , amasiorum sunt propria , non virorum . (Oecon . 2 . c . 2 .) Pleni sunt poetarum libri huiusmodi nugis . Tib . lib . 2 . El . 5 ,

Ingeret hic potus juvenis maledicta puella ,

Postmodo quæ votis irrita facta velit . Et alibi ;

At lascivus amor rixæ mala verba ministrat ,

Inter & iratum lentus utrumque sedet .

Propertius vero lib . 2 . El . 6 . sic suæ minatur :

Sed non effugies ; mecum moriaris , oportet ,

Hoc eodem telo stillet uterque cruor .

Quamvis ista mihi mors est inhonesta futura ,

Mors inhonesta quidem , tu moriere tamen .

- 31 Duplex amor , alter amicitia , benevolentiaque proprius , alter cupiditatis . Primus , qui in homines tantum cadit , non repentino impetu , quasi vento quodam circumfertur ; sed ex certo mentis delectu proficiscitur ; proindeque virilis ac constans est , officii plenus , ac verecundia . Alter , qui sensu totus ducitur , etiam ferarum proprius est ; itaque inquietus , ac turbulentus est ; puerilique more despiens , servidior multo est , quam constantior . Charitas igitur conjugalitatis virilis esse debet , constans , officii plena , ac verecundia . Duplex est ex Platone Venus , altera cælestis , terrestis altera : ab hac impurus amor generatur , ab illa castus , & innocuus .

- 32 *Amor conjugalis verecundia mixtus, ac pudore temperatus esse debet. Hunc laudat Homerus; in suisque orationibus, ita nobiles feminas inducit loquentes, ut eas appareat amare verecundè, ac cum pudore. Perlege orationem Helenæ ad Priamum, & Nausicaes ad Ulysses, & hæc omnia constare intelliges. Agamemnonis autem oratio in conventu Græcorum habita pro Chryside retinenda, nihil habet ejusmodi; quod ab impotenti, effrenatoque animo profecta esset; in qua contendit, Chrysidem Cliteunestræ anteponendam esse, licet captivam, & barbaram. Oecon. 2. c. 3.*
- 33 *Honorem ac reverentiam non solum inter se vir, & uxor exhibeant; sed etiam cognatis, affinibus, amicis vir uxoris, uxor viri curent deferendam; non secus ac, si sui proprii parentes, fratres, amicieque essent. Oecon. 2. c. 4.*
- 34 *Absentiam virorum suorum aquo animo ferre debent uxores; quæ, si brevis sit, & vel officii, vel necessitatis causa suscepta, ut in amicitia, redintegratur amor magis quam extinguitur; sic viri fastidium, & satietas impeditur; si vero admodum diuturna sit, ne penitus amor hebescat, & paullatim extinguatur, missitandis literis, crebrisque internunciis reficiendus est, atque renovandus. Ut enim consuetudine viget magis, atque augetur amicitia; sic taciturnitate dissolvitur. Eth. 8. c. 5.*
- 35 *Parmeno servulus in Eunuco Terentii, orationem Phædræ, multa minantem amasia sua per hæc verba, sentiet qui vir siem, sic intercipit:*
Hæc verba mehercule una falsa lacrimula,
Quam, oculos terendo misere, vix vi expresserit,
Restinguet: & te ultro accusabit, & ei dabit
Ultro supplicium &c.

- 36 Eorum mos improbatur, qui, quamvis in magistratu positi (Oecon. 2. c. 1.) quadam ad Rempublicam pertinentia uxorum suarum auribus non dubitant committere; quanto cum publicarum rerum incommodo, quis non videt? cum illarum pleraque garrulae sint, ac loquaces; citiusque, ut dicebat Ennius, ardentem calculum ore contineant suo, quam commissum animo secretum ad breve tempus custodiant. Ut in hoc, sic in multis, gravissime Spartanos reprehendit Aristot. (Pol. 2. c. 7.) quorum institutis, etsi feminis in Senatum veniendi jus non erat; hoc parum, aut nihil intererat; cum illae viris suis, qui publici consilii participes essent, domi imperarent. Vetus est illud, mulieri decus affert taciturnitas, secus autem viro. Pol. 1. c. 8.
- 37 Bene Pericles, eam maxime laudandam mulierem esse dicebat, cujus virtutes juxta, ac vitia foris nescirentur. Credo, quod eam domesticis septam parietibus assidue vellet esse, & raro extra limen pedem efferentem.
- 38 Cum desunt opes, quas arrogantiae, & vanitatis nutriculas recte appellavit Euripides, cum calamitatum incursum tota labefactatur familia, morigeram se praebere viro suo, ejus jussibus hilari animo obsequentem, filiorum curam suscipientem, nec alium virum desiderantem, quam suum, magni animi est, consummataque virtutis. Nam prosperitatis participes facile reperiuntur quamplurimi; paucissimi calamitatis. Oecon. 2. c. 1.
- 39 Sanctissimi Jovi uxor, usque eo petulantiae processit, ut viro suo pietatem, tanquam rem nugatoriam auderet exprobrare: contra, ut refert Aristoteles, Alceste, Penelope, Evadne, insignium nunc feminarum sunt nomina, quia insigniter calamitosi viris nupserunt; & vim adversae fortunae aquo animo, impetumque sustinuerunt. Oecon. 2. c. 1.

- 40 Certamen sit quoddam inter patrem, & matrem familias, praesertim in senectute, confectis jam vitae conjugalis spatiis, uter plus boni in familiam contulerit. Filios bene educando, opes servando, totam domum sancte, benigneque administrando; atque in primis concorditer inter se vivendo; unde, qui haec videant, latentur amici; luctum capiant, & aegritudinem inimici; ipsosque maneat premium illud, quod dulcissimum appellat Pindarus, conscientia recte factorum. Oecon. 2. c. 4.
- 41 Mutuae charitatis conjugalis exemplar, ut in profana vetustate, Ulysses censi potest absolutissimum; qui, quam Penelopis suae fidem juraverat, ad extremum usque vitae tempus servavit; spretis etiam praclarissimis Deorum sibi nubere cupientium conditionibus; inter quas Calypsonem Atlantis Regis filiam, immortalitatem sibi pollicentem repudiavit, satius ducens, ut recte vocat Aristoteles, mortalem, sed probum se esse, quam immortalem cum dedecore futurum. Oecon. 2. c. 3.
- 42 Ita animo sint affecti, ut stabilem fidem, & intemeratam societatem non modo servant inter se, sed nec ulla unquam violata fidei occurrat suspicio. Oecon. 2. c. 2.
- 43 Conjugatorum hominum vitam, non suo vitio, sed eorum qui illam exerceant culpa, multis arumnis patere; cujus rei causa utriusque conjugis imprudentia solet esse; ad quam proinde fatuitatem emendandam, particulas ejus salis, in quem uxor Lot fuit conversa, parvis pyxidibus inclusas, uxoribus virisque ostiatim deferendas, musis suis alatum Pegasus ascensuris Auctor attribuit; iisque diserte praecipit, non ante id munus viris, uxoribusque dandum, quam, quae vis hujus salis sit, accurate doceantur, totusque liber primus concluditur.

ADNOTATIONES

IN LIBRUM SECUNDUM

VITÆ OECONOMICÆ.

- 1 **S**ecundus *Oeconomica vitæ* liber agit de filiorum institutione usque ad pubertatem; cujus primum septennium matri; alterum patri assignatur. Hujus rei tractationem libenter sum amplexus, quod nostræ familiæ Parens, ac Fundator S. Ignatius de Loyola hanc provinciam pueros optimis moribus, ac disciplinis imbuendi voluerit apud suos esse præcipuam. Quare optimo jure hic liber præ aliis duobus, Sanctissimo Parenti sacer inscribitur.
- 2 Primæ hujus libri præceptiones ad matres diriguntur. Matris siquidem est, recens natos puerulos enutrire, patris autem munus crudire. (*Oecon* 1. c. 3.) Prima igitur pueri educatio a matre tota pendet; quæ a corpore inchoanda est, ut imitetur naturam, quæ corporis primum rationem habet, deinde appetitus, postremum mentis; quæ, ubi cætera perfecta sunt, tandem adolescit. *Pol.* 1. c. 15.
- 3 Primum hominis nutrimentum est lac. *Pol.* 7. c. 17.
- 4 Sunt, qui filiorum amorem, ac reverentiam imminui putent erga matres illas, quæ a munere suos lactandi pueros se subducant. Certe naturæ ipsi injuriæ sunt; quæ genitis quibusque rebus, congruum statim illis alimentum suppeditat. Sic stirpes, & herbas, quas Terra gignit, alit quoque, & ad debitam maturitatem gradatim perducit. Sic in cæteris animantibus videmus, ut, antequam fœtus cibum sibi parare possit, aut materno lacte nutritur, aut ovorum membranis circumseptus, tantum illinc

illinc exprimit humoris, ut commode ali possit. (Pol. 1. c. 5.) Tantam ne natura solertiam, ut recens natis factibus congruens suppetat annona, nostræ matres eludent?

Magnam certe uberum esse vim, in Veturia Coriolani matre, si qua unquam in alia, deprehensum est; quorum admonitu, quæ non prius supplicis Senatus oratione, non civium Romanorum atrata sibi in veste obviam prodeuntium luctu, ira resederat, extincta est.

Agrippinam contra Neronis jussu legimus interemptam fuisse, fortasse, quod ad ceteras causas (nihil hic præter auditum habeo) non materno lacte fuerat enutritus, sed aliunde accersito, ex pessima nutrice, & vinolenta.

5 Moyſis in profluentem Nilum expositi, ejusque a filia Pharaonis adoptati, sacra meminit Historia. Exod. c. 2.

6 Cum tamen multa incidere possint tempora; in quibus opus sit nutricibus; optima primo loco legenda sunt; quæque matribus ab Aristotele ibi præcipiuntur, illis accommodari possunt. Ne distortis membris pueri nascantur, curent; id quod apta membrorum colligatione, idest nec nimium pressa, nec nimium soluta, consequentur. Pueriles morbos sanent; ne sint ebrietati deditæ; ne pigrescant; ne subtili nimis alimonia utantur; denique tranquillitati animi studeant, ne turbatum lac ex turbato corpore, quod animi vi cietur, profluat. Unaquæque enim res, ab eo, in quo continetur, diversimode affici solet. Pol. 7. c. 16. & alibi.

7 Qualem placeat esse puerorum educationem, quæ profecto, nec severa nimis esse debet, nec mollis, ac luxu diffluens. Habuerint sibi proinde Spartiatarum matres effectatam illam pueros vix natos in Eurotam amnem immergendi consuetudinem, aut panem ex arbore pendentem illis monstrandi, ut jaculo ferirent, si saperet; aut itaris in bellum,

bellum, cum clypeum sinistro brachio infererent, admonendi in hæc verba, nate, aut in hoc, aut cum hoc. Quorum tamen licet tam severis institutis administraretur Respublica, brevi duravit. Cujus rei causam hanc docet fuisse Aristoteles (Pol. 7. c. 14.) quod in propagando magis armis imperio, quam in pace optimis legibus firmanda, toti essent. Falli vero eos latissime, qui putent, truculentiam morum, indolemque agrestem, ac duram, magis in bello valere, quam commodum ingenium, præclarisque pacis artibus perpolitum. Neque enim, latrunculorum more pugnandum est; quorum ubi primus resedit impetus, terga vertunt; sed leo potius imitandus, quem ferarum pugnacissimum, eundemque mansuetissimum ajunt esse, quique non sua sponte pugnet, sed laccëssitus. Spartanorum vero, si quæ fuerunt olim victoriæ, non tam eorum institutis referendæ sunt, quam temporibus; cum aliæ gentes per id tempus totæ in ordinanda pace occupatæ essent, bellumque negligerent: itaque fiebat, ut exercitati contra inexercitados, usu armorum periti contra imperitos pugnarent. (Pol. 8. c. 4.) Testis est Græcia, quæ simul atque ad artes pacis bellicas adjunxit, latissimum tenuit imperium; Spartanorumque opes funditus conciderunt.

- 8 Illud igitur provideant matres, ut puerorum corpuscula, ad pacis artes potius, quam bellicas accommodentur: hæc enim aliquando, illæ semper profuturæ sunt Civitati; cuius finis est otium & pax, non bellum & tumultus. Tum vero, quia longe difficilius est, & plurimum virtutum opus bonum civem informare, quam militem; cum virtutes ipsæ bellicæ, ex ipso laborioso vitæ genere, quod belli proprium est, occurrant quodammodo, ac se offerant; bellumque ipsum, ut placet Aristoteli, cogat homines esse justos, ac temperatos per se; cum contra pax, quo tutior, eo dis-

- solutior sit. Itaque tam belli, quam pacis tempore Iustitia, ac Temperantia necessariae sunt civitati; sed ad hac, pacis tempore, otii fruendi causa, Philosophia studiis civis vacare debent, ceterisque disciplinis, quae toga sociæ sunt, atque administræ. Pol. 7. c. 14. & 5.*
- 9 *Breves excursiunculas pueris permittendas, ne segnescant. Frigori præsertim assuescant. Vestibus nec admodum longis, nec crasso villo contextis utantur. Pol. 7. c. 17. & alibi.*
- 10 *Archita tabellam (erat hæc, ut placet nonnullis, crepitaculi genus) pueris dandam; ut illius sono, quo maxime ducitur illa ætas, se oblectent. In quo illud erat commodi, ne, cum per domum plus iusto gestientes vagarentur, vasa murrhina, aut quidpiam aliquid simile in abacis expositum, humi alliderent. Pol. 8. c. 6.*
- 11 *Pueri præsertim ingenui a servulorum, ancillarumque congressibus removeantur; ne aliquid servile a prima ætate discant, aut spectent. (Pol. 7. c. 17.) Fit enim sæpe, ut eorum dum minus castis colloquiis intersunt, repetant secum ignari, quæ non perceperunt. Quod S. Aloysio olim puerulo, & inter milites versanti cum contigisset, quanto illum dolore correptum legimus fuisse! dolore ne tantum? quin asperrimis cruciatibus, eam labeculam, quæ labes non erat, in se vindicavit. S. Stanislaum Kostkam, ad impura conviviarum colloquia, pene exanimatum humi concidisse, ejus vitæ Auctor refert.*
- 12 *Omnis picturarum obscenitas ex tota domo eliminanda est. (Pol. 7. c. 17.) Nec alio certo consilio præcipiebatur olim pueris, ne ad certa quædam Deorum sana itarent; nisi, ne pictas ibi, aut sculptas Deorum libidines, dum intuerentur, eorum mores depravari contingeret. Atque ex picturis ipsis, non licentiores, ut erant Polygnoti, sed verecundiores, ut erant Pasonis propriæ, maxime probat Aristoteles*
(Pol.

(Pol. 8. c. 5.) *Tragædiis, mimis, spectaculis non intersint. Pol. 7. c. 17.*

- 13 *In puerilibus ludis quædam cautiones adhibendæ. Ut sint ingenui: ne sint laboriosi nimis; ne ex labore vehementer suscepto, crescere impediuntur pueri. Pol. 7. c. 17.*
- 14 *Ludis non nisi usitatis utantur: quorum in novitate multum periculi subesse, docet Plato in sua Republica.*
- 15 *Denum ut sint rerum olim in vita serio agendarum rudimenta quædam. In fabulis & narratiunculis curandum est, ut totæ confictæ sint ad formandos mores. Pol. 7. c. 17.*
- 16 *Absolute primo septennio matris educationi patris succedere debet disciplina. Ea opportunissima erit, si sub parentum suorum magisterio pueri recte dolere, recte letari didicerint; id quod compendiariâ ad virtutem viam esse dicebat Plato; cum omnes fere virtutes in moderandis tum doloribus, tum voluptatibus sitæ sint. (Eth. 2. c. 3.) In quo illud incommodi est, quod prius aliquanto, quam domicilium comparatum rationi sit, (tardius enim hæc, quam appetitus adolescit) voluptas rerum potitur; certamenque eo difficilius rationi sit futurum, quod, cum valente, ac sensuum domina, quos prius ad suas partes pellexerat, pugnandum sit. Quo in certamine boni, ac multum in posterum providentis patris est, periclitantibus in eo primo ætatis flexu pueris, sui maturitatem consilii accommodare; ut, si minus proprio, alterius saltem iudicio freti, cum blandissima domina pugnent inter se, atque contendant.*
- 17 *Somno, joco, potu, cibis, non aliter utendum, quam medicina quædam. Sunt, qui voluptatem, vel instar salis capiendam dicant esse; vel ut condimentum quoddam. Ex quibus intelligitur, perparce, ac moderate voluptatem, non pleno, ut dicitur, ore, hauriendam esse. Si vero se-*

cus contingat; voluptas liberalius percepta, quam decebat, contrario dolore castiganda est. Pœna enim, quam dolor comitatur, medicamentum quoddam est peccatorum eorum, quæ a voluptate plerunque proficiuntur; curationes vero recte fieri per res contrarias dicuntur. (Eth. 2. c. 3.) Has in pueris serviles quandoque esse oporteret, & viles; maxime tum, cum vel ad turpes voluptates stolidissimi jumenti instar adhinnunt, (Eth. 10. c. ult.) vel cum verborum obscœnitate abutuntur; cum modico plerunque intervallo distent inter se, turpiter loqui, & turpiter facere. Pol. 7. c. 17.

18 Servum, dixerit quispiam, instituis, non filium; tyrannum, non parentem amantissimum. Minime vero: quique poculum illud voluptatis diximus modico felle circumlinicndum, ne totum biberetur a puero, iidem nunc precipimus, subtriste illud alterum, ac subamarum virtutis poculum, ne ab eodem respuatur, affuso melle temperandum, quod præmiolis fiet, ac xeniis, ad illam atatulam quibusdam tanquam invitamentis ad virtutis amorem excitandam opportunis. Præmio enim & pœna, dolore ac voluptate, non solum amplissima Respublica, tanquam gubernaculo quodam continentur; sed etiam puerilis ætas maxime regitur, & eruditur. Eth. 10. c. 1.

19 Pueris nec cuncta neganda, nec omnia concedenda; severitatem indulgentia temperandam; in quorum utroque multum vitii solet esse, si altera prævalet alteri: quod in duobus adolescentibus, altero severius, quam par esset, altero mitius tractato, utroque autem pessimum vitæ genus amplexo, mirifice sub oculos ponit præstantissimus Comædiarum Scriptor Terentius in Adelphis, unde illa desumit Cicero in Orat. pro Cælio: Fores effregit? restituentur: discidit vestem? resarcietur.

Heli summi Sacerdotis in reprehendendis filiis fatua quædam lentitudo, acerrimis in totam familiam suppliciiis a Deo vindicata. Reg. 4.

- 20 *Puerorum erratis a prima ætate resistendum. In principio enim peccatur; principium autem fere est dimidium totius; itaque clam inserpit, atque ad reliquas partes funditur: (Pol. 5. c. 4.) ac deinde (c. 8.) maxime cavendum præcipit ab eo, quod paulatim repit; latet enim corruptio; nec tota simul sentitur: capciosumque putat, ut revera est, illud argumenti genus; si partes pusillæ, pusillum erit & totum. Itaque custodia, vigilantiaque ad hæc omnia utendum esse vult.*
- 21 *Multum esse in natura ad comparandam virtutem præsidii, quis ignorat? Sed nisi in illam, tanquam præcolum, ac bene subactum solum, optimam doctrinarum seementem, ex præstantissimorum Philosophorum libris haustam, ac petitam inicias; virtutum illa quasi semina, quæ in animi nostri membranis pridem inpressit, atque insculpsit natura, foras erumpere nequeunt, ac feliciter adolescere; quæ tandem ad debitam maturitatem perducuntur, ubi mos, & consuetudo, in qua sunt omnia, accesserit. (Pol. 7. c. 13. & 15.) Recte igitur Aristoteles tria omnino requiri docet ad virtutem, naturam, institutionem, consuetudinem.*
- 22 *In hoc Ars est inventa, ut per illam, ubi natura manca sit, & imperfecta, corrigatur. (Pol. 7. c. 17.) Vel facili igitur ingenio, vel duriusculo, & ad virtutis satus accipiendos minus opportuno præditus sit adolescens; utroque modo institui debet a suis parentibus; quamvis diversa quadam ratione, & via; si facili, fingendus magis est, quam calandus; si duro; pluribus scalpri ictibus, laborioso calatura genere conformandus. Certe, potior esse*

esse debet parentibus filiorum institutio, quam possessio-
num vel parandarum, vel colendarum cura. Disciplinaque
domestica ratio, magis ad filios pertinere debet, quam ad
eos omnes, qui in tota familia sunt. Pol. 1. c. 8.

- 23 Reflectendos esse puerorum mores in contrariam partem;
praesertim cum ad nimiam voluptatem incubuerint; quod fit
in ramis distortis, ut rursus evadant recti. (Eth. 2. c. 9.)

Abstinenti praeterea sunt a lectitandis Poetarum fabulis.
Sciria Pbillis, vulgò, La Filli di Sciro. Il Pastor fido.
L' Aminta.

- 24 Nihil igitur illa vicinitas redolet? sunt verba Tullii in
Oratione pro Calio. Suspectae quandoque esse debent corda-
to patrifamilias vicinitates quadam muliercularum, nihil
aque, ac incautam juventutem, in suos laqueos inducere
cupientium; vigilandum itaque est; puerique, ne langue-
scent desidia, honesto labore sunt detinendi.

- 25 Bellissimum erit, si lusingantibus pueris, parentes ipsi
adesse velint; vel qui loco parentum esse possunt, prove-
ctiores magistri. Cumque inter ludendum, multa insolent-
er, multa iracunde, superbe etiam, & contumaciter
multa committi soleant, quae partim contra iustitiam,
partim contra aliarum virtutum ornamenta sunt; ad eo-
rum mores informandos, rectissimum, inquam, erit, si,
qui talibus puerorum ludis intererunt magistri; eos par-
tim monendo, partim objurgando, partim veram virtutis
viam monstrando; ut iustas primo, ac temperatas
actiones edant, incumbant; quas mox progressu aetatis,
iuste, ac temperate, hoc est ad verae virtutis indolem, fa-
cturi sunt. Permultum enim interest, inter iusta, ac iuste
facta; cum primum casu etiam, & ex alterius norma,
regulaque praescripta fieri possit; illud vero alterum, quod
ex certo mentis delectu fiat; quod mediocritatem circum-
spi-

spiciendo fiat; totum virtutis est proprium; quæ, ubi se corroboravit, fructus edit tempestivos, maximeque uberes. Eth. 2. c. 4.

16 Exemplo præire liberis suis parentes debent ad virtutem; atque inde est, quod impuberibus pueris nullæ a magistratibus positæ sint leges; quod viva quadam lex sit domi pater, cujus auctoritate blandius quadam extorquentur, & facilius, quam ipsa legum severitate. (Eth. 10. c. ult.) Quod si qua in re acute solent pueri videre, in notandis parentum vitiis hoc solet contingere, quæ, si etiam præterita fuerint, & multis virtutum ornamentis oblecta, incitamento sunt, non tam ad paternas virtutes amulandas, quam vitia.

27 Accedit huc etiam, quod quadam vitia avita sunt in filiis, quasque cum sanguine ipso transfunduntur. In his ad iracundiam propensio quadam, aliosque affectus vehemens animi indultio numeratur ab Arist. (Eth. 7. c. 6.) Quod patris illius exemplo probat, qui, cum a filio vehementer irato per totam domum raptaretur, non admodum gravate tulit; donec ad altissimos totius domus gradus perventum est: quo in loco, jussu filio consistere, cum admonuit, ne ulterius progrediretur: hæcenus se commertum esse, quæ passus esset: se, idem ea aetate, qua filius tunc esset, in parentem suum fecisse, qui idem in avum suum fecerat, atque hic in abavum: hæcenus proinde totius familiæ excusatione uti posset: si vero ultra limen domus patrem raptando pergeret, inexpiabili se scelere obstringeret; quia primus in familia id fecisset. Quis in hac tam lepida, & multi salis narratiuncula, tanquam in speculo, effectum non videt, multa parentum quasi vitia infelici quodam hereditatis genere filiis obvenire: quæ, si qua solutioris vitæ exemplis, quæ orationis vanitate, inflam-

inflammantur magis , atque instigentur ; quanto cum publicarum rerum incommodo id futurum erit ? Fure igitur gravissimis suppliciis plectendi , quasque hostes Reipublicæ habendi sunt parentes illi , qui id faciunt ; quique universam civitatem hac ratione disturbant ; quæ profecto melioribus civibus uteretur , si melioribus filiis privatorum domus abundarent .

- 28 Absoluta morum doctrina , ad liberales artes , quibus imbuendi sunt adolescentes , Auctor progreditur ; docetque ex Tullio de Finibus , in hac tam difficili educandorum puerorum provincia imitandam esse naturam , cujus voce , ductuque parentes admonentur , ut ea , quæ ipsa prius in pueris inchoavit virtutum , disciplinarumque elementa , foras educere , atque in apertum proferre nitantur .

In quatuor omnino rebus (Pol. 8. c. 3.) adolescentes institui vult Arist. in Musica , Gymnastica , Figurativa , Literis . Musicam peropportunam esse docet , ad eam in affectibus mediocritatem inducendam , quæ virtutis est propria . Tanta est enim vis in sonis , & cantibus , ut per eam affectus nostri nunc incitentur , si remissi sint ; nunc contrahantur , si paullo latius , quam par est , ferantur . Per illam enim ex tristibus lati , ex remissis alacres , ex iratis ad mansuetudinem , lenitatemque deducimur . Illa supplices nos reddit ; atque erga numen Deorum probe affectos ; in extasim rapit , sacrum quandam furorem immitit : Olympi concentum imitatur ; animos nostros cælestium rerum contemplatione defigit . Quod si cætera ejus addiscendæ deessent argumenta , non satis illud esse posset , quod liberalissimam animo remissionem suppeditaret , unde gravioribus curis impediti conquiesceremus , atque otium honeste inde transigi posset ? Cum igitur in eodem tractandorum affectuum genere musica disciplina versetur , ac
virtus

virtus morum moderatrix, quid ni illam ad puerilis institutionem ætatis, tanquam huic subservientem advocare debemus? Præsertim, quod hæc subtristem illius in agendo, docendoque severitatem cantu mitiget, ac sonorum iucunditate: maximeque ea pueri delectantur; qui nihil sponte faciunt, nisi quod etiam iucunde fiat. Verum, ut hæc vocum ac sonorum moderatrix disciplina, talium sit bonorum effectrix, ingenua esse debet, ac morata; qualis erat olim Dorica, inter Phrygiam nimis concitatam, & Lydiam nimis remissam mixta, ac temperata; nec mirabilia confectans, qualis est Eunucorum propria, quæ distortis cupiditatibus audientium lenocinatur magis, quam medetur; qua de causa distortum quoddam, atque ab naturali sua sede divulsam musicæ genus, in theatra in vestum suis temporibus queritur Aristoteles, nunc nimis molle, ac remissum, nunc nimis bacchationibus concitatum. Altera cautio sit, ut graviore ætate appetente, cum ad Rempublicam accesserimus, musicæ non tam studiose vacemus; cum satis sit, non tam artis exercitationem profiteri, quam illius iudicium sibi reservare.

Ad musica instrumenta quod attinet, illa removenda sunt, quæ, aut exquisita nimis manuum gesticulatione indigent, aut vehementi nimis oris inspiratione, ut sunt Litni, Tibiæ, aliaque id genus instrumenta; quod in primis, plus laboris insumitur, quam honesto cuidam otio satis esse possit; in alteris, genis plus justo intumescentibus ora deformantur; vultusque ipse ab naturali sua sede dimovetur. Neque ob unam hanc causam tantummodo, inventricem tiliarum Deam eas in profluentem ænnem abjecisse Palladem ferunt; sed multo etiam magis, quod cum disciplinarum omnium Præses haberetur, minime fas esset, tam leviculo inflandarum tiliarum studio

- eam incumbere; præsertim, cum vehemens illarum sonus mentem a gravioribus studiis impediret. Recte igitur ab Aristotele monemur, in hac tota vocum, ac sonorum disciplina duo in primis spectanda, quid possis, & quid deceat, Pol. 8. c. 5. 6. & 7.
- 29 Gymnasticam olim nobiles adolescentes docebantur; quod robur, & fortitudo, quibus plurimus in bello locus esset, inde confirmari putaretur. Verumtamen plura in hoc vitia deprehenduntur; maximeque, quod immanis ille labor, hominum corpora efferaret magis, quam corroboraret; præterea, ne ad iustum magnitudinis modum membra pervenirent, impedimento esset. Quare multo melius nunc apud nos, veteri illi sive Græcorum, sive Spartanorum Gymnastica, artes, quas vocant equestres, substituta sunt, equitandi, saltandi, hastam vibrandi, compactili equo insidendi; quæ, ut varia sunt, nec unis corporis motibus exercentur, sic pluribus, diversisque inter se motibus, quæ virtus est maxima corporis, corpus ipsum assuefaciunt, expeditumque reddunt. Quare, tam pacis, quam belli tempore, multo esse possunt tum usui, tum ornameto. Pol. 8. c. 4.
- 30 Ars figurarum delineatrix nobili adolescenti plurimum etiam affert dignitatis; si ve quod otium, qui in ea sunt occupati, honeste transigere possint, sive quod in emendo vendendoque, non ita facile decipiendi sint; tum quod corporum partes, dimensionem, pulchritudinem propius contemplari possunt. Pol. 8. c. 3.
- 31 Literæ, quia solum quoddam sunt, ac fundamentum ceterarum disciplinarum, & quia fructuose cultoribus suis vulgo putantur, addiscendæ sunt. Pol. 8. c. 3.
- Optandum præterea esset, ut optimis sub Pædagogis prima balbutientium puerorum ætas ad humanitatem informaretur.

formaretur; nihilque inde præjudicii, quod nulla postea ratione elui possit, puerilibus olim auribus illineretur; quod prima quæ sunt, ut combibuntur avidius, sic fortius comprehenduntur, ac tenacius hærent. Quod quidem tantum est, ut Theodorus quidam, nobilissimus cateroqui Tragediarum actor, primus in scenam semper prodire vellet; quod diceret, præjudicatis alterius voce, licet minus suavi, auribus, suam non ita jucundam postea accidere: itaque quanta sit primarum, ac novarum rerum vis, satis aperte declaratur. Pol. 7. c. 17.

32 Privatis in scholis, an magis in publicis juventutem erudi præstet, lis cateroqui multis controversiis implicata, auctore Arist. facile dirimitur, ex quo apertissime eruitur (Pol. 8. c. 1.) scholas publicas multis partibus, privatis antecellere: pluribus enim laudat Spartanorum institutum; qui publicis Gymnasiis, in quibus non solum instituerentur, sed alerentur quoque usque ad certam ætatem, pueros includerent. Quam fructuosa vero sit publicis rebus, publica hujusmodi puerorum institutio, & quantum hujusmodi rei neglectus detrimentum afferret, docet ex eo, quod unis moribus, unisque doctrinis, iisque, non ad omnem, sed ad ejus potissimum Politicæ rationem, qua civitas administratur, accommodatis cives imbuendi sint omnes; ne qua aut morum, aut doctrinarum peregrinitate civitas ipsa inficiatur.

33 Cum in publicis Gymnasiis juvenes erudiendos esse satis constet; illa præ cæteris eligenda sunt; ubi sanior doctrina, Catholicæque Religionis magis consentanea proponitur. Hic duo spectanda sunt, quibus tota disciplinarum absolutio continetur, mentis nimirum, ac linguæ conformatio, quorum alterum in veri cognitione, alterum in iis, quæ mente percepta sunt, ornate, politeque differendis consi-

sit; quorum hoc eloquentiæ munus est, illud sapientiæ.

Multum etiam profuturum est, si pueriles ad rem literariam impetus, propositis ei ætati congruentibus premiis, diligens pater excitet atque exacuat.

- 34 Ne tamen nimium sibi oneris impositum præceptionibus nostris ii præsertim parentes quærantur, qui partim domesticorum, partim publicorum munerum procuracione impediti, vix otium habent, ut sedulam liberorum institutioni operam narent; illi, si me audient, publicas nobilium juvenum convictiones, quæ bene multa in Italia nota sunt, eligant; in quibus alienæ curæ puerilis ætatis partim in literis, partim in moribus institutio demandata est. Cumque mihi Romanum Seminarium præ cæteris innotescat, idcirco brevem instituendæ juventutis formam propositurus, quæ ibi artes tradantur, quæ studia literarum exerceantur, paucis complector; instituto ad hæc, ut, quam uberes ex hac domo fructus in publicam utilitatem proveniant, palam fiat, Summorum Pontificum, Cardinalium, Antistitum, aliorumque insignium militariibus præfecturis virorum, qui ex hac domo, tanquam ex equo Trojano prodierunt, non minus vero, quam magnifico censu. Neque indictam mihi passus sum Tiburtinam rusticationem, in quam vertente anno per Octobrem animi causa nobiles juvenes secedunt; quo loco per amplam domum, virisque principibus parem a fundamentis excitari curavit P. Carolus Spinula Societatis Jesu, qui Seminarii Moderator non semel fuit; ac nunc æconomicis rationibus, dum hæc scribo, præfectus est, cujus viri opera, Seminarii Romani domus, ex humili & per angustia, ad eam amplitudinem perducta est, ut nihil illi eorum, quæ usui esse possunt, aut ornamento, decesse videatur.

ADNOTATIONES

IN LIBRUM TERTIUM

VITÆ OECONOMICÆ.

- 1 **A**gitur in hoc tertio libro de parandis, conservandisque divitiis, deque herili non tam in servos, qui in usu apud nos nunc non sunt, quam eos, quos famulos appellamus, imperio.
- 2 Priscis illis, ac frugi temporibus, ut notat Hesiodus, tota domus constabat ex mare & femina, & bove aratore, vel etiam asello, qui in pauperum familiis vicem servi gerebat. Oecon. 1. c. 2.
- 3 Aurum vituperatur; quod origo sit, & fomes malorum omnium.
- 4 Ab objectis criminationibus aurum vindicatur; ostenditurque divitias absolute in bonis numerandas esse; ut quæ materiam præstant tot virtutibus, quæ sine illarum præsidio, non tam re exerceri possent, quam sterili tantum voto in animo consenserent. Eth. 10. c. 8.
- 5 Quibusdam cautionibus via præmunitur dicendis toto hoc libro tertio. Prima sit, adhibendum esse modum in parandis divitiis, quæ instrumentum sunt quoddam ad alendam familiam necessarium. In instrumentis autem parandis infinitum abire desipientis est. Pol. 1. c. 5.
- 6 Altera cautio sit, ne divitiæ in odia hominum incurrant, ut sunt feneratorum propriæ, nec rubori sint suis possessoribus. Tull. 1. Offic.
- 7 Prima ditescendi via ex fructibus terræ. Opes ex agricultura collectæ sunt omnium honestissimæ: neque enim ab invitis aut recusantibus vi, aut injuria exprimuntur; neque

neque fursus a volentibus, blando quodam, fucatoque verborum lenocinio, quod artes faciunt mercenaria, comparantur; sed hereditate quadam obveniunt nobis a terra, quæ est omnium parens, ac procreatrix. Omnis autem educatio est a matre, idest a terra. (Oecon. 1. c. 2.) Omnium vero rerum, ex quibus aliquid acquiritur, nihil est agricultura melius, nihil uberius, nihil dulcius, nihil homine libero dignius. Tull. 1. Offic.

Accedit huc etiam, quod cum illæ ex annuis rebus consistant, & in orbem redeuntibus, stabiliiores sunt, quam alia fortuna bona. Oecon. 2. c. unico apud Bernardinum Donatum Veronensem.

- 8 Oeconomus in multis peritus esse debet; præcipue quo locorum commodioris pretii, aut melioris notæ boves, equi, oves emenda sunt. Agricultura partes, quæ varia sunt pro natura soli, vel nudi, vel consiti perspectas habere debet. Earum denique rerum sibi notitiam comparet, unde utilitas sit proventus. Pol. 1. c. 7.
- 9 Ut ostendatur, quanta vis sit in optima terra cultura ad pecuniam honesta ratione comparandam, Historia Cresini cujusdam in medium affertur. Accusatus hic beneficii, quod in modica licet, angustaque fortuna, plus ex agello suo fructuum, quam alii ex amplissimis latifundiis, perciperet, apud judicem se purgat, ostendendo callosas manus, rustica ferramenta apud illum explicando, uxorem filiamque adducendo bene torosas, ac diuturno labore detritas; crimenque ipsum in aliorum, qui se accusarent, inertiam confert. Plinius Historia naturalis Scriptor. l. 18. c. 6.
- 10 Interrogatus Cato senex, (Tull. 2. Offic. in fine) quid maxime in re familiari expediret? respondit, bene pascere: quid secundum? satis bene pascere: quid tertium? vestire: quid quartum? arare; & cum ille, qui quæsierat, dixisset.

dixisset; quid fenerari? Tum Cato, quid hominem, inquit, occidere?

Ex his constat, omnem rem Oeconomicam a Catone tribus maxime rebus circumscriptam esse, atque definitam, arando, vestiendo, bene pascendo. De nudo solo, ac sativo dictum est supra; nunc dicendum de agro bene vestiendo; idest de vineis, pomariis, &c. Paulo post de pastura animalium, eorumque usibus, qui plurimi sunt, agendum erit; sic tamen, ut non inamorandum nobis in iis sit, quod infinitum esset; sed ut capita ipsa augendæ rei familiaris ostendisse, fontesque, unde divitiæ profluunt, refferasse videamur. Non enim hic aut bubulcum, aut aratorem instituimus, sed diligentem patremfamilias, qui rerum ad suum munus pertinentium scientia sit ornatus.

- 11 Bene pascendum. Hæ divitiæ, quæ in multitudine armentorum, pecorumque consistunt, & perpetuæ sunt, utpote quibus nitebantur olim opulentissima illa Patriarcharum familia, & maxime veras appellat Aristoteles. (Pol. l. c. 5.) Sunt enim ad hoc a natura institutæ, ut per illas homines alantur, sustenteturque familia. His enim constamus, his vestimur, his vivimus. Aliæ vero divitiæ, quæ nummo constant, & pecunia, a verarum opum appellatione desciscunt, quod vel in summa illarum abundantia, si lex cesset, & commutandi vis nummo abrogetur, fame quis perire posset; quod regi Mydæ accidisse fabulantur poetæ. Accedit etiam, quod in divitiis a natura institutis modus quidam est, & illarum satietas; ventri enim parantur, aliisque necessariis familiæ usibus, qui non sunt infiniti. At in pecunia, cui obediunt omnia, & fidejussor quidam in omnibus est, infiniti usus esse possunt: quare, quibus non tam bene vivendi studium est, quam cupiditas utcumque vivendi, infinitæ esse possunt
coacer-

- coacervandarum pecuniarum voluntates, ac libidines. Atque hoc nimirum est, quod Solon dicebat, nullum divitiarum hominibus finem esse constitutum; cum non tam naturales, atque, ut ita dixerim, agrestes divitias intelligeret, quam pecunia constantes, & nummo Pol. l. c. 5. 6.
- 12 Nondum descriptis, constitutisque civitatibus, necessitas quærendi cibi primos homines in plures vitæ classes distraxit. Itaque alii venatoriam, alii piscatoriam vitam sequuti sunt. Hi sylvestribus terræ fructibus alebantur; hi sativis, atque arte mollitis. Qui delicatius vescerentur, ex venatione simul & piscatu, ceterisque terræ fructibus victitabant; omnium autem pigerrimi qui essent, pastoritiæ vitæ se dediderunt, quasi vitæ agricultura quoddam genus exercentes. Pigros appellat pastores Aristoteles, quia ipsis quodammodo otiosis, ex gregibus suis tanquam ex vitæ penu lac, caseus, carnes depromuntur, ac villis ovium confectis vestes, tentoria, lectique ipsi conficiuntur. (Pol. l. c. 5.) Huc igitur diligens paterfamilias incumbat, ut plurimos habeat, & optimos ovium greges, ex quibus tantæ utilitates proventurae sunt.
- 13 In bonis utilibus numerantur fructus, vel quasi fructus regionis proprii, qui varii sunt, & multiplices pro vario locorum ingenio, & natura. Non omnis fert omnia tellus. Jam vero hæc etiam acquisitionis ratio a natura ipsa profiscitur. Acquirunt enim si minus a fructibus terræ ad alendos homines propositis; quæ multo nobilior æconomica rei pars est, & natura conjunctior; lucrum tamen facit a rebus ex terra ortis, & ad multos vitæ usus necessariis. Enumerantur in his sylvæ caduæ, omnisque res metallica ab Aristot. Pol. l. c. 7.
- 14 In magna præsertim, opulentaque familia constituendus est Oeconomus, rei que agraria præficiendi sunt ministri
vita,

vita, moribus spectatissimi. Paterfamilias vero rebus suis interfit; detque se nonnunquam itineri, ac via obeundi causa suos greges, sua pecora: difficile enim est alienæ rei vicarios esse attentos, si dominus ipse minime sollicitus sit; vereque illud prolatum est, Omnes sibi malle melius, quam alteri. Terent. in *Andria* Scena 5. Act. 2.

15 Meminerit denique tum illius præcepti ab Lacone quodam profecti, qui interrogatus, qua maxime re pinguesceret equus, oculo domini, inquit. Tum illius alterius Afri, ex quo cum quæreretur, quo utilius fimo stercorendus esset ager, respondit, domini vestigiis. Oecon. 1. c. 6.

16 Duplici acquirendi modo superius proposito; quorum altero ex fructibus terræ, altero ex propriis regionis acquiritur, tertius ab Aristotele adnectitur, qui in mercatura consistit. Pol. 1. c. 7.

Hujus tres sunt partes: navigatio, deVectio, negotiatio. Quæ quidem differunt inter se; cum alia tutiora sint; alia fructuosiora. Navigatio, per quam navigiis merces, ex uno loco transportantur in alium, fructuosior est; sed minus tuta; quare, recte apud Tullium Offic. 1. Laco ille dicebat non sibi placere fortunam, quæ esset apta rudentibus. DeVectio autem mercium terrestri itinere facienda, tuta magis est, quam lucri ferax. Tertia demum mercaturæ pars est, negotiatio; cum quis non operam impendit in mercaturam, sed pecuniam. Quartus acquirendi modus, fæneratio, quæ omnino improbatur. Quintus ex variarum artium ministeriis constat. Qui tres lucrandi modi quia præsidia degenda vitæ, non tam petunt a natura, quam vel ab arte, vel ab industria, minus proprii ab Aristotele dicuntur, & tralatitii. Pol. 1. c. 7.

17 Mercatura solet improbari, quod sordidum vitæ genus sit, & multis periculis expositum. Mercatura autem

L

(Tul-

- (Tullius lib. 1. de Offic.) si tenuis est, sordida putanda est; si magna, & copiosa, multa undique apportans, multisque sine vanitate impartiens, non est admodum vituperanda. Atque etiam si satiata quaestu, vel contenta potius, ut saepe ex alto in portum, ex ipso portu se in agros, possessionesque contulerit, videtur jure optimo posse laudari.
- 18 Boni Oeconomi est, diversa negotia, diversis in locis instituta habere, ne omnium simul periculum subeatur. Oecon. 1. c. 6.
- 19 Copiam, inopiamque de communibus rebus benemeritas esse; id quod adumbratur a Platone nuptiis Penia, id est inopia, cum Poro Deo divitiarum.

Fabula de auri inventione. Cum enim Peruvia populi, multarum rerum ad vitam necessariorum summa inopia premerentur, interrogato Dea Telluris oraculo, quid se facere juberet; responsoque accepto, si compotes voti fieri vellent, in ipsa communis parentis viscera violentas manus iniicerent; levatisque deinde benigniori Vatis interpretatione, injecta religione populis, quod montium latebra, quae viscera quaedam terra sunt, instrumentis ad id opportunis terebranda essent; ac quidquid in illis durioris materiae lateret, tanquam ossa quaedam igne purganda, ac late dissipanda praeceperetur; montes effodiunt, aurum inveniunt, inque auro omnia, quod omnibus parandis sit opportunum. Interim Vates afflatu divino correptus, quaedam praedicit de auro in nummum conflando; cujus proprius, ac precipuus usus esset in commutandis rebus, devinciendaque hominum societate. Abundantibus enim, ut recte docet Aristoteles, (Pol. 1. c. 6.) aliqua re unis, qua alii indigerent; permutatioque rerum cum rebus, quae prius in usu esset inter exiles familias, & paucarum rerum

rerum indigentes, crescente deinde hominum multitudine, & rerum copia, cum incommoda, & multis vitiis exposita deprehenderetur, praesertim ob locorum distantiam, unde res aut petendae essent, aut invehendae; consensione facta nummus substitutus est, quo tanquam communi mensura res cum rebus adaequarentur. Nummus ex auro percutiendus, ceteris aliis, vel ex argento, vel cupro, vel aere conficiendis, multis partibus antecellit, nedum vel marinis conchis, vel pecudum pellibus, quibus apud barbaras gentes olim consignabatur pecunia; in eo enim excellentius conveniunt, quae quatuor partes in optimo nummo desiderantur; pretium nimirum, minima moles, durities, raritas. Imagine vero Principis, aut aliqua publica nota consignatur, ut pecuniae ponderandae fastidio liberemur. Ibidem.

- 20 Nonnulli bene occupandae, & augendae pecuniae usus.
- 21 Fructuosae sunt, verum multis periculis expositae publicorum reddituum administrationes, curationesque publicae. Jus vendendi privatim aliquas res, remotis aliis, utile etiam ad augendam rem putatur. Quanquam hoc magis pertinere ad regiam, vel civilem Oeconomiam docet Aristoteles, quam ad privatam. Pol. 1. c. 7.
- 22 Vendendum prius, ac de pecunia indidem redacta emendum. Oecon. 1. c. 6.
- 23 Alphanus emunctae naris mercator, ut est apud Tullium, vel optima nomina, non appellando, fieri deteriora distabat.
- 24 Sequitur quartus acquirendi modus ab Aristotele propositus, (Pol. 1. c. 7.) qui quidem ex variarum artium ministeriis conficitur. Qui quaestus liberales habendi sint, qui sordidi, quaedam ab ipso praecipiuntur: sed satis sit, si dicamus inter artes, eas excellere, in quibus minimum

sit vel corporis viribus, vel fortuna loci; plurimum autem ingenio, & industria; eas vero viles & sordidas esse, in quibus aut sola voluptas quaeritur, aut mens a dignioribus homine studiis plurimum abducitur. Illiberales autem, inquit Tullius de Offic. 1. & sordidi questus mercenariorum omnium, quorum opera, non quorum artes emuntur. Quibus autem artibus, aut plurimum mentis inest, aut non mediocris utilitas quaeritur; ut Medicina, ut Architectura, ut doctrina morum excellens, hæ erunt iis, quorum ordini conveniunt, honestæ.

Id quod Thaletis Milefii exemplo comprobari potest; cui cum studium Philosophiæ tanquam minus utile ad rem faciendam esset objectum; cum magnam olearum penuriam ex astrorum peritia proximo anno consecuturam videret; easque viliter emisset, cum magna esset illarum copia; ac paullo post paullo pluris vendidisset, magnam sibi vim pecuniæ comparavit; ostenditque Philosophos, si rei faciendæ incumberent, eam augere posse, sed nolle, quod gravioribus, atque homine dignioribus studiis occupati eam negligerent. Pol. 1. c. 7.

25 Ex liberali filiorum institutione honeste lucrari posse prudentem patremfamilias; modo ipsis non invitis varia vitæ genera assignentur, ut *Aulica*, *Militaris*, *Oeconomica*, vel etiam *Forensis* ad repellendas litium molestias.

26 Sed de toto hoc genere, de quaerenda, de collocanda pecunia, etiam de utenda, commodius a quibusdam optimis viris ad medium Fanum sedentibus, quam ab ullis Philosophis ulla in schola disputatur. (Tullius 2. de Offic.) Frequens enim erat ad forum Fani mercatorum conventus.

27 Fœneratio multis de causis ab Aristotele improbat; & hanc acquirendi viam, nullo modo vult esse *Oeconomica* disciplina propriam, quod hujus præcipua pars sit, acquirere

vere a natura, vel ab arte; manus illius proprium sit ab hominibus lucrum facere: & hinc jure odio habetur. Deinde quia fœneratio abutitur nummo ipso; qui quidem ad hoc institutus est, ut cum rebus vel naturalibus, vel arte factis, societatis tuenda causa, commutari possit. In fœneratione autem, sola queritur nummi cum nummo commutatio, augendo nummum per fœnus, sive usuram, quæ grece τόκος dicitur, idest partus, quod in ea nummus pariat nummum; qui non est in se fœcundus; sed tantummodo si commutationibus rerum inserviat. Pol. 1. c. 6. & 7.

Est autem nobiliss, ac fructuosiss fœnerandi genus, quo Deus ipse obligatur ad reddendam vicem; si largi simus, ac liberales erga pauperes. Quod duplici Elísai exemplo demonstratur; qui, tum Sunamitidi, tum Sareptana viduæ sibi benigne facientibus gratus, ac liberalis fuit; dum earum alteri filium, non ita pridem extinctum revocavit ad vitam; alteri, insperata olei multiplicatione, tantum pecuniæ suggessit, ut solvendis nominibus superesset.

- 28 *Tanta erat soli Campani feracitas & ubertas; ut quidam (Tullius in Oratione de lege agraria) nulla pecuniæ conditione adduci potuerit, ut fundum quem in eo solo haberet, abalienaret; quod diceret, cum alios multos alibi possideret, solum ab eo se nunquam malum nuncium accepisse. At quanto feracior est, si rem diligenter attendas, fundus ille, qui in liberali erga calamitosos misericordia sit constitutus: ex quo non modo malus nunquam nuncius affertur; sed semper optimi: inter ceteros audiant illum regii Prophetæ Davidis. Psalmo 3. Jucundus homo, qui miseretur & commodat, disponet sermiones suos in iudicio; quia in æternum non commovebitur.*

29 Altera libri pars; in qua de adeptis pridem pecuniis, non effundendis, sed parce modiceque administrandis, præcipitur. Pro quo valere debet illud Ovidii in *Arte* lib. 1.

Nec minus est laudis, quam quærere, parta tueri;
Casus inest illic, hic erit artis opus.

Quid enim esset aliud, si pridem laboriose collectæ, non bono deinde modo servarentur pecunia, quam perforato cribro aquas haurire? quod vel apud inferos maximum est supplicii genus, quo Danaï regis filia plectantur. *Oecon.* 1. c. 6.

Pro quo prima regula sit: pedetentim a quæstu recedendum; nec fortunam tentandam diutius, quæ incerta ac fallax est.

30 Altera regula sit: cum vita quærendis divitiis occupata expers quietis sit, & violenta, (*Eth.* 1. c. 5.) pecuniis ante partis, moderate utendum, ac fruendum esse. *Oecon.* 1. c. 6.

31 Tertia regula sit: amor & charitas erga filios, quæ in parentum animis a natura ipsa insculpitur, quæ cura excuscat animos, & majores ad rem gerendam facit. *Tull. Offic.* 1.

32 Divitiæ jure sunt expetendæ; quod eas causas, quibus vulgo peccari solet, procul amoveant. Deinde, quod liberalius institui possint filii apud nummatis parentes, & commodius, quam apud pauperes. Eaque de causa, ingenui habentur & nobiles, quibus pervetustæ, & bene fundatæ opes contigerunt. *Pol.* 4. c. 8. & alibi.

33 A litibus non necessariis abstinendum. Memini me legere, Mutium quendam Auriculam insignem fuisse in procurandis causis, maximeque litigi sum actorem. Hujus generis homines, aure minores causidici appellantur a *Sestano* in suis *Satyris*.

34 Cavendum quoque a Theatrorum, & quibusdam cantinularum ineptiis, ab alearum ludo, luxuque omni, quo tanquam profundissima Chariodi honestissima sepe familiae absorbentur. Meminerint denique omnes qui rei familiari student, aurea illius sententiae: Res familiaris quæri debet his rebus, a quibus abest turpitudine, conservari autem diligentia, ac parsimonia, atque iisdem rebus augeri. Tull. Offic. 1.

35 Suburbanum rus fortunatorum, ac divitum villis jure anteponendum; cum non speciosa magis, quam fructuosa Oeconomus sequi debeat: (Oecon. 1. c. 6.) tum quia vegetalia urbana rusticis, tum ad speciem, tum ad questum anteferenda sunt. Tull. Offic. 2.

36 In suburbanum igitur suum se recipiens diligens, ac frugi paterfamilias securus commentetur, qua ratione in dies parciore sumptu victitare possit; num præstet pro rebus nummos solvere, an contra res pro nummis. Oecon. 2. c. unico apud Donatum Veronensem.

Cordatorum senum dicta, qua inter legendum Oeconomicos libros occurrunt, aut aliunde audiverit, notet, & meminerit. (Pol. 1. c. 7.) Ne proventibus ipsis majores sumptus fiant, mordicus statuatur apud se: quo neglecto monitu florentissimas familias funditus interire necesse sit. Oecon. 2. c. unico apud Donatum Veronensem.

37 Bene apud Comicum multa se commoda percipere ex suburbanitate sui prædioli diskitabat ille (Terent. in Eun. Sc. 6. Act. 5.) quod cum eum urbis tedium caperet, rus secederet, cum ruris fastidium subiret, in urbem se conferret. Quod tamen male evenire illis re, usuque compertum est, qui luxu, apparatuque ultra vires magnifico, dum sumptus sumptibus aggerant, alieno ære confecti, sero parsimonie student; atque in sua tandem rura inviti discedunt.

- dunt, repugnantesque; quod malum multo ante prævertere, sapientis Oeconomi est, ac multum in posterum providentis.
- 38 Peregrinis qui busdam usibus, qui in Italiam nostram continenti quasi lue invaserunt; quibus nihil aliud quaritur, quam pecuniam abradere, ac nervos omnes virtutis incidere, resistendum; aut illorum vanitatem prudenter corrigendam.
- 39 Uxor, filiiq; in officio continendi, ne rem laboriose partam turpiter effundant, ac perdant.
- 40 De testamento tempestive faciendo cohortatio ad parentes, ut rebus rite compositis, pacatè discedant ex hac vita.
- 41 De herili in servos imperio. Hos duplicis generis facit Aristoteles, alteros natura servos, alteros jure gentium. (Pol. l. c. 3. & 4.) Naturâ servi dicti, quibus ob hebetudinem mentis, cum seipsos regere non possint, expedit ipsis, ut aliis pareant: naturâ enim comparatum est, ut deterius sit gratiâ melioris. Sic appetitus, quia inferior animo est, seque ipsum sine prolapsione regere non potest, rationi servire debet, ac quanto magis servit, melior est. Jure gentium servi dicebantur bello capti, aut pecunia empti, aut alia quavis pactione: his opus, cibus, castigatio debebatur. Sed quia sine spe præmii in deterius prolabi solent homines; si servitutem bene servirent, libertate donandi erant. Oecon. l. c. 5.
- Cum vero efferatam hanc Ethnicorum consuetudinem bello captos in servitutem redigendi, Christiana mansuetudo exceperit, ac temperaverit; servis nunc utimur alterius generis, quos famulos appellamus; qui mercede conducti operam locant suam pro aliquibus vitæ ministeriis, non pro omnibus; in quos dominatus multo difficilius est, quod vasri plerumque sint, & refractarii, atque eodem, quo domini ipsi, libertatis munere ornati; itaque

cum valentibus pugnandum est, non cum iis, quos diuturna servitus, compedesque molliaverunt. Quadrare tamen possunt in illos persepe, quæ Tullius habet in Orat. pro Lucio Flacco: Phrygem plagis fieri solere meliorem — Si quid cum periculo experiri velis, in Chære id potissimum faciendum — Quis unquam Græcus comædiam scripsit, in qua servus primarum partium non Lydus esset? &c. Hic tamen promiscue nunc servos, nunc famulos usurpamus.

42 In horum etiam delectu, spectanda quædam sunt, quæ in servis primi generis spectanda docet Aristoteles: (Oecon. 1. c. 5.) ne largior iis vini potus tribuatur: ne aut nimis timidi sint, aut nimis robusti; quod primi non fervant laborem; & ferocibus non commode imperetur. Ne sint plures ejusdem gentis; dissidia inter illos non serenda; ne plus nimio delatores sint; non nimis denique aut rigide habendos, aut indulgenter. Oecon. 1. c. 5. & alibi.

43 Dadalum, & Vulcanum instrumentis usos alatis, & ad nutum artificis se moventibus, ex Homero refert Arist. Pol. 1. c. 3.

44 Navis ac diligentibus administris pro merito cujusque domum esse committendam; rationemque instrumentorum, ac domestica suppellectilis, quæ eorum curæ credita sit, crebro ab iis repetendam; servandumque illud Laconicum præceptum, ut ea, quorum varior usus in familia sit, separentur ab iis, quorum usus est frequentior; præterea iis in locis eo ordine collocanda, ut inveniantur facillime. Oecon. 1. c. 6.

In magnis familiis Fanitor esse debet, qui diligenter observet, quæ asportentur, quæque in domum inferantur; quique sit ad cætera inutilis. Ibidem.

In domo paranda, cujus finis (Tullius lib. 1. de Offic.) est usus, rationem habendam commoditatis, & salubritatis; sic, ut recte sit, cum rebus possessis, tum hominibus. In exilioribus familiis nullam esse penum institucdam; sed emendum in dies. Oecon. 1. c. 6.

Ædes describendæ sunt in cubicula, in aulas, in ambulacra; tum in loca quædam excipiendis hospitibus opportuna. Feminae in suis Gynecæis collocandæ in loco a maribus disjuncto; ancilleque absint a servulis quâ longissime.

Salubres erunt ædes, si averso Borea fuerint; & per æstatem ventorum afflatum, per hyemem Solem recipiant.

Nec domum, nec urbem incustoditam esse decet; pro quo Oeconomus, ultimus se cubitum recipiat; primus expergiscatur. Id quod, tum rei faciendæ, tum valetudini, tum etiam Philosophiæ studiis apprime utile est. Oecon. 1. c. 6. & alibi.

Denique si mentio hic fit de tribus libellis a me editis; etsi duo jam typis excusi sint, idest primus de Vita Urbana, & præsens qui de Vita Oeconomica est; tertium de Vita Aulica frustra requires; quia nondum prodiit; sed cum brevi, ut spero, proditurus sit, libuit hunc quoque duobus primis attexere.

F I N I S.

ERRATA.

CORRIGE.

p. 34. v. 3. femiviva	maleviva
p. 40. v. 1. Ipsa	Causa
p. 67. v. 27. obnubit den- ticulatus acer	obnubens fortia munit acer
p. 73. v. 11. Levinus	Cresinus
p. 75. v. 18. regant	levent
p. 77. v. 20. Tonfilis im- pexâ	Cædua sublimi
p. 96. v. 22. ne	ut

✓A1
1555528

1010000

1010000

1010000

1010000

1010000

1010000

1010000


1010000

1010000

1010000

1010000

1010000



4

18
17
5



